

In I. secundam de origine iuris

CATALEXIS,

VENTURA CAECO AVTHORE;

BONONIÆ in alma Academia Humaniores literas
proficiente.

AD REVER. ^{num} P. DONATVM CÆSIVM

Narniensem Antistitem, Bononiæ iure opt.

PROLEGATVM.



DEMISSVS



BONONIÆ,

Excudebat Ioannes Rubens, auspice Mercurio.

MDLXIII.

AD VENTVRAM CAECVM VIRVM

VNDECVNQVE DOCTISSIMVM,

FABRITIVS Rescei carmen.

QVAM bene Caecē dicas de Iuris origine librum

Illi? quo regnum Praeside Iura tenent?

Vindice nimirum Hoc, iniuria, tempore ab ipso,

Aut rabido à Momo nulla timenda tibi est.

Quin speranda magis, Petro duce, & auspice Petro,

Omnia: quae famam perpetuare queant.

Nam, quemcunq; Petra haec sustentat, in astra uolabit:

Quemq; terit, Petra haec, in Phlegethonta ruel.

Recte igitur donas Donato Caecē libellum:

Qui donare tibi uel bona cuncta potest.

Quippe ita Caecē uides multum. Sed tu Enclyte Praesul

Respice iam Cæcum, iamq; clientis opus:

A cunctisq; bonum ipse malis bonus eripe: quando

Es Petre, Petra bonis; es Petre, Petra malis.

3

REVERENDISS. P. DONATO CAESIO
NARNIENSI ANTISTITI,
BONONIAE PROLEGATO.

VENTURA CÆCVS S. P. D.



VT THOREM ego quidem rerum, con-
ditoremq; DEVM, cuius nutu, atq;
imperio obtemperant uniuersa, cæliq;
summa reguntur, atq; terrarum ima:
nihil homini Philosophia præstantius,
nihil diuinius tribuisse puto: cuius rei
causam suscipies qua cætera consueui-

sti mente, PRÆSVL Amplissime, Clarissimeq; PROLE-
GATE. Constat sanè homo corpore, atq; animo: cumq; corpus
contrariis elementis confectum, animus contactu, coniunctioneq;
corporis innumeris conflictetur morbis, variisq; libidimbus tor-
queatur, gemina reperienda fuit medicina, altera, quæ corporibus,
altera, quæ mederetur animis. Est igitur (ut in pauca conferam)
animorum medicina Philosophia, quæ parata, ac reddita non con-
tenta incolumitate, mentes expiat ut euolare audeant, imitariq;
Numina. Hinc immortalitatis paranda immensa cupido, quam
licet omnes consequi non ualeamus, appetimus tamen, eoq; cona-
tum omnem dirigimus. Pauci tamen superis (ut mihi persuadeo)

A 2 charif-

Chariſſimi uoti compotes officiuntur. equis enim ille & uene, &
ingenii deterioris nos ad terram deprimit, neq; aurigam patitur
suo munere fungi. Felices igitur illi, omniq; ex parte beati, qui-
bis contigit caeleſtia ſapere, et in ipſa terra terrae tamen obliuiſci,
eumq; ſibi æternum parere; quorū nomina fama benignior, atq;
clementior monumentis nunquam cognituris interitum confe-
crabit. In hunc te reſero numerū (PRÆSES optime, ac Reuerendiſſ.
PRÆSVL) qui nihil aliud ab ineunte ætate cogitaſti, niſi illud
unum, quo potiſſimum pacto gloriam à maioribus partam, tibiq;
hereditatis relictam nomine integram tuereris, atq; ſeruareſ, ſar-
tumq; teſtum te ipſum præſtares, iter tibi faciens ad ſydera. Ne o-
arbitreris obſecro me tibi adulari inſtituiſſe, quod unum ego ui-
cium ſceleſtiſſimum puo, à quo maxime abhorreo natura. Sed
hoc auſum affirmare neminem incorrupto iudicio me conueniſſe,
quin toto pectore in hanc meam tranſiret ſententiam, teq; omniū
uirtutum genere ornaſiſſimum prædicaret, qui florentiſſima
ortus familia in opulenta ſatis re, tantum tamen ſtudiis adhibui-
ſti diligentie, ut intelligi facile poſſet, omnia te tua in uirtute poſi-
ta ſemper exiſtiuaſſe. Fortuneq; dotēs, & quæ uulgò bona cen-
ſentur penitus contempſiſſe. Poſſem, & libenter quidem efficerem
tua geſta percurrere; ſed Bononiensis adminiſtrata Prouincia
ad ſe me reuocat, neq; digredi patitur, antequam tuam ſingularem
iuſtitiam, fidem, integritatem, pietatem in adminiſtranda Rep.
commemorem. quod tantum flumen ingenii, quæ tanta dicendi
copia, quæ uis, quæ ubertas, qui candor tuas laudes perſequi pote-
ris oratione? Nam ut omittam ciuitatem omnium clariſſimam
Bonomiam

Bonomiam

Bononiam disciplinarum altricem, aliam Atheniensium ur-
 bem, æte ornatam, excultamq; ædificiis, ut de pulcherrimo Gym-
 nasio te Authore, atq; Principe nihil dicam ædificato, quò gen-
 tes omnes tanquàm ad emporiũ locupletissimum, artiumq; bo-
 narum mercatum confluant; ut Concamerata Prætorii taceam
 ædificiatuum posteris testatura nomen, ut perfectum, absolu-
 tumq; Sacellum, perenniq; Fonte iam propemodum decoratum fo-
 rum, ut hæc inquam omnia silentio transigam. nihil enim vulga-
 re, nihil quod alii præstare potuerint te delectat, ad eaq; me trās-
 feram, quæ maioris sunt Theatri. Vitam, iterum dico vitam ci-
 uium, coniugum, ac liberorum, agrestiumq; uniuersorum tibi ci-
 uitas, agerq; debet Bononiensis. cum enim annona laboraretur
 alterum iam annum, nec penuria, sed planè fames timeretur, ui-
 etum omnibus, salutemq; tua industria, prudentia, magnitudine
 animi confecisti, Diuinumq; bonum opitulante Numine largiri
 mortalibus potuisti. Certè si ea uixisses etate, qua de reliquis ho-
 minibus benemeriti Diuinis uenerabantur honoribus apud Her-
 culem, Liberumq; patrem, quos uetustas beneuolentia, fama q; ad
 cælum extulit iam collocatus esses. tu tamen nihil possis, nihil
 optas, quod Christianum non deceat Antistitem. Sed quod ego
 Diu boni saxum uoluo? quò progredior? cedam, cedam ego sa-
 nè tuarum laudum magnitudini, meq; ad mea tempora conuertò,
 qui me tibi omnia debere fateor. Nam cum Bononiam accessis-
 sem Tridentum petiturus, ut tantorum Patrum Conuentum, ut
 sacra illa Christiani nominis comitia spectarem, maxinaq; frue-
 rer cum uoluptate, tum etiam præstantissima gratia. quidam me

cum

cum egerunt optimum factu fore si Bononiæ subsisterem, si literas profiterer mansuetiores, libero digniores homine, quas uocant humaniores. allucinatus sum nescio quo pacto et ciuitatis nomine, & Academiæ uetustate simul, ac nobilitate, nescio an sequutus umbram, an rem ipsam animo uidear concepisse. Assensus sum tamen, iterq; ceptum, quod mihi honori maximo futurum credideram omnino deposui. ecce nouum, insperatumq; malum, suboritur atra tempestas, repletur nubibus aer, parumq; absuit quo minus fulmine afflarer. actum de honore nostro uidebatur, dignitas minabatur ruinam, omnium annorum gloria puncto temporis interibat. Tu uerò uelut cælo demissus subleuasti cadentem, destitutum fouisti, dedisti operam, ut nostra dignitas omni labe seruaretur, custodireturq; purgata. Quando tibi ego gratiam referam? Quando tantam cumulabo liberalitatem? Quando tuis tantis par ero beneficiis? uita me certè prius deficiet quàm fides, gratiamq;, quam referre non licet semper habebo. etenim scio habenda gratia referri. Cumq; aliquod hoc tempore pignus meæ in te singularis obseruantie tibi tradere constituissem, quod meum testaretur obsequium, excursions quasdam non satis illas quidem politas, sed quæ tenuem nostram præferant officinam in alteram de Iuris origine legem, cuius fertur Pomponius author Iureconsultus, dicare tibi decreui, quas si tibi gratas sensero, si placere cognouero (Pater Amplissime) uiribus augebor, conaborq; maiora, quæ tuis accedent titulis, ut tui nominis claritate defensa, securius edantur; sed iam plura recusat epistola, iam satis debacchati sumus, uel nobis ipsis uidetur. sit igitur finis. Vale PRÆVL
Clarif

Clarissime, ac Reuerendissime, nostramq; amplectere Cacita-
tem, tibi nullo non tempore deditam, atque deuinctam.

DEVS interim Opt. Max. te quàm diutissimè
seruet incolumen, honoribusq; amplifi-
catum ad summam prouehat di-
gnitatem, & gloriam.
Licetum Vale.

FABRITII RESECI FOROCORNELIENSIS,

DE VENTURA CÆCO.

FORTUNA Cæcum cæca Plutum ducere
 Consuevit, cæcorum in domos, & diuitum
 Nunc ecce formamq̃, & habitum uiri gerens,
 Pluto relicto, Virgines Libethridas,
 Phæbumq̃, Suadam, & Pallada, & Cyllenium
 BONONIAM reduxit; unde cesserant.
 Sic ecce tandem, ad te, ecce docta FELSINA
 VENTURA uenit, illa iam felicitas.
 Inuentus ò sacris initiata studiis
 Felicitate perfruare tradita,
 Nunc læta Cæcum diligens ama, foue,
 Complectere, obserua, cole, orna, & adiua,
 Ducemq̃ sequere. Nanq; perspicacior
 Argoq̃, Lynceoq̃, recto tramite
 Te ducet optatam cito ad metam pede.

EIVSDEM AD LECTOREM.

QVOD tibi conscriptum de Iuris origine Cæcus
 Dat Ventura, lubens perlege Lector opus:
 Vnde Magistratus poteris cognoscere priscos:
 Qui populis quondam iura dedere suis.
 Hac in parte uidet multum Pomponius, At si
 Tu uideas, Cæcum plura uidere putes.

9
IN LEGEM II. DE ORIGINE IVRIS

PRAEFATIO.



OMNES homines (ut ego mihi quidem persuadeo) quæis non frustra tributa est ratio, quæis ut suis animæ non est data profane, omnes inquam homines tanto nomine dignos omni studio, summaque conari decet ope, ut corporum penitus obliti iam hinc cælestia sapiant, diuina curent, meditentur æterna, relictisque terrenæ molis impedimentis sese quantum homini liceat, efferant ad Deum, quod ego uerè puto philosophari. Tantum enim abest, ut animus terrena labe pollutus se conferat ad philosophandum, ut nihil existimetur clarissimorum uirorum sententia philosophiam æquè respuere, tantopere abhominari. quamobrem uerus utique philosophus tantum corpori tribuet, quantum desiderare uideatur natura, quicquid reliquum erit (erit autem sanè plurimum) ad mentis cultum accommodabit, sequique diuino præditum animo sentiens Deum efficiet inter homines, cælestemue genium, natum ut fortunam uincat, conterat uitia, diuina iura, legesque custodiat, extollat, efferatque uirtutem, nec se patiatur mortalium illecebris contaminari. Hunc

B ego

ego uerum appello philosophum signum attollen-
tem, quod qui sequantur persuncti uita uel heroes,
uel certè indigetes in Deorum cœtum meritò, colle-
giūq; referantur, qui si rebus publicis præficiantur
fruentes adhuc luce mortali, beatissimas efficiant ci-
uitates. Etenim cum homines sint, humana superant
ingenia, quos utinam quàmfacile prædicamus imite-
mur. Sciò equidem paucos admodum esse, qui hoc
iunere contendant in cœlum, qui hanc uelint ire uia,
rara tamè uniuerſa sunt bona, plurisq; fiunt quò sunt
rariora: sed quò sum ego progressus? quodnam ge-
nus hominum cœpi tractare? non meum, non inquā
meum est opus, refugit mentis imbecillitatem, exi-
guasq; uires clarissimorum uirorum, uel numinum
potius singularis dignitas, summaq; maiestas; hebel-
scunt oculi tanti luminis splendore confusi. Quare
contrahenda sunt uela, oratioq; ad id, quod institui-
mus conferenda. Maximum ego sanè diuinorū ope-
rum cœlum existimo, quod omni ex parte perfe-
ctum, omnibusq; (ut sic dixerim) numeris absolutū,
opificis testatur sapiētiam incredibilem, quam se qui
conantur hi, quos paulò ante laudabam philosophi
sed in hoc opere uniuerſo nihil est (nisi fallor) quod
si diligentius, accuratiusq; spectes te magis moueat,
quam lex illa legum omniū parens, qua cuncta con-
stant, qua, ut laudatus inquit Poeta, uiget concordia
discors.

discors. Quid enim obsecro potest admirabilius
 cerni, quam fœdus illud, quo necantur mutuo con-
 traria uinculo, cumq; seruant ordinem, quem concipi-
 pere potius animo possis, quam explicare. hanc legem
 sanctissimam, legum omnium authorem fuisse credi
 par est, nullamq; legem existimandum omnino, quam
 non genuerit lex illa procreatrix, productrixq; cate-
 rarum; unde illud centè palam est iustitia uatatem,
 legem non esse censendam; cum ex Dei maximi gre-
 mio leges hominibus credantur exhibita, urbium
 tuendarum gratia, humanaq; societatis ad terrâ do-
 missa: quò fit, ut ab ipso numine deficere uideatur,
 qui legum uel iussis non obtemperauerit, uel iustiti-
 is: etenim si iuxta sententiam Empedoclis lite tolle-
 retur còhcordia, omnia puncto temporis interirent,
 sublata lege, qua potissimum hæc machina continet-
 tur, hec ciuitates quidem consistere possunt: si legi-
 bus refragentur homines: cum igitur uim legum,
 atq; magnitudinem animo mecum ipse reuoluerẽ,
 legemq; meminissẽ in comune, mediumq;, quod
 quisq; posset conferre iubentem, seq; inuicem iua-
 re præcipientem: mihi quoq; agendum aliquid ra-
 tus legem alterã que tit. De Romani iuris orig. clau-
 ditur, ne a lege, uidelicet discederẽ exponendã, enar-
 randamq; suscepi. quem laborem inutilem pleriq;
 putabunt, cum eam ipsam legem ante me diuinitus

explicauerint multi, qui si eam nobis conditionem
 statuunt, ut nihil quod ab aliis actum sit efficiamus,
 nullum agendi locum nobis omnino reliquunt.
 Quis enim censuerit in tanta seculorum serie, tot
 aetatibus, in tanta ornatissimorum hominum uberta
 te, quantam superiora tēpora prodiderunt, fingi sal
 tem aliquid posse, quod actum ante non fuerit? qua
 re quo loco uelint hanc nostram collocent operam,
 non enim id molimur, ut gloriam insectemur alie
 nam, sed ut pro parte muneris nostro satisfaciamus,
 nec perpetuo marcescamus otio. quare uel extremo
 contenti gradu non parum profecisse iudicabimus,
 si modò in aliquo fuerimus numero, nec dedignabi
 tur lector egregius iudicium rerum uarietate com
 paraturus nostrum hoc, quicquid fuerit adiungere
 melioribus, potioribus aggregare. sed iam nimium
 multa nobis ipsis elocuti uidemur: itaq; col
 mus lato pede ad rem ipsam accedamus, le
 uisq; aggrediamur expositionem,
 si quaedam prius, quae magis
 perspicua Iureconsulti
 reddat elogia pro
 posuerimus.

Libri Primi Catalexeos in

LEGEM II. DE ORIGINE IVRIS

EXCURSIO PRIMA.



EXPLICATVRIS igitur nobis quid, quantumq; complecti potuerimus, atq; intelligere de altera lege, quæ est sub titulo de origine iuris, optimum factu uidetur, si priusquam ad literam accesserimus, ipsius tituli exposuerimus quoddam quasi cognomen, nostri Rubricam appellant; à connexionē, coniunctionēq; sumpto principio: sic enim receptum consuetudine videmus. Tribus igitur modis carētia corpore, & quæ sola mente percipiuntur. coniungi mihi posse videtur. Primo quæadmodū generibus cōiunguntur, cōpulanturq; formæ. Est enim series quædam, quæ à genere trahens principium, ad ultimāsq; perueniēs formas, ibi finitur. Etenim singularia cum successione saltē, vt philosophis placet adepta sint infinitatem, sub scientiam sanè non cadunt. Sciētia igitur ultimis definitur formis, quas vulgato nomine indiuiduas species, idest singularibus proximas cōsueuimus appellare; hæ autem siue species, siue formæ sub aliquo genere

genere clauduntur. itaq; series est certa à generibus
 ad infimas formas, & à formis postremis ascenditur
 ad suprema usq; genera; non tamen eadem ratione
 inter se, atq; generi iunguntur species, qua toti par-
 tes, propterea quòd partes totius nomen nò assequū-
 tur, formæ verò, & generis naturam, & cognōmina-
 tionem, quæ κατὰ φύσιν Græcè, nostris prædicatio dici-
 tur, consequuntur. Asserimus enim tam ius publicū,
 quàm priuatum, naturæ præterea, gentium, & ciui-
 le iuris nomine pronunciari, ut Vlpianus l. prima. ff.
 de iustitia, & iure. §. Huius studii. vnde naturam gene-
 ris formis inesse constat. Alterum est cōnexionis ge-
 nus, quando imagines imaginibus, affectionibus iun-
 guntur affectiones; qua coniunctione diuinis iūgun-
 tur humana, inferioribus superiora nectuntur. Sic &
 amicitia, & cognatione, propinquitatē iunctos di-
 cimus homines; quam seriem seruata à primo mor-
 talium ortu sanè uidemus. Est enim cognatio maio-
 rum quædam imago, quæ animo potius, quàm cor-
 pore retinetur; idem de amicitia dicas: iūgitur enim
 amicus amici formæ, quam clausam animo tūetur,
 atq; defendit. Ratio verò tertia cōnexionis est cū
 materiis iunguntur materiæ, de quibus uel sermo in-
 stituitur, uel disputatio, quam copulam continuatio-
 nem nostrates Iurisperiti nescio quàm rectè, quamq;
 propriè soliti sunt uocare. Hanc quarimus, hæc no-
 bis

bis tractanda videtur, quam in tradendo iure sequendam & Imperator putat, & Iureconfulti, quorum auctoritas comparatur l.ii. ff. de statu hominum, ipsoq; uestibulo Instit. de leg. non tamen semper res patitur argumenta, de quibus est differendum, inter se copulari. dāda nihilominus est opera ut quo ad eius fieri possit copulentur, atq; cohaereant. Cum igitur superiore tit. de iure, iurisq; partibus, deq; iustitia fuerit disputatum, cōsequi videtur ut iuris exprimat̃ur origo. Sic enim & utilitas tractationis eius facilius cognoscetur, & homines libentius operam iuri dabunt, cum originibus cognitis iuris dignitatem, auctoritatemq; perspexerint. Et quoniam (ut Aristoteli placet) qui res iudicant animatae sunt leges, omnesq; magistratus uim aliquam iudicii uidentur obtinere. imperium enim iudicium est quoddam, merito magistratum quoq; origo proponitur. illud uero nemo negauerit bonam, magnamq; iuris partem auctoritate prudentium sustineri. quare non ab re prudentium quoq; successio iuris coniungitur ortui. Sed quaeret aliquis cum ius sit uarium, & multiplex, cuius nam iuris hoc loco quaeratur origo. Constatq; ciuilis iuris originem demonstrari, & eius quidē Romani, quod propter imperii magnitudinem; urbisq; maiestatem longē, lateq; propagatum est. ex his illud quoq; animaduertatur oportet magistratus explica-

ri

igitur ipsa sit quemadmodum dicebamus æquabili-
 tas, ipsum quoq; ius dicitur esse, quod quidē æqua-
 bilitate maxime censetur. intelligo. cū ius ipsum di-
 cō perfectissimam illam iuris notionem, quam Græ-
 ci uocant *Δίκη*. Egoq; sic *αὐτὸ Δίκην* dico, uel *τὸ Δίκην*
 quemadmodū *αὐτὸ Ἄγιστον*, uel *τὸ Ἄγιστον*, cætera uerō
 uel iuris, uel boni appellantur. communionē hanc
 sententiā probare mihi uidetur. Vlpianus l. prima
 ff. de Iust. & iure initio legis, ubi, Sacerdotes ait esse
 Iureconsultos, quod certē nō diceret, nisi à Deo ius
 ductū esse putaret, cui potissimum Sacerdotes dican-
 tur. Sūt qui dicant à Deo quidem ipso ius esse du-
 ctum, propterea quod in orbe condendo certū ius
 dixerit, quo constaret machina concors diuersis par-
 tibus, discordibusq; connexa, iuxta mysticā Salomo-
 nis sententiā de sapientia loquentis diuina, Quando
 præparabat cœlū aderam, quando certa lege, & gy-
 ro vallabat abyssos. Ius. n. uel ipsa sapiētia est, uel nō
 certē sine sapientia. Cic. in his, quæ de legibus con-
 scripsit, iuris originem naturæ tribuisse uidetur. opi-
 nor cum ita sensisse, uim quandam esse naturam per
 cuncta vagantem, regentē vniuersa, curantemq; ut
 singula consisterent, ac permanerent. Itaq; certum
 ius à natura tradit ortū, unde cætera nata sunt iura.
 Illud enim in alterum nē contuleris, quod tibi fieri
 recuses, maximū naturæ uinculum uidetur habere.

C

Itaq;

Itaq; et qui perperam, maleq; viuunt naturæ dicuntur aduersari, quæ legem rectè uiuendi hominibus sanxit. mihi quidem superior sententia placet: est. n. Dei opificium natura, a Deo cepit quod habet, inde omnis manat iustitia. Vnde ius tractum putatur, ut l. prima. ff. de iustitia, & iure ipso legis uestibulo. Itaq; quæ à Deo sunt, maximè sunt iusta, cum ipsa sit numen iustitia. Iustitiam autem eam appello, vnde ius diximus ortum esse, de qua latius est explicandum.

DE IUSTITIA.

EXCVR. III.

IUSTITIAM duobus modis Aristoteles accipit tradit, Ethicorum volum. quinto. nam aut ea iustitia est, qua uirtutes intelliguntur uniuersæ, atq; in hac significatione idem erit quidem dicere iustitiã, atq; uirtutem, duoq; cōuertentur hæc nomina, vnū, idemq; significantia. Vnde sumpsisse creduntur Stoici unam uirtutem habere neminem posse, qui nō habeat omnes; intelligentes uidelicet omnium unam Ideam esse virtutum, quam iustitiam rectè possumus appellare. Sed in hominibus quidem difficile dictu est hanc esse uirtutum coniunctionem, quam Græcè possumus *ἐνυκλονικίαν* appellare in Deo certè sic cōstat uirtutes esse, ut sit ipse uirtutes omnes, si modo fari nobis sic licitum est. Altero modo iustitia uirtus quædam est, uirtutisq; forma, quam ita opinor posse describi,

describi, ut sit iustitia æquabilitas dantis, atq; accipientis. hanc Aristoteles civilem appellat iustitiam, quoniam æquabilitate societatem tuetur humanā, ciuitates defendit, efficitq; ut humana seruentur cōmercia, omnesq; affert utilitates, quas Hermogenianus commemorat l. ex eodem iure gentium. ff. Item de iusti. & iur. tota lege. Verum æquabilitatem constat esse duplicem: altera enim est, quæ dicitur Arithmetica, hæc numero continetur, ut si decem acceperis, totidem reddito: altera Geometrica, quæ proportionem fit, ut tantum quis accipiat, quantum sibi debeatur. unde si huic dederò decem, illi uerò septē, iustitiæ munus expleuero, suum utriq; tribuēs, quē admodum copiosiorē alteri cibū dabo: alteri uerò strictiorem, utriusq; naturæ seruīens, nec alterutri faciam iniuriam. Hæc igitur æquabilitas proportionem constituta iustitiam facit eam, qua de nobis est sermo. Quam Vlpianus l. Iustitia. ff. eodem describens, ait, Iustitia est constans, & perpetua uoluntas ius suū unicuiq; tribuens. Quo loco falli mihi videntur, qui putant diuinam à Iureconsulto definitam esse iustitiam; non enim decet humanum ius explanaturum diuinam, quæ sciri non potest, definire iustitiam. Præterea ius quoq; diuinum oportuerat definiri, quod uel Deus ipse est ius summum, maximaq; iustitia, uel ius potius ipsum, ipsaq; iustitia, quod quidē finiri nul

la ratione potest. Quis enim numē illud immensum
 uel finiat, uel describat? uel ius certē fuerit, quod ab
 ipso numine prodit; hoc autem incognitum huma-
 nis mentibus esse patet. Iam enim primum omniū
 nihil à nobis accipit Deus, cuius nutui, atq; potestati
 subiiciuntur omnia, donat autem ipse quicquid ha-
 bemus: Cumq; ius maximum sit, ut dicebamus lar-
 gitur iustissime. Vnde quod apud homines iniustū
 aliquando uideatur, id apud Deum censebitur ius-
 tum. Petunt ab Aegyptiis Hebræi argentum mu-
 tuum, suppellectilisq; genus omne ad apparatus sa-
 crificij, idq; secum auferunt. Reclamarent humana
 iura, imperauit tamen Deus, cui nihil est alienum,
 quod sanè docet Euangelicū illud patrisfamilias elo-
 gium, qui denarium tam primis, quàm ultimis repen-
 dit operis, quarentiq; respondit uni, licet mihi face-
 re quod lubet, quippe qui libero munere dono mor-
 tales. Constat igitur diuinum ius rectē non posse fi-
 niri, nisi fortē dicatur id, quod à Deo præceptum im-
 peratumq; sit ius esse diuinum, fatebor tamē Deum
 Opt. Max. suum ius unicuiq; tribuere, hoc est omni-
 bus pro dignitate consulere, hoc tamen contendam
 ius, quod in Deo est; quodūq; à Deo sine interuallo
 progreditur uelle finitione completi audacissimū
 esse: nān quod aiūt nihil constans, nihil perpetuum
 in hac xui breuīs uita consistere, si de uera constan-
 tia,

tia, æternitateq; loquantur: nemo negat: fin putant
nullam constantiam penitus in homine reperiri fal-
luntur. Est enim constantia uirtus à iustitia non alie-
na: perpetua uerò dicuntur, quæ eodem modo uel
sunt, uel fiunt quoad esse, fieri uel licet. Illud est præ-
terea in hac descriptione animaduertendum, quod
uoluntatem dicit esse iustitiam. Patet est autem phi-
losophos omnes, uel scientias existimare uirtutes,
quemadmodum de Socrate proditum est memoria,
uel habitus, ut Peripatetici sentiunt; uoluntatem ne-
mo dixerit esse uirtutem. Quo igitur pacto, quauē
ratione descriptionem tuebimur: nempe si dicamus
geminam esse uoluntatem, præuenientem alteram,
alteram consequentem. Præuenientem dicamus il-
lam, quæ pro rerum concursione, uarietateq; muta-
tur frequentius in dies. Consequentem uerò illam
asseremus, quæ confirmata habitum quandam expen-
dendorum bonorum confirmat. In animis, quem in-
telligit Iureconsultus. Satiùs tamen fuerit habitum
dicere, quam uoluntatem: uocō autem habitum,
quem Græci appellant, sed in re uideor mihi ni-
mius uel perspicua, uel certè non admodum dubia;
itaq; iustitia iam diuidatur: altera est enim, quæ po-
tis malos coercet: altera quæ premijs exornat, abli-
citq; bonos, utriusq; metuit. Vlpianus h. primas de
iusti. & iure, initio legis his sermē uerbis: bonos non
enoi gila
solu. n

solum metu pœnæ, sed etiam præmiorum exhortatione efficere cupientes. vnde constat non solum iustitiam bonos conseruare sui muneris, officiūq; putare, sed etiam malos ad uirtutem reducere, uel pœnarum metu, uel adhortatione præmiorū, constat etiā medium quoddam esse iustitiam, unde & *δικαιοσύνη* iustum, & *δικαστής* iudicem appellamus. sed de iustitia sic hactenus excursum. ad ius reuertamur, quod à iustitia originem ducere profelsi sumus.

DESCRIPTIO IURIS.

EXCVR. IIII.

CELSVS Iureconsultus ius artem boni, & æqui definiebat, interpretans uidelicet, ius ipsam disciplinam legalis philosophiæ. Verū ius ipsum si quis definire uelit non artem dixerit, sed uim potius uel authoritatem, quam quis in aliquam rē habeat. id enim habere quis iuris recte dicitur, quod iuste poterit adipisci. Verū proprie definire ius nequeas nisi diuidas, quod quidem in uaria significantibus nominibus usu uenire consueuit. Itaq; si ius diuiseris, definitionis (ut arbitror) non egebis. diuidamus ius igitur primum in diuinum, & humanum. Diuinum ius aut in Deo est ipso, uel potius ipse Deus, definiturq; singulari amore, incredibili bonitate, summa clementia, eximia liberalitate, qua Deus omnia bona largitur hominibus, hominum erga Deum religione,

religione, pietateq; describitur. Est autē religio ob-
seruantia, cultusq; diuinus. nam ea religiosa dicun-
tur, quæ superis sunt dicata, uel quòd relinquuntur
numini, uel quòd frequentius legantur à relegendo
dicta. Existimat enim Cicero eos, qui frequenter di-
uina legerent, à relegendo dictos religiosos, eratq;
apud ueteres prouerbum religentem esse me uolo,
religiosum nolo, quod ostendit religiosum anceps
esse nomen, atq; in utramq; accipi posse partem. Est
uerò pietas affectio, amor, & cognitio diuinæ magni-
tudinis, quæ si uultu læditur erga parentes, quid er-
ga Deum cogitare nos decet? sed hoc ius & colatur
diligētissimè, & à sacerdotibus, theologisq; petatur,
quorum est officium ius interpretari diuinum. Hu-
manum uerò ius notissima sectione diuiditur, in na-
turæ, gentium, singularumq; ciuitatum, quod ciuile
consueuimus uocitare. Docet enim natura ius cer-
tum animantes omnes, quod sequuntur, ac tenent:
vnde à naturā tributum, naturæ quoq; ius dicitur,
quod autē omnes homines acceperunt, seruādumq;
duxerunt gentium ius appellatur. Ciuile uerò, quod
singulæ sibi ciuitates constituerunt, quod etiam di-
uidunt in publicum, & priuatum. ut sit publicum,
quod ad publicam rem tuendam, utilitatēq; perti-
net, priuatum quod ad priuatorum spectat cōmer-
tia, contractus, utilitates. Ambas has iuris formas Vl-
pianus

pianus studii legalis positiones appellat; le primas. I huius studii, ff. item de iust. & iur. Diuiditur etiam in sententias consulta, leges, plebis scita, decreta principum, prudentium responsa, de quibus suo loco disseremus: Paulus etiam huius pluribus, initio legis, ius honorarium addit, quod praetorium est; quod explicabitur etiam alibi. Idem de i. s. Alia significatione locum in quo ius dicitur tradit ius appellari, ut ab eo, quod dicitur locus, in quo dicitur nomen accipiat. His ferme diuisionibus ius diuidi cernimus, descriptionem uero iuris formas complectentem omnes difficile reperiemus, quod in his experimur nominibus, ut paulo supra dicebamus, quae uaria significare traduntur. unde longa disputatione quaerit Aristoteles primo sermone de anima omnibus uel partibus, uel formis, uel potestatibus animi aptam, idoneamque descriptionem, uixque tandem per ea, quae Graeci *συμβεβηκός* nobis accidentia dicuntur ad suam, accedit *εὐμαρξέως* difficilius autem in iure describendo uersabimur, quod & ipsum constat certum genus non habere, ad quod referatur. unde qui genus dicunt esse ius, quod nos etiam supra tradidimus minimè descripserint, nisi uel habitum, uel qualitatem dicant, quae descriptio altius admodum repetetur. Sed de iuris diuisionibus, quoniam in promptu sunt omnibus, satis dictum uidetur. reliqua percurramus.

DE LEGE ET LEGIS LATORE. EXCVR. V.

MERITO eum decet, qui de iure disputat, de lege quoq; tractare. Est enim lex iuris interpretatio; quod enim iustum est, id lege sancitur; & ut optime videtur existimare Plato, quæ iusta non est; lex non est appellanda. Unde palam est tyrannorum decreta leges non esse, neque censendas esse leges, quas populi principesve, vel male persuasi ferunt, vel propriam, non communem utilitatem respicientes. Itaq; Lycurgi leges toto terrarum orbe celeberrimæ, à quibusdam reprehenduntur, quod nihil præter Lacedæmonis utilitatem spectare videantur. itaq; semper Spartani, quæ patriæ putauerunt vtilia, & honesta, & legitima iudicauerunt. Videtur tamen Lycurgus duo legum genera prouidisse; Alterum quod communem omnium hominum utilitatem; Alterum quod singularum ciuitatum tractaret commoda. Superius illud Deum Opti. Max. curare, qui omnibus consulit mortalibus; omniumq; utilitati prospicit; satis enim homini fore si reipublicæ, quæ vtilia fuerint absoluerit; legumq; complexus corpore fuerit, quem legum latorem exactum videtur Lycurgus existimasse. Illud autem in controuersiam venit, sit ne aliquid vtile omnino putandum, quod idem non sit honestum. Sed non est huius loci, nec propositæ

TOME

D nobis

nobis rationis hæc disputatio. Dicemus tamen inter
maximos conuenire philosophos, neq; honestatem,
vtilitate carere, nec vtilitatem honestate. Vulgò ta-
men homines vel praua opinione ducti, vel consue-
tudinis errore decepti vtile separant ab honesto. Sed
ad ea veniamus, quæ nostri sunt operis. Dicebamus
enim oportere leges quæ iusta sunt interpretari,
quippe quæ ab ipso iure ducuntur, quam ob causam
memoriæ prodidit Plato leges eas veras esse, quæ
nunquam mutantur, quæ sint semper eadem, neque
aut antiquentur vsu, aut perperam conditæ reperian-
tur, cuiusmodi & diuinæ leges sunt, & naturæ. Cur
igitur quæret forsitan aliquis in omnibus, de quibus
nosse aliquid possumus ciuitatibus, & crebrò mutan-
tur leges, & non temerè inmutatæ creduntur? Quoniã
respõderi potest omnia quæ ortui, atq; interitui sunt
obnoxia, necesse est interdum mutari. Ita fit, vt licet
ius suapte natura sit vnum, eademq; leges existant,
mutatis tamen hominibus, hominumq; rebus vi-
deatur esse mutata. Quod ad se igitur attinet idem
semper est ius. Mutari autem videtur propter no-
strarum rerum varietatem, de his tamen alia dispu-
tandi est facultas, alia disserendi ratio. Leges autem
reperitas ait esse Cicero, & æquabilitatis seruandæ gra-
tia, & bonorum iustorumq; virorum inopia. Dum
enim vir iustus fuit in singulis ciuitatibus contendens
inter

inter se multitudo æquabilitatis auida, ad illum vnū confugiebat, eius vnus regebatur autoritate, quæ fuit origo regnorum. Verum posteaquam & boni deficere cœperunt, & ambitione, potiusquam iustitia regnari cœptum est, inuenta sunt leges, quæ & cum omnibus pariter loquerentur, & æquales, ac pares omnibus essent, eis ferendarum legum autoritate credita, qui optimi iudicaretur. quam sententiā secutus Aristoteles, saluberrimū ait vnus imperium, si quidem vnus aliquis optimus reperiatur, si plures, plurium. Legem vero Cicero ait rectam esse rationem, à numineq; Decorum tractam, iubentem honesta, prohibentem contraria. Papinianus vero libro primo definitionum, vt habetur l. i. ff. de legib. senatusque consultis, sic legem definit. Lex est commune præceptum: viroꝝ prudentium consultum: delictorum, quæ sponte, vel ignorantia contrahuntur, coercitio, communis reipublicæ sponſio. Martianus autem lege 2. ff. eodem à Demosthene, & Chrysippo Stoicorum principe definitiones in hæc verba mu-
ruatur.

A Demosthene sic ex priore in Aristogitonem.

Νόμος ἐστὶν ὃ πάντας προσήκει πείθεσθαι διὰ πολλὰ, καὶ μάλιστα ὅτι πᾶς ἐστὶ νόμος ἕνλημα μὲν καὶ δῶροι θάω, δῶγμα δὲ φρονίμων ἀνθρώπων, ἐπαγόρευμα δὲ τῶν ἐκείνων καὶ ἀκροῶν ἀμαρτημάτων, πόλις δὲ συνυθικὸν κοινόν, καθ' ἣν πᾶσι προστάει ζῆν τοῖς ἐν τῇ πόλει.

Hanc Budeus in hæc uerba uertit

ἐστὶν ὁ

D

2

Lex

Lex est, cui omnes homines decet obedire, cum propter multa, & varia, tū maxime quia omnis lex est inuentio quædam, & donū Dei, decretum aut hominū sapientum, correctio autem voluntariorum, & non voluntariorum peccatorum, ciuitatis autem compositio communis, secundum quam omnes decet viuere, qui in ciuitate sunt. Sed & philosophus summus stoicæ sapientiæ Chrysippus sic incipit librum, quē fecit De legibus.

Ὁ νόμος πάντων ἐστὶ βασιλεὺς θεῶν τε καὶ ἀνθρώπων πραγμάτων. δεῖ δὲ αὐτὸν προστάτην εἶναι τῶν καλῶν καὶ αἰσχυρῶν, καὶ ἀρχεῖν τε, καὶ ἡγεμονεῖν, καὶ κατὰ τοῦτο κατὰ δὲ εἴη δικαίων καὶ ἀδίκων, καὶ τῶν φύσει πολιτικῶν ζῴων προστακτικῶν μὲν ὧν πολιτικὰ ἀπαγορευτικῶν δὲ, ὧν οὐ πολιτικῶν.

Hanc Alcibiades sic vertit.

Lex est omnium diuinarum, & humanarum rerū regina. Oportet autem eam præsidere & bonis, & malis, & principem, & ducem esse, & secundum hanc regulam esse iustorum, & iniustorum, & eorum quæ natura ciuiliā sunt animantium: præceptrix quidem faciendorum, prohibetrix autem non faciendorum. Hanc legem propter eos qui Græce nesciunt vertere constitueramus, sed cum animaduertissemus clarissimos vertisse viros in eorum laborem non putauimus irrumpendum, fuimusque contenti eorum explanatione. Longum esset omnes legum definitiones colligere, quarum quæ dicenda de legibus constituiamus in pauca conferemus, dicemusque legum latorem.

latorem Idæam honesti; tanquam Helicem inter nauigandum spectare oportere, vnde quatuor fontes emanant, Iustitia, Prudentia, Fortitudo, Modestia; in quibus erudiendi sunt ciues, vitia legum latori & cognoscenda, & vitanda, docendiq; cauere ciues. denique cum legislatoris scopū volumus, vt quam optimi fiant ciues, ad maximamq; vtilitatem, quæ honestati iuncta sit, quàm maximè aspirent. Sed ad legē per quam excurrendum nobis liberius suscepimus initio nouo suscepto reuertendum videtur.

REIPUBLICÆ ROMANÆ BREVIS

DESCRIPTIO. EXCVR. VI.

AD ea, quæ sumpsimus interpretanda maximū nobis uidemur paratūri emolumentum, lucrumq; facturi, si paucis Romanā Rempublicam descripserimus. Sic enim quæ ad magistratus, iuraq; pertinent, & quæ indagamus cætera facilius cōsequemur. Primum igitur Romana Respub. sub Regibus fuit, qui tamen non plenum, neq; perfectum uidentur imperium habuisse. nam & Senatum cōsulebāt, & populum si Dionysio credimus Alicarnasseo curiatis cogeant comitiis. Ait enim Dionysius sacerdotes à curijs legi solitos, aliaq; pleraq; per curias fieri consueuisse. Certè Reges secundū Romulum populus creabat, & iudicia capitis creditur agitalle.

311

Marcus

Marcus enim Horatius, qui curiacios occiderat trigeminos ex prouocatione, cum sororem peremisset ad populum certauit, estq; absolutus magis admiratione uirtutis, quàm causæ merito, iuuit tamen magnopere Horatii patris sententia, qui iure causam filiam iudicauit, quod iudicium Tullo Hostilio regnante transactum est. Vnde colligi potest non absolutum imperium penes Reges fuisse, quibus exactis uariavit Respublica à consulibus ad Tribunos militares consulari potestate creatos, priusq; ad decem uiros, quibus ferendarum legum tradita fuit potestas. Inde iterum ad Consules Dictatoribus interpositis, ut Reipub. & bellorum ratio postulare uidebatur. sed in uniuersum, & Polibio, & claris authoribus, qui sunt illū secuti, omnia ferè Reipublicæ administranda genera complexa Roma uidetur. Nam ut regium mittam dominatum, ut Principes, qui libertatem publicam oppresserunt, libera ciuitate *μοναρχίαν*, uel unius certè principatum Dictator præseferbat, cuius uitæ, necisq; tribuebatur in ciues, paucorum potentiam, siue *ὀλιγαρχίαν*, & Consules, & Tribuni plebis uidebantur referre. Optimatum verò dignitatē, siue *Ἀριστοκρατίαν* tuebatur Senatus. Rempubicam, siue *πολιτείαν* populus exercebat; quanquā popularis quidem potentiæ plura uidebantur esse genera: nam, & plebei magistratus erāt, ut Aediles plebis, atq; Tribuni, &

ni, & comitiis centuriatis; ita res tractabatur Romana, ut cum nemo uideretur exutus suffragio, ad ultimos tamen numq̃ ueniretur suffragatores. quæ res argumento est popularis Reipublicæ, in una, atq; eadem urbe plures extitisse fosnas, quod quidē ab Aristotelis traditione esse non uidetur alienum, qui quarto de Republica uolumine, popularem partitur statum, administrationemq; diuidit. Hæc autē Reipublicæ descriptio Romanæ, quàm habuerit utilitatem sequentia monstrabunt. Iam enim res, tempusq; postulat, ut ad Iureconsultum accedamus.

EXCVR. VII.



NECESSARIUM itaq; nobis uidetur in primis ipsius iuris originē, atq; processum demonstrare. Et quidē initio ciuitatis nostræ populus sine certa lege, sine iure certo primum agere instituit, omniaq; manu Regis gubernabantur. Postea aucta ad aliquem modum ciuitate, ipse Romulus traditur populū in triginta partes diuississe: quas partes curias appellari, propterea quod tunc reip. curam per sententias earum partium expediebat. Et ita leges quasdam & ipse curiatas ad populum tulit, tulerunt & sequentes reges. quæ omnes cōscriptæ extant in libro Sexti Papyrii, qui fuit illis tēporibus, quibus Demarati Corinthii filius, ex principalibus uiris. Isq; liber (ut diximus) appellatur ius civile Papyrianum, non quia Papyrius de suo quicquam ibi adiecit sed quod, leges sine ordine latas in unum composuit.

PRÆ-

PRÆDIXIMVS non iuris omnino, sed Romani iuris originem, atq; progrefionem Iureconfultum tradere, instituisse. Itaq; necessarium sibi videri dicit, ipsius iuris, & ortum, & processum explanare. Cum autem necessarium pluribus modis dicatur, videndum ante omnia censeo qua nam hoc loco usurpetur significatione. Est igitur necessarium quod abesse non potest, quo minus existat, vel recte fiat, vnde numen aliquod esse necessarium profitemur, cœlumq; moueri, atq; alterum alteri successurum, progigni. Est & necessarium quod licet non semper eadem ratione subsistat, aliquando tamen non subsistere minime potest. Sic hyemem æstati necessario succedere dicere consueuimus, & dici noctem. Nec enim semper est æstas, nec nox item semper. Adhuc dicimus necessarium quicquid est quamdiu videlicet est: etenim qui sedet, antequã se moueat, necessario sedere dicitur. præterea quod nobis coniunctissimum est, necessarium appellamus. Itaq; quos arctissimo uinculo coniunctos habemus, nobis dicimus necessarios. Necessarium etiam id appellatur, quod est utile, atq; conducibile, qua in significatione necessarii nomine utitur iureconsultus. Fieri enim potest, vt iuris ignorans originem profecerit nihilominus, sitq; peritus. sunt & alia necessitudinis genera, nam vel antecedere dicitur necessarium, uel consequi

sequi, uel absolutum quoddam necessarium nuncupatur, uel (ut sic dixerim) supposititium, cuiusmodi est, siquidem homo est peccet oportet aliquando, morbis sit obnoxius, dolorē in uita ferat. Sed hæc necessitudinis genera ab hoc sermone sunt penitus aliena. Inquit igitur Pōponius utile sibi uideri iuris originem, progressionemq; nosse incipitq; id, quod pollicetur prosequi his uerbis. Et quidem initio ciuitatis nostræ populus, & quæ deinceps sequuntur. Ait igitur, urbem Romam cum primum condita est, sine certo iure, sine certa lege uixisse, oīa regia manu, id est autoritate, potestate, imperio gubernari cōfuisse, quod non potest non esse uerissimum. primū enim manus illa pastorum, conuenarumq; sub tutela inuiolati tēpli coacta rustica, atq; imperita, quæ iura constituere potuit? ueruntamen uti nullum certum ius habuisse populum initio crediderim, sic Romulum scopum habuisse, quo gubernandi formam traditurus uteretur, non dubito. Est enim Author Dionysius Romulum Numitoris aui consilio multisoluitum administrare, & præclaras aliquot Albanorum familias Romulum in Coloniam secutas, unde potuit veteres latii leges, & discere, & si ita visū esset corrigere. Illud tamen certissimum est non diu Romam certo iure caruisse, quod ea potissimū ostendunt, quæ post paulo traduntur. Hic autem Dionysius

E sius

sius seruium Tullum, qui sexto loco regnauit iudicia priuata mandasse certis iudicibus, formulasq; iudiciorum instituisse, qua de re paulo infra loquemur. Et Romulus quidem ipse in curias triginta populum diuisit, de quibus varie traditur; sunt enim qui dicant ante bellum, quod aduersus sabinos gestum est institutas curias fuisse, in qua sententia videtur esse Dionysius, sunt qui post ictū cum Tatio fœdus institutas curias affirmant, nominaq; sabinarum matronarum, quæ fœderis faciendi authores potissimum fuerant imposita. Neque illud aduersatur, quod plures raptas constet fuisse sabinas, hoc enim vel honoris, dignitatiue earum, vel certè coniugum, vel familiarum, in quibus natæ forent, nobilitati putatur esse tributum. dicuntur autem curiæ, à cura reip. administrandæ, quod curiatis comitiis populi sententiam Romulus, cæteri q; reges ad Seruium vsque Tullum exquirerent. locus autem admonere videtur, vt de Romano regno, deq; comitiorum ratione dicatur, vt autem Romani Regni uis, atq; authoritas exponatur altius aliquanto regnandi genera sunt expedientia, verum enim regnum atq; legitimum iure optimo existimat Aristoteles administrationis diuinæ, quam similitimum esse, vel inane certè nomen. Regna igitur, aut omnem habebant auctoritatem legibus saluis, quibus & ipsi principes obtemperabant, vel certè sa-

tē facris præesse, ac bellis consueuere Reges, cæteris
abstinere negotiis, vel præsidere etiam populo, uel
senatui, decretaq; tueri; Ad hæc Barbari etiam Reges
nulla lege deuincti, arbitrato cuncta gubernant, poste-
risq; Regnum relinquunt hæreditarium, eodē, quo
tenuerunt iure. In legitimis autem Regnis, plerumq;
hæreditate potestas traditur. Aliquando populorū
delectu; quæ omnia alio nobis libro sunt latius expla-
nata. Romulus igitur, post fratris cædem solus regno
potitus, primum per senatum, ac populum decerne-
bat vniuersa. Post uero uictoriis elatus, cæteris incon-
sultis sua sponte gerebat Rempublicam, quæ res ma-
gnū Regi odium senatus conflauit; unde sunt qui
credant tempestatis occasione discerptum à senatu
fuisse, subq; togis occultata membra. Post decessum
itaq; Romuli quoniam, sine mascula prole diē suū
obierat. Sunt enim qui fœminas aliquot reliquisse
memoriæ prodiderint, sunt qui omnino, sine prole
vita defunctum. Institutum est à patribus interre-
gnū quod erat huiusmodi, ut centum patres in de-
cem decurias diuisi sorte decuriā ducerent, quæ
Reipublicæ esset præfutura. Singuli in orbem rege-
bant, unius cuiusq; quinto die finiebatur imperium.
Post diem autem quinquagesimū altera decuria suffi-
ciebatur priori, quæ ratio administrandæ ciuitatis an-
nua fuit, obseruatumq; deinceps, ut quoties magi-

E 2 stratribus

stratibus careret Respublica cocuntes patricii proderent interregem, interregesuc. Opinantur enim nonnulli primum interregem habere comitia non potuisse, & plerunque impediētibz Tribb. plura in terregna prodibant, vt ad vndecimum interregem fit ventum aliquando. Habente igitur interrege comitia magistratus renunciabantur, idq; tempus ante nouorum creationem magistratuum appellatum est interregnum. Sed populo Regem desiderante, cōstitutum est, vt Regem quidem populus ipse crearet, quæ tamen ita valeret creatio si patres authores fierent; quæ res post exactos etiam Reges diu obseruata, factitataq; fuit, donec lege tribunitia cautū est, vt ante comitia in incertum euentum patres authores fierent, id erat, vt quem populus magistratū crearet, ante quam renuntiatus esset, patres probarent. Est autem ab omnibus obseruatum regibus, vt creati à populo, à patribz confirmati, capratis etiam auspiciis regnarent, vsq; ad Seruiū Tullum, qui prius regno potitus est, quàm beneficiū acceperit à populo, q; paulò infra fiet apertius. Tarquinius uero, qui superbus cognominatus est, quiq; extremus Romæ regnauit, nec iussu populi Rex est creatus, nec auctoribus patribz, quippe qui rerum per vim potiebatur: ex his, quæ diximus illud sanè patet non omnem auctoritatem penes reges Romæ fuisse cum & senatum

tum consulerent, & populi sciscitarētur voluntatem. Apertius id facit Marci Horatii iudiciū, qui ex triginis superfuit vnus, Romanosq; Albanorum auxit imperio, is interfecta sorore in ius ad regem vocatus sententiam non tulit inuidiam fugiente Rege. Itaq; duū viros dixit qui per duellionis Marco Horatio iudicium ferrent, à quibus cum illi quidem condemnassent ad populum prouocatum est Tullo Hostilio auctore, Clementē vt inquit Liuius legis interprete; quo de iudicio supra nobis est etiam mentio facta, Lex autem, qua iudicabatur erat perduellionis in hanc fermē sententiam. Duumviri perduellionis iudicent, si damnatus fuerit, & ad populum prouocauerit, prouocatione certato. Supplicium autem damnati horrendo carmine claudabatur. I licitor colligamans, caput obnubito, verberato, intra, uel extra pomerium arbori infœlici recte suspendito. hac lege damnatus à duumviris fuerat Horatius, qui ut nobis supra dictum est, & patris iudicio, & virtutis admiratione à populo fuit absolutus. Credo fauente etiam Hostilio, qui tum Romæ regnabat. Hujus legis auctor est Liuius. i. ab vrbe condita volumine, & Cicero in oratione, qua C. Rabirium perduellionis reum Consul defendit, accusante T. Labieno Tribuno Plebis, & quoniam perduellionis incidit mentio ad ea, quæ dicta sunt adiiciamus pauca. Perduellionē maiestatis

statis exercuerint iudicia. Illud dicam liberum populum Romanum mitissimum in suppliciis sumendis fuisse, nisi regni incidisset suspitio. Qui enim huius criminis esset conuinctus de Tarpeia rupe deiiciebatur, quod supplicium nè M. quidem Manlius effugit, qui capitolium seruauit à gallis iam propè captum, ideoq; capitolinus appellabatur. in cæteris uerò delictis exilio mors uitabatur. etenim, ut Cicero scriptum reliquit in oratione, qua Balbum Cornelium defendit. Si damnati pœnam legis subire uellent in ciuitate uel perirent, uel certè coercerentur. Cuius enim Romanus soli mutatione amittebat ciuitatem, non tamen ante quam in eam quòd uenerat esset acceptus. Quo loco, quoniam huc prouecti sumus illud etiam annotare libet, Cornelium nepotem in T. Attici uita controuersi iuris esse dixisse, posset nè cuius Romani alterius esse ciuitatis. Ciceronem uerò locis pluribus apertè sentire Romanum ciuem alterius ciuitatis factum Romanam amittere, & hoc proprium ius esse Romanorum ciuium, quòd eò dictum est, ut omnes intelligant libertatem Romanam & de foro, & omnino de ciuitate carnificem, ac perduellionem pepulisse mitissimis contentam suppliciis, sed eò reuertamur, unde huc peruuenimus. Reges igitur & certis præerant sacris, & summum ius, summumq; imperium belli obtinebant, atq; de ciuium causis, vel cū
senatu;

senātu, vel cum primoribus ciuium cognoscebant: Iuraq; dicebant priuatis vsque ad Seruium Tullum, quem supra meminimus priuatarum controuersiarum certos iudices constituisse, uel quòd ipse sufficere non poterat, uel quòd hominibus gratus existimabat, magisq; popolare, uel certè quòd uarietate rerū cogeretur diuersorum hominum explorare iudicia. Ac de regibus quidem hætenus; nunc de comitiis pauca post à regibus leges percurramus institutas. Ego quidem comitia à coeundo dicta crediderim, & uidelicet coiret populus. quāto uerò in honore apud Romanos fuerint, uel illud est argumento, quòd haberi non poterant, id, quod inter omnes constat, nisi in augurato loco, quod templum appellabant. Itaq; & Martius Campus in auguratus erat, quod Cicero significat in l. Catilinam in senātu his ferme uerbis, non campus consularibus auspiciis consecratus; & in augurata rostra; significantibus uidelicet non sine Deorum metu ad publica accedendum esse. Illud etiam ostendit quanta religione sint culta comitia, quòd singulis diebus non habebantur, sed his duntaxat, qui dicebantur comitiales, quòd cogi populus posset, agiq; cum eo liceret. Comitiorum autem tria fuisse genera constat, Curiata, Centuriata, Tributa; nam quæ Calata uocant, à pontificum uocatione dicta, authores classici comitia non putant. Fuerunt
igitur

igitur curiata comitia, quibus reges populi sententiam scrutabantur, quibus etiam comitiis de capite iudicium erat, quibus absolutum diximus M. Horatium, quæ prima comitia de capite ciuis habita Cicero pro Milone tradit. An uerò in vnum locum curiæ vniuersæ coirent, suffragiaq; certo ordine ferrent; an singulis curiis distinctis locis suffragari liceret non satis planè traditur. Author est Dionysius singulis curiis certa loca distributa fuisse, vbi lares, fociq; curiæ cuiusque forent, vnde crediderim curionum sacerdotium ortum. Illud certè inter authores non constat Curio maximus singulis nè curiis, an vniuersis vnus præfici solitus esset. Conlicio tamen vnū, eundemq; præfectum. Stultum enim esset triginta maximos curiones Romæ fuisse credi. Hæc tamen si quando de sacris, vt differamus fors tulerit experiemur enarrare. Nunc ad comitia, de quibus agere cœperamus. Regibus igitur exactis curiata, post centuriata fiebant, vt reprehendere populus posset, si quid superioribus comitiis peccatum esset. Postremo auspiorum solum causa retenta, perq; triginta lictores adumbrata fuerunt, vt author est Cicero in oratione de lege agraria in Rullum ad quirites. Illud tamen obtinuit, nè sine curiata lege magistratui patritio rem militarem liceret attingere. Quanquam quidam putarunt in quodam prouinciarum genere curiata lege

opus

opus non esse consuli, quod in ea prouincia auspicia non essent. Illud est verius, nunquam rem militarem non auspiciato tractatam, quare magistratibus omnibus patritiis curiata lege vtendum fuisse, quasi quodam bellorum auspicio. Sed ad Centuriata veniendum est. Centuriata comitia à Seruio Tullo, qui sextus Romæ regnauit instituta dicuntur. Magnum sane cum pacis, tum etiam belli & præsidium, & ornamentum reip. Nam cum ante id tempus viritim suffragia ferrentur, nihilq; inter diuitem & pauperem, honoratum & inhonoratū interesset, prospexit Rex prudentissimus, ne quid detrimenti resp. pateretur, propter ordinum confusionem. Curauit igitur, vt tributorum onera, quibus pauperes præmebantur, verterentur ad diuites, & vt quibus conferenda pecuniæ pōdus adiiiciebatur, hōnos aliquis adderetur, primum locum in suffragiis conferendis opulentiorum esse voluit, suffragandiq; rationem ita constituit ut raro, vel certè nunquam ad extrēmos, vrbisq; fecem veniretur. Mutatus sanè fuit ordo centuriarum crescente rep. eadem tamen perstitit summa, idem ordo classium. Sunt qui dicant Tullum & ipsum infimi generis hominem, & plebī quærentem auram, gratiamq; aucupantem, qua se authōre regnare putabat, pauperibus consulere voluisse. Mihi quidem nō ipsam respicienti personam, sed rei euentum, emolumentumq;

F

mentumq;

mentumq; consideranti, rex ille videtur publicæ potius utilitatis rationem habuisse, quàm suæ. Nec tamen reprehendendum hominem puto, qui cum publicum commodum iunctum viderit peculiari, sequatur utrumq;. Centuriarum tamen duplex est ratio, nam & cēturiæ dicuntur equitum, quæ institutæ à Romulo, à cæteris eisdem nominibus seruatae sunt regibus, Ramnenses, Titienenses, Luceres; Primos à Romulo, à Tatio Secundos, Tertios putat Liuius incognita causa nominari. Plutarchus, atque Dionysius à Lucò Asyli, quod Romulus instituerat vocatos existimant. itaq; crediderim cum Pediano à numero equitum nomen accepisse centurias, equitesq; trecentos primis temporibus habuisse Romulum. Peditum quoque centuriones à numero dictos crediderim; Centuriæ verò, de quibus nunc agimus à censu sunt sanè dictæ. Tribus enim rebus distinguebantur, facultatibus, ætatibus, vnde & seniorum, & iuniorum dicebantur centuriæ. Postremo armorum genere, quibus uti iubantur in bello. Nunc igitur ipsorum comitionum tradenda videtur ratio, atque institutio. Principio nihil à populo Romano non auspicato incipiebatur. nam & ipse Romulus urbem auspicato condidit, non iis modò auspiciis, quæ simul cum fratre cœpit, cum vter regnaret, vrbisq; nomen daret certaretur. sed auspiciatus est etiam dimetienda vrbe, murisq; locandis,

candis, statuitq; pomerium: itaq; capta à Gallis Roma, magnaq; ex parte cremata, lituus tamen Romuli, quo inaugurari solitus erat, repertus inter rudera traditur intactus. Sed & Numa Pompilius, & cæteri reges non ante regnare cœperunt, quam aves addixissent, annuissentq; consulti superi. Inde mos ille patrius fuit, nè quid non auspicato gereretur. Addidit honorem auspicis, auguribusq; dignitatem Accius Nauis, qui regnante prius Tarquinio cotem discidit in comitio nouacula. Itaque perpetuum id sacerdotium, publicumq; fuit, tantamq; vim habuit, ut summi magistratus se plerumq; dignitatibus abdicauerint, si vicio creatos augures pronunciaissent. Pleraq; etiam nè fierent prohibebant, obnunciâtes, seq; de cælo seruasse testificantes. quanquam obnunciatio & augurum, & magistratum communis erat. Nam & Coss. obnunciabant, ut Varroni Paulus apud Cannas, & inspicendorum extorum ius, facultatemq; obtinebant, quod etiam Cic. testatur. Philippica. Sed ad comitia redeo. Et curia quidem ubi senatus habebatur templum erat, neque poterat agi cum pop. nisi in augurato loco. unde Cicero pro Sextio Fabricium tribunum plebis ante lucem templum cœpisse scribit, ut legem de M. Tullii reditu ferret. id præterea cautum est prudentissimè nè diebus singulis agi cum populo liceret, erant enim dies, qui ob id ipsum

comitiales appellabantur; unde crediderim interesse aliquid inter fastos, & comitiales dies. Fastus enim iura dicebant Prætores, comitalibus & concilium habebatur plebis, & ferebantur, antiquabanturque leges, & magistratus tributis, cæuriatisque comitiis creabantur. Etenim curiatam legem auspiciis solum relictam causa M. Tullio authore demonstratum est. quanquam de auguriis, auspiciisque cum de sacris agitur, si quando licuerit verba fient. de comitalibus vero diebus supra nonnihil attigimus. hoc vero loco dicendum putauimus explanatius. Trinūdini quoque ratio habebatur, propter populi frequentiam, ut legem omnes videre possent, quidque fraudis esset perspicere, sicque vel perferri tuto posset, vel antiquari. erant autem dies nundinarum tres numero, quibus rustici quoque Romani cum ad mercatum, tum ad urbana negotia conficienda in urbem conueniebant. Sunt vero, quod multis locis testatur Cicero, augustissima comitia semper habita Cæuriata, quæ a Consulibus, Prætoribus, Dictatoribus haberi poterant. nempe Prætores eisdem, quibus & Consules creatos auspiciis suo loco docebimus. Creabantur autem centuriatis comitiis magistratus patritii præter eos, quos modo nominavi, etiam censores; nam Aediles, qui curules appellabantur, quod Cicero in oratione pro Cn. Plancio palam facit, tributis renunciabantur.

In centuriatis igitur comitiis hæc potissimum spectabantur prerogatiua; erat autem primus suffragandi locus; qui sortito aliquando seniorum, aliquando iuniorum galeric tribuebatur. Erant & custodes suffragiorum, & præsertim prerogatiua; raro enim fiebat ut quem prerogatiua renunciaisset, is magistratum non obtineret. Erant præterea dirhibitores, quorum munus erat diuidere tabellas; erant autem numero duæ, in altera *VTI ROGAS* scriptum erat, in altera *ANTIQUAMVS*. Meminit Cicero primo epist. ad Atticum, loquens de lege, quæ aduersus violatam à Clodio religionem ex senatuscōsulto ferebatur, ubi ait. Consul Pisonis fraude ita distributas esse tabellas nemini ut daretur *VTI ROGAS*. in legibus etiam tabellaria legis, tabellarumq; quæ populo dabantur mentionem facit. unde & rogationis nomen tractum est, cum leges, tum etiam magistratus rogabantur. Testis est Cicero in ipso orationis vestibulo pro L. Murena de his, qui scribendo aderant cum ad senatum ventum fuisset, dicemus. sit ergo nobis de comitiis hæcenus dictum, quod instituto satis operi fore putamus. Iam ad regias accedatur leges, quas equidem non profitebor à me tradi posse, desideratur. n. Sex. Papyrii liber, quæ collegisse, conuasseq; leges à regibus vel latas, vel institutas, auctor est Pomponius. cuius laboris ergo honorarium promeritus est

ziva M.

nomen

nomen iusve papyriani vocaretur. Tradentur ta-
 men aliquot, quæ vim exempli præferant unde, &
 cuius generis reliquæ fuerint assequi coniectura quis
 possit. Sic igitur primâ lex adoua, quæ à Romulo cō-
 stituta traditur, Romani ut annum mensibus men-
 tentur decem, Martius primus esset; supremus de-
 cember. uel quod mulier totidem vulgo gestaret
 mensibus, vel quod certe totidem luctus, viduitasq;
 finiretur, etenim à Romulo traditur institutum hē
 mulier extincto coniuge ante ante decimum men-
 sem secundo nuberet; idq; legitimum tempus luctus
 habebatur, cuius author est fastorum primo Ouidius
 poeta sententiæ hęc (ut opinor) uersibus: *Quin-
 quaginta diesque luctus, quos non ultra iuuat
 Tempora digereret cum condior in bis in annum illud et
 Bis quinque menses statuit esse satis.*
Scilicet arma magis, quam sidera Romulæ noras,
Curaq; finitimos uincere maior erat.
Est tamen & ratio Cæsar, quæ mouerit illum,
Errorēq; suū quo teneatur habet.
Quod satis est utero matris dum prodeat infans,
Id statuit anno temporis esse satis.
Per totidem menses à funere coniugis uxor
Sustinet in uidua tristia signa domo.
Quin etiam & nomina mensium, quibus causis
posita forent idem poeta declarat cum infit.

Martis

2015 p. Martis erat primus mensis, ueneris q. secundus. quidam

2016 p. Hec generis princeps, ipsius ille parens.

Tertius à senibus, Iuuenum de nomine quartus

Qua sequitur numero turba notata fuit.

De Maio tamen dubitatur utrum à Maia potius genetricē Mercurii, quam à maioribus sit nūcupatus. Sed proximi nomen mensis, quod à iuuenibus, uel ab ipsa tractum uidetur iuuentatē poetæ uidetur astipulari. Numa uerò Pompilius, qui Romulo successit in regno, duos menses adiecit, Ianuarium. & Februarium alterum à Iano uetustissimo latinorum Deo, quem ipsi Bicipitem fingunt. Nostorum quidam tempora ut sibi uidentur supputantes eundem existimant Ianum, quem Nōe sacra litera uocant, de quorum sententiā non est hic disputandi locus. Alterum uel ab expiationibus tradunt appellatum. quoniam expiarentur eo mense sepulchra, uel à Februa deā, quæ parentalibus putabatur præesse, unde idem ait poeta:

At Numa nec Ianum, nec anitas præterit umbras

Mensibus antiquis addidit ille duos.

Sed quoniam nec geminis adiectis mensibus ad eursum solis annorum ratio congruebat, ita digesti sunt dies, ut quarto & vigesimo quoque anno ad eursum solis reuenterentur tempora, unde & nata est intercalandi ratio, quam rudia adhuc secula à pontifi-

2017 p.

cibus

cibus petebant. Idem Num. fastos, nefastosq; dies instituit, & medios, quos sic interpretatur Ovidius.

Ille nefastus erit, per quem tria uerba silentur.

Fastus erit per quem lege licebit agi.

De mediis uero sic

Nam simul extra Deo data sunt licet omnia fieri.

Verba, quæ honoratus libera Prætor habet.

Vnde & ius honorarium fluxisse creditur, ut Papi-
nianus l. ius ante civile. §. ius prætorium, ff. de iusti-
tia & iure; & Martianus l. nam. & ipsum ff. eodem.
Sed ad Romulum reuertamur, quem etiam ferunt
nuptiarum ritus instituisse. Plutarchus est author
in fœdere, quod inter Romulum, & Tatium iustum
est, cautum fuisse, nè mulieribus aliud operis, quàm
lanificium à iuris iniureretur, eamq; ob rem Talasium
conclamari solitum, quo uetere græcorum lingua la-
nificium significaretur. Cateri uero tradunt Roma-
num adolescentem admodum gratiosum fuisse Ta-
lassium. Crediderim eadem consuetudine Romanis
in nuptiis Talassium vocari solitum, quàm in græcis
Hymenæum. Sed nuptiales leges, ceterasq; percurre-
re longum admodum esset; Duas tamen non præter-
mittam, quæ mihi sanè cognitione dignæ videntur.
Author est enim Plutarchus elientelas, & patrôciaia
à Romulo potissimum instituta fuisse, quam rem in
nouo populo constat extitisse saluberrimam. etenim
cum

cum nec amicitia inter se, nec soli charitate, cui non nisi longo tempore assuescitur coaluissent animi, crebra iurgia, crebraq; orta fuissent seditiones, nisi aliquo vinculo inter se nexi, iunctiq; fuissent. Constituit igitur ut diuites patroni pauperum essent, eosq; tuerentur, pauperes contra venerarentur patronos, eorumq; clientes appellarentur, estq; lege cautum, ne liceret alteris in alteros testimonium dicere: quin & patroni egentium filias clientium propriis sumptibus collocabant, quod ius Romae usque ad bella civilia perstitit inuiolatum. Sed & libertorum dicebantur patroni, nam post exactos reges, qui manumittebantur vindicta praesertim ciues Romani fiebant. Iam patriam in liberos potestatem Romulum instituisse ferunt, ut videlicet ius uitae, ac necis in filios haberent parentes, quin vendendi etiam filios patribus potestas fuit; Author est Dionysius ter patri licuisse vendere natum si se toties liberaffet, post tertiam venditionem omne ius amisisse, nisi forte genitore consentiente uxorem filius duxisset. tunc enim vendendi omni iure cadebat pater. huius etiam venditionis meminit M. Tullius in ea, qua Balbum Cornelium defendit oratione. Nam & populus cum, qui militare noluisse quod se ipsum indignum libertate iudicasset numo hīs vendebat. Dioclet. tamen, & Maxim. AA. manifesti iuris esse pronunciarunt non licere parentibus

G rentibus

rentibus vendere liberos, ut C. de patribus, qui filios distraxerunt. l. prima. Constantinus verò A. propter nimiam, summamq; paupertatem patribus concessit sanguinolentis ut ipsius utar verbo liberos posse distrahere ea duntaxat. l. ut uel uenditor, uel ipse distractus, uel quiuis alius precio emptori persoluto in libertatem, atque adeo ingenuitatem asserere possit. unde puto huiusmodi non esse liberos. extat decretum. l. 2. C. eodem. Idem Dionysius est author Seruii Tullum, qui sexto loco regnavit priuatas causas certis mandasse iudicibus, cum ante id tempus omnia reges obirent; Eundem primum litium formulas, quas sequuturi iudices essent tradidisse. Sed quomā Sexti Papyrii liber, quo leges continebantur interiit: qui plura voluerit legendis historiis copiam sibi fecerit. Nobis quidem satis excurrisse videmur; quare ad reliqua transibimus, si tamē ante monuerimus senatum à Romulo constitutū, de quo suo loco dicetur.

EXCURSIO. VIII.

EXACTIS deinde Regibus, lege Tribunitia omnes leges hæ excoluerunt, iterumq; cepit Populus Romanus incerto magis iure, & consuetudine aliqua uti, quàm per lata lege: idq; propè viginti annis passus est. Postea ne diutius hoc fieret, placuit publica auctoritate decem constitui viros, per quos peterentur lo-
ges

ges à Græcis civitatibus, & civitas fundaretur legibus, quas in tabulas eboreas perscriptas pro Rostris composuerunt, ut possent apertius percipi. Datumq; est eis ius eo anno in civitate summū: uti et leges corrigerent si opus esset, et interpretarentur, neq; provocatio ab eis, sicut à reliquis magistratibus, fieret. Qui ipsi cum animadverterunt aliquid deesse istis primis legibus: ideoq; sequenti anno alias duas ad easdem tabulas adiecerunt, & ita ex accidente appellatae sunt leges duodecim tabularum: quarum ferendarum auctorem fuisse Decemviris Hermodorum quendam Ephesium exulantem in Italia, quidam resulerunt.

Locus hic lubricus admodum est, atque difficilis. etenim nonnulla perscribuntur, quæ doctissimis, peritissimisque viris clarissimo iure consulto videntur indigna. nos tamen res ipsas explanabimus ac cusato nemine; non enim libet in alienos irruere labores, umbrasque torquere, atque ut dicitur pugnare cum larvis. Iam igitur primum omnium Pomponius inquit, Regibus exactis tribunitia lege regias omnes exoleuisse leges. qua tribunitia quæso? nempe à Tribuno celerum lata, quo in magistratu tunc Brutus erat, cum reges exegit, an à plebis tribunis? quod ad Brutum attinet mirandum sanè videtur neminem huiusce rei meminisse, quæ certè maxima fuit, cum acta Bruti sint scriptores diligentissimè persequuti, ea præsertim, quæ ad odium regum spectant, ut iure-

iurando adegisse populum neminem Romæ regnare passurum, Tarquinius omne nomen, ut exularet ad populum tulisse, atque huius generis alia. Abrogasse vero leges vniuersas, quod hactenus legerim scripsit profecto nemo. scripsissent autem ferme omnes, si uel regum odio, vel quod leges ipsas reprobasset, abrogasset Brutus. Rem enim tantam prætermittere negligentis hominis in conscribenda historia crimine dignissima videtur inertia. Super est à Tribb. plebei fuerint abrogata, qui magistratus sexto decimo anno, vel certe xvii. post reges exactos, ut Liuius, Dionysiusque placet, creati in urbe cœpit. à quibus igitur tribunis? quauis de causa? illud autem uidisse plebis Tribunos quod tot Consules non uidissent portento videtur simile. sed quid multis opus est? non omnes certe leges exoleuerunt. Lex enim quæ ad censum spectabat, quam Seruius Tullius dictus est pertulisse sublata non est, nec lex illa, quam Romulus tulerat, quæ ius uitæ, & necis in liberos parentibus dabat, quæ potestas ciuium Romanorum sola fuit, ut ff. de his qui sui, uel alieni iuris sunt. l. item in potestate, & instit. de patria potestate §. Ius autem. Quamquã postea constitutione diui Antonini, qui in orbe Romano nascuntur sunt ciues Romani. quemadmodum ff. de statu hominũ Vlpianus. l. In orbe Romano. quod si omnes leges exoleuerunt, quid attinuit sacrificulũ regem

regem creati, qui sacra regiae vicis obiret; cum ipsa abrogatione per alios ea sacra potuerint administrari? prolixum admodum foret omnia, quae ad leges spectant regias oratione percurrere. quare dictis contenti, ad cætera transeamus. Viginti annos consuetudine potius, quam vlla lege vixisse populus Romanus dicitur ante Decemuiros creatos legibus ferendis. Oportuit igitur pluribus lustris post exactos reges leges exoluisse, siquidem, ut inter eos constare video, quos hoc loco sequor. tertio supra trecentessimum annum post pullos reges Decemuiros magistratum inierunt, quem tribus annis gesserunt, biennium iure creati, tertium per vim, atque tyrannidem. Gellius tamen lib. vltimi cap. primo noctium Atticarum inducta Sex. Cæcili sententia trecentesimo anno Romanæ originis duodecim tabularum leges scribit esse perlatas. Sexto uero & trecentesimo anno, vel si Sexto Cæcilio creditur tertio & trecentesimo consulum inierunt Valerius potitus, & Horatius Barbat, qui deiectis, abdicatisq; Decemuiris successerunt, quæ omnia in finem octogesima secundæ olympiadis, principiumq; octogima tertiæ ceciderunt. Videtur autem, vrbs Roma maximæ parti scriptorū septima olympiade condita, sentit, nihilominus Cincius vetustissimus author duodecima olympiade conditam fuisse Romam, cui mihi uidetur iureconsultus astipulari,

astipulari, vt ratio temporum aliqua ex parte congruat. Tametsi nec sic quidem satis quadrare videtur; quod tempora supputantibus patebit faciliè. Sed res postulare videtur quoniam a Consulibus ad Decemuiros translatus fuit reip. status altius repetere causas, remq; totam pro instituta breuitate paucis exponere. Comimenti sunt plebis Tribb. graue consulare imperiū videri, quod nullis certe legibus coerceretur, itaque legem promulgarunt, qua quinq; viri creabantur, qui de consulari imperio leges ferre possent. non secus aduersabatur senatus, quam si pro aris pugnaretur, ac focis, frenatam satis asserens consularem potestatem prouocatione. Consul enim si quemquam lāsisset de plebe hominem, plebē ipsam, quam offendisse putaretur iudicem erat habiturus, quare tollendi consularis imperii non minūēdi viam Tribunos ingredi. Quæ controuersia extracta quinquennium coegit tandem patres, quoniam impenderent bella, delectumq; impedirent Tribuni, plebi largiri, vt qui prius quinque creabantur, aucto numero decem fierent Tribuni plebis; sexto & trigésimo anno post accitam tribunitiam potestatem vt Liuius sentire videtur. Cum autem nihil Tribuni proficerent, legemq; deminūendo consulari imperio nē geminati quidem pferre possent, a patribus contenderunt vt ordinum concordia consuleretur, crearenturq; legum

legum latores, qui leges æquas ciuitati ferrēt vniuersæ. Non aspernabatur relationem senatus, neminem tamen nisi patritium leges laturum contendebat. placuit interim tres in grāciam legatos mitti, qui toto terrarum orbe inclytas Solonis leges, vrbiumq; reliquarum peterent, in patriamq; referrent. Misi sunt auctore L. Sp. Posthumius albus, Aul. Manlius. P. Sulpitius camerinus. quidam apud Dionysium pro P. Seruium legunt Sulpitium. quibus reuersis placuit in annum Decemuiros creari sine prouocatione, & vt eo anno nullus esset in ciuitate præterea magistratus. creati sunt inter Decemuiros, qui cōsules in eum annum fuerant designati, adiecti tres legati, qui leges petiuerant alienigenas, reliqui spe magis, quàm ullo certo merito cum sunt magistratum adepti. Quem annum aureum videtur habuisse Romana Resp. Etenim Decemuiri æquitatē, iustitiāq; perficiebant, suo interdum iure cedentes, quod populi adiicerent maiestati, vt alium ciuitas magistratum minimè desideraret. Hi decem tabulas conscripserunt, quas in publicum propositas ab omnibus & legi, & examinari voluerunt, ut id iuris populus Romanus haberet, qd ipse sibi constituisset. Cum igitur omnibus probaretur decem tabularum leges, centuriatis cōitiis, & probatæ, & admittæ sunt. Duæ tabulæ videbantur deesse, perfectum ut foret iuris omne corpus. quare &
in

in alterum etiam annum Decemuiros creari placuit. Refectus est fauore populi bonis omnibus reclamantibus Appius Claudius, qui anno quoque superiore principem locum inter Decemuiros tenuerat. Is optimo quoque, atque honoratissimo per factionem deiecto in quibus etiam C. Claudio regillensi patruo suo viro primario, quos uoluit sibi collegas renunciauit. Tres etiam ex plebe creatos Dionysius est author, ut plebem sibi Claudius conciliaret. quod Claudii factum indignissimum bonis omnibus uisum est. quoniam ipse comitiis præerat, nulloque more nullo exemplo se ipse Decemuirum creauerat. Imbuit itaque & arcanis, & sceleratis consiliis collegium uniuersum; primumque coniuratum esse scribit Dionysius; ne factum unius improbarent ceteri; qua re intercessionis auxilium tollebatur. ad hæc ne magistratum deponerent, sed perpetuum obtinerent Decemuiratum ui, atque terrore, quoniam aliter non licebat. Itaque primum magistratus diem, solemnēs tunc erant Idus Maiæ à terrore sunt auspicati, centum viginti lictoribus cum securibus præeuntibus; cum superiores Decemuiros institutum reliquissent unus, ut fasces haberet, idque per uices, ceteri parum à priuatis differrent. Hi duas tabulas proposuerunt, nec ante abierunt magistratu quam uariis sceleribus contaminati & superis, & mortalibus inuisi sese coacti sunt abdicare. nam

& rem bello infelicitè ubique gesserunt, & Sicium virum fortissimum summa cum invidia necarunt. & Appius Claudius proprio, peculiariq; flagitio Virginius coegit Romano præsente populo filiam perimere, nè teterrimo pollueretur stupro in seruitutem rapta iniquissimis vindiciis à libertate secundum seruitutem dictis. Sed iam Decemviri ualeant, quos tamen M. Tullius in his, quæ ad Q. fratrem de oratore scripta reliquit, uiros asseruit fuisse prudentes. A duodecim certè tabulis ius omne Romanum fluxisse constat, quas idem Cicero eodè de oratore primo Crassus personam inducens omnium philosophorum bibliothecas superare testatur. Quas quidem tabulas æneas fuisse putarim; quod meliores codices habent; potius quam eboreas, ut in quibusdam perperà legitur. Nam neq; tanta eboris copia tum Romanis erat nondum posteriorem luxuriam ciuitate noscente, mosq; semper fuit, æneis ut tabulis scriberentur leges. Sunt tamen qui ex XII. tabulis quædam reprehendant, ex quibus pauca memorabuntur, quorum sit primum, Quod patres prohibuerunt plebis connubia suscipere, plebiq; patritia. quæ res ordinum subblata concordia duas ex una ciuitates faciebat, nec concordia patiebatur coalescere mentes. nec dici poterat patritia pollui sacra si plebeis iungerentur mulieribus, quoniam parentes liberi sequebatur. & pro-

1037

H batum

bataid postea fuit auspiciâ quoque plebem habere,
 cum consulatibus, & sacerdotibus una cum patribus
 surretetur. Quia lex paucos post annos magna cor-
 rupta ne licet, ingentiq; contentione, fuit tamen abro-
 gata. Illud secundo loco reprehenditur, quod debi-
 toris corpus, qui soluendo nobis esset certis peractis so-
 lemnibus diuidi inter creditores iubeant, quod ta-
 men defenditur tertio causa factum, ut alieno ere
 homines abstinerent. Nam facinus id crudele qu-
 quam traditur factitatum, illud à nonnullis reprehen-
 ditur, contra laudatur à quibusdam quod creditoris
 mancipium debitor fieret: nam qui reprehendunt,
 ciuem Romanum libertate non censent posse priua-
 ri, qui contra probant, maximum fidei testantur vin-
 culum, cum intelligat debitor addictum se creditori
 ducendum, nisi fidem prestiterit. Hoc tamen ipsum
 propter seuitum, nefariamq; creditorum libidinem
 sublatum est, constitutumq; bona ut essent creditoris,
 priuatis vinculis nemo coereatur, ne ius in corpus
 cuiquam esset priuato. & quoniam vindictarum me-
 minimus, de his quoque pauca dicamus. Creduntur
 à Vindicio tractu vindictæ, qui coniurationem iue-
 num nobilissimorum de recipiendis in urbem Tar-
 quiniiis indicauit, quod ob iudicium in libertatem est
 vindicatus. Statuerant igitur Decemviri, ut quoties
 de libertate veniretur in dubium secundum liberta-
 tem

tent vindicta darentur, donec de feruitute cōstaret, quod in prædiis quoque usurpatum videtur, ut vindicarentur. Et de legibus quidem, legumq; latoribus. De cœnuiis satis dictum putamus.

EXCURSIO. IX.

His legibus latis cœpit (ut naturaliter euenire solet) ut interpretatio desideraret prudentium auctoritatem, necessariamq; disputationem fore. Hæc disputatio, et hoc ius, quod sine scripto uenit, compositum à prudentibus: propria parte aliqua nō appellatur, ut cæteræ partes iuris ciuilibis suis nominibus designantur: sed communi nomine appellatur ius ciuile.

Idem ferè Romanis, quod Atheniensibus euenisse constat. cum enim Solon accepta ab Atheniensibus populo auctoritate leges condidisset, uaria desiderabatur interpretatio: quam rem ut Solon vitaret peregrinationem crediunt suscepisse. Idem euenisse Romanis videtur, qui latis legibus, earum in plerisq; rebus explanationem optare cœperunt, interfuit autem inter Græcos, Romanosq; quod interpretes iuris apud Græcos abieci sũre mortales, qui mercede solabantur oratores, quosq; *mercenarii* appellabant. In Romæ ciuitatis principes summa cum dignitate iuri præfuerunt Craesi, Scæuola, Bruti, Sulpitii, eiusdemq; dignitatis alii, de quibus certo loco proprius erit sermo.

mo. nec tamen itur inficias aliquot ex plebe iuri ciuili præfuisse, qui tamen propter studium sunt nobilitati. Itaque Marcus Tullius L. Crassum oratorem clarissimum, qui Consul, censorq; fuerat non modo ius ciuile laudantem inducit in primo de oratore dialogo, sed recipientem etiam, si uita supersit ius ciuile in genera, formasq; diuisum in artem se redacturum, cupientem præterea dicendi studio aliis relicto, quod propter senectutem licere sibi putabat suos ciues in hemicyclo, esdrauc sedentē ius ciuile docere. Idem & M. ipse Tullius desiderare uidetur primo de legibus libro. ætate iam ingrauescente sibi concedi, qui licet cum Murenæ defenderet ius ciuile contemnerē visus sit, intelligēdum est, tempori tum oratorem seruasse, non suam protulisse sententiam. Mirum tamen uidetur Iureconsultum prudentium responsa communi iuris ciuilis nomine appellasse cum ius ciuile in plura secetur membra, ut per Papinianum constat. Ius autem ciuile ff. de iustitia & iure, uerba legis appositæ sunt. Ius autem ciuile est, quod ex legibus, plebiscitis, senatusconsultis, decretis principum, auctoritate prudentium venit. Ecce quæ enumeratæ sunt partes, quasi formæ sunt iuris ciuilis. quo loco animaduertendum existimo apud M. Ciceronem, Autoresq; alios non omnes leges iuri ciuili subici. nam quæ ad publicum statum pertinebant non putabant

bant iuris esse ciuiliſ, cum tantum iuri ciuili tribue-
rent, quantum ad priuatorum interſe controuerſias
ſpectare putarent. Vniuerſam tamen hanc differen-
tiam imperatores confuſiſſe videntur, ius etiam pu-
blicum adnumerantes ciuili. Illud quoque dubium
videtur quod non ſcriptum ille ius ciuile putat eſſe,
quod eſt contra Vlpianum. l. ius ciuile eſt. ff. de iuſti-
tia & iure, vbi ius diuiditur in ſcriptum & non ſcri-
ptum, quemadmodum apud Græcos τὸν νόμον διὰ τὴν γρα-
μμάτιν, οὐ δὲ ἀγραμμάτον. Et inſtit. de iure nat. gent. & ciuili. §.
Conſtat autem, niſi forte dicamus id, quod frequen-
ter euenire ſolet, voluiſſe iureconſultum generis no-
mine formam appellari, quod hoc loco receptū non
video. reſtat, vt de actionibus dicatur.

EXCURSIO. X.

DEYNDE ex his legibus eodem ſerè tempore actiones cōpo-
ſitæ ſunt, quibus inter ſe homines diſceptarent: quas actio-
nes nō populus ut uellet, inſtitueret: certas, ſolēneſq; eſſe uolue-
runt: & appellabatur hæc pars iuris legis actiones. & ita eodem
penè tempore tria hæc iura natæ ſunt: leges duodecim tabularum,
ex his fluere cepit ius ciuile, ex iſdem legis actiones compoſitæ
ſunt. Omnium tamen harum & interpretandi ſcientia & actio-
nes, apud collegium Pontificum erant: ex quibus conſtituebatur,
quis quoque anno præſſet priuatus: & populus propè centum an-
nis hæc conſuetudine uſus eſt.

Ceteri

Actio

ACTIO autem Instituta actionibus in iudicio ita
 finitur, ut sit ius in iudicio petendi quod sibi
 debeat, ex verbis autem Pomponii formulæ po-
 tius quædam videntur actiones, quibus iudicia exer-
 cebantur. Ait enim, ne populus ut vellet institueret
 solennes eas esse decretum fuisse, quæ res ostendit
 actiones non quæstiones ipsas sed quæstionum exer-
 cendarum formulas appellatas, negari tamen non po-
 test quæstiones ipsas actiones aliquando nuncupatas,
 ut est apud Ciceronem in diuina illa oratione, qua
 Milonem defendit. Num mihi actionem perduellio-
 nis intendis? actionem intendere, in ius vocare signi-
 ficans, certa videlicet quæstione perduellionis, sed
 variis temporibus variæ prodita sunt actiones, unde
 conici licet agendi formulas actionum nomine fre-
 quentius significari. Tum inquit & leges, & pruden-
 tium responsa, & actiones extitisse, quibus potissimum
 iudicia constarent, & quoniam interpretandi iuris au-
 thoritatem penes Pontifices dici fuisse, non ab re fue-
 rit hoc de collegio alius pauca repetere, & Pontifi-
 ces quidem institutos constat à Numa, qui Romam
 urbem dicitur religionibus inferuisse, nam à Romu-
 lo pauca admodum fuerant instituta, quæ maxima
 ex parte sodalitiis continebantur, ut fratrum Arua-
 lium, Lupercalium, aliorumque quorundam. Instituti
 quoque à Romulo Curiones dicuntur, qui singula-
 rum

rum, curiarum, focis, tabulisque praeessent. Verum ut
 cere ceperam Numa Pompilius & religiones dilige-
 tias excoluit, & certis muneribus suos sacerdotes pre-
 fecit, inter quos summum locum obtinere Pontifi-
 ces, quibus etiam Summus Pontifex praeficiebatur,
 maximamque Pontificatum primus gessisse creditur
 Martius Martii filius Pompilio constituciente rege.
 Hinc summa religionum tradita est, ceteri Pontifi-
 ces subiecebantur max. Dicitur autem putantur a pon-
 tibus faciendis Pontifices, ut alii tamen existimant, a
 faciendo potestate, quos uidetur sequutus Lucanus
 primo Pharsalic volumine hoc versu.

Pontifices sacri, quibus est permessa potestas.

Dionysius asserit subieciunt pontem, si quando
 vel concidisset, vel vicium certe fecisset, quod tacet
 existimaretur instaurare solitos esse. unde Pontifici
 fluxerie nomen. Huius collegii maxima vis, sum-
 maque fuit potestas, etenim ita sacra, festos, nefastosque
 dies, quae cuique Deo grata forent sacrificia, solemniora
 tam publicis, quam privatis religionibus Pontifices
 exponebant. Et quoniam quemadmodum supra me-
 minimus, ut ad cursum solis anni constarent interca-
 landum erat quo id anno fieret, quaque ratione potissi-
 mum Pontifices statuiebant, latinae feriae, ludique om-
 nis generis arbitratu Pontificum instaurabantur. Si
 quod periculum censebatur admissum Pontificum ex-
 piandi

piandi ius erat. Ferias populo pronūciabant, quæ in singulos inciderent menses, ius ciuile tractabant, uel potius occultabant, quò maioris apud populum auctoritatis haberentur. Fastis præterant, vnde Pontifici annales, qui & maximi nominantur originem habuerunt. Illud in dubium venire solet. Soli nè Pontifices, an alij aliquot sacerdotes soliti sint adhiberi, cum ad collegium Pontificum aliquid referretur: & Cicero sanè in ea oratione, quæ de responsis inscribitur auruspicum, alios quoque sacerdotes adhiberi solitos significat cum suam domum omnes ferè iudica uerint esse profanam, quam Clodius à se cōsecratam esse dicebat plebiscito. Idem pro domo sua ad Pontifices satis aperte testatur. Pontifices igitur ita sibi ius usurpasse centum annos Pomponius tradit, ut quolibet anno unus de collegio præficeretur certus iuris interpret. Illud etiam in Pontificum potestate diligētius est aduertendum accidisse plerumq; , ut, qui aliquo fungeretur sacerdotio Consul fieret, is cum in prouinciam ire à maximo Pontifice vetaretur de eare apud populum fuisse certatum, semper populum statuisse sacerdotem maximi Pontificis dicto audientem esse oportere. ac de Pōtificibus quidē hætenus.

EXCURSIO. XI.

POSTEA cum Appius Claudius proposuisset, ut ad forum

non redegiſſet has actiones, Cn. Flavius ſcriba eius libertini filius ſubreptum librum populo tradidit, & adeo gratum fuit id munus populo, ut Trib. plebis fieret, & ſenator, & Aedilis curulis. Hinc liber, qui actiones continet appellatur ius civile Flavianum, ſicut illud ius civile Papyrianum. nam nec Cn. Flavius de ſuo quicquam adiecit libro. ¶ Augeſcente civitate & qui praeſent quaedam genera agendi compoſuerunt nec poſt multum temporis ſpatium Sex. Aelius alias actiones compoſuit, & librum populo dedit, qui appellatur ius Aelianum.

IN omni Reip. genere crediderim factitatum, ut certi homines, & hi quidem pauci omnia ſibi potentiae gratia ſuſcipienda putarint, nec dubitarim fuiſſe pleroſq;, qui utile ciuitatibus exiſtimauerint penes paucos, eodemq; uiros bonos omnium rerum eſſe potentiam. Sed haec diſputatio in id tempus diſſerenda videtur, quo ſi ſors tulerit, annuerintq; fata de optima nobis dicendum rep. fuerit. Apud Romanos certe pauci potentiam quærentes, atq; dignitatem, & ius civile condiderant, & occultauerant faſtos vt ipſi conſulerentur, ut iuxta Marci Tullii ſententiam ab ipſis tanquam à Chaldaeis peteretur dies. donec Cn. Flavius C. alii vocant, vt idem ait Cicero, oculos conſixit cornicibus; faſtosq; propoſuit, & expoſuit actiones, quas ab Appio Claudio compoſitas nec Cicero, nec Liuius meminerunt. Illud tamen conſtat Appiū,

I qui

qui cum Volumnio fuit Consul iuris fuisse prudentem, & post alterum Consulatum propter iuris peritiam continuato magistratu prætorem fuisse creatum, cum secundo Consulatu vnà cum collega gallos, & etruscos superasset. sed ad Flauium reuertamur, quem sordido genere ortum vniuersi tradunt. Cum autem Aedilis crearetur sunt qui dicant quod scriptum faceret Consulem hominis nomen recipere noluisse, qui tamen tabulam proposuit, qua iurabat se in posterum scriptum non esse facturum. Macer autem Licinius scriptum reliquit Flauium aliquanto ante quam peteret ædilitatē scriptum facere desuisse nam & plebis fuerat Trib. & duobus triumuiratibus perfunctus nocturno videlicet, & colonie deducenda. Memorix proditum est contumacissimum aduersus nobilitatem fuisse; nam cum Aedilis factus ægro-
tantem uisceret collegam, iuuenesq; nobiles ei non assurgerent, qui assisitebant ægroto, sellam curulem afferri iussit ut ab inuitis, dolentibusq; in sede spectaretur honoris. hic contra veterem legem cum nec Consul esset, nec imperator Aram dicitur dedicasse co-
cto Pontifice maximo verba præire populi cōsensu. cuius iniuriæ gratia lex est ex senatusconsulto lata, ne cui liceret ædem, aramue dicare iniussu senatus, uel maioris partis tribunorum plebis. hinc animaduertere licet, quam sit ingrata multitudini paucorum
poten-

potentia, quantamq; gratiam inerat, qui minuendam illam, extorquendamue curat. Hoc ius, quod expositum est à Flauio, Flavianum est appellatum, quemadmodum regium à Papyrio collectum Papyrianum; cum tamen neuter de suo quicquam posuerit. & quoniam humana omnia temporibus commutantur operæ precium fortè uisum est Sexto Aelio, qui iuris interpres ea tempestate fuit clarus, crescentem ciuitatem nouis actionibus indigere, quod ius ab authore appellatum est Aelianum. Crediderim hunc illum Aelium fuisse, quem uirum cordatum appellat Ennius. sed eundem ad reliqua.

EXCVII. XII.

DEINDE cum esset in ciuitate lex duodecim tabularum, et ius ciuile, essent et legis actiones ouenit, ut plebs in discordiam cum patribus perueniret, et secederet, filiiq; iura constitueret, que plebiscita uocantur. mox cum reuocata esset plebs, quia multe discordie nascebantur de his plebiscitis, pro legibus placuit et ea obseruari lege Hortensia, et ita factum est, ut inter plebiscita, et leges species constituendi inueneret, potestas esset eadem.

Ex superioribus tria iura constituta apud urbem Romam constitit, duodecim uidelicet tabulas, prudentium interpretationem, quod ius ciuile uocat

Pomponius, legum formulas, siue actiones. supra tamen docuimus hæc omnia ad ius ciuile pertinere, & præsertim legum interpretationes. Nouū deinceps legum ferendarum instituitur genus, quæ plebiscita uocantur. est autem Plebiscitum, quod plebeio magistratu rogante plebs decernebat. qui autem plebei sint magistratus suo loco patebit. colligitur autem plebisciti descriptio Instit. de iure nat. gent. & ciu. §. Constat autem. Et plebe quidem secedente in sacrum montem, uel ut alii in Auentinum orta sunt plebiscita, quod apertius dicetur cum de Tribb. plebis, Tribunitiaq; potestate sermo fiet. Secessit uero plebes propter nexos ob æs alienū, qui pessimè à feneratoribus tractabantur, interq; seruitia connumerabantur. & quàmuis M. Seruilius Consul fidem dederat debitorū miseriis consulturum senatum, idēq; Valerius Volesii filius, uel certè nepos. nam utrumq; traditur. Dictator edicto futurum receperat, priuatis tamen utilitatibus bonum publicum impediētib; & feneratorum artibus corrupto senatu, nihil omnino populus proficiebat. Itaq; cum patres educere legiones Consulibus imperassent, seditionē maturarunt, plebesq; secessit, cuius author reducendæ fuit Menemnius Agrippa uir priscae faciūdæ, narrata membrorum corporis fabula, quæ in uentrem coniuuauerant, nè cibum otioso præberent, quo factò ipsa quoq;

quoq; conficiebantur. Sic Patrum, & Plebis iras in utriusq; partis perniciem nisi caueretur aiebat cessuras. Cautum est igitur inter cætera, ut suos magistratus haberent, & quæ illis rogantibus sciscerent dicerentur plebiscita. Dubitatum est autem diu, plebiscitis ne populus teneretur, & tandem Horatio Barbatō, & Valerio Potito Conss. qui primi Decemviris pulsīs Consulatū gesserunt, cautum lege fuit plebiscitis ut populus teneretur, teste Liviō tertio ab urbe condita volumine. quam legem etiam tulisse fertur Q. Pub. Philo Dictator, qui & alias leges aduersas nobilitati tulit, auth. Liviō octavo ab urbe condita. hic fuit ille Philo primus de plebe Prator, cui primū post Consulatū etiam imperium prorogatū est. sed ad rem redeundum. Cum igitur ea lex uideretur usu antiquata, cum iterum plebs propter æs alienū, lōgasq; seditiones secessisset, reducta à Q. Hortensio Dictatore, qui in eo dicitur decessisse magistratu, obtinuit ut eo ipso Dictatore ferente lege caueretur, denuo populus ut plebiscitis teneretur, quæ à latore lex uocitatur Hortensia. Inde factum est, ut authoritate quidam lex à plebiscito nihil differret, sed modo ferendi, perferendiq; . nam legem Senatorius magistratus ferebat, ut Instit. de iure nat. gent. & ciuili. §. Constat autem. plebiscitum plebeius. Præterea centuriatis comitiis leges, tributis plebiscita fiebant.

bant. legibus perferendis populus aderat, plebs plebiscitis; & tamen utrisq; omnes pariter obtēperabāt.

EXCVR. XIII.

DEINDE quia difficile plebs conuenire capit, populusq; multo difficilius in tanta turba hominum: necessitas ipsa eam Reip. ad Senatū deduxit. Ita capit Senatus se interponere, & quicquid constituisset. obseruabatur, idq; ius appellabatur Senatusconsultum.

AVGEBATUR urbs Roma hominum multitudine, imperii magnitudinem praefagiente fortuna. quare & plebem cogere difficile erat, & populum difficilius, quemadmodum sentire videtur Pōponius; ut uidelicet ea de causa conciliata uideatur Senatus autoritas. Optandum sanē fuerat Romani nominis amatoribus uniuersis uerē sensisse Pomponium. Non enim tot seditionibus populus laborasset Romanus. cogebatur tamen frequentius, quam Resp. desiderabat, quā ciuiliū fuit origo bellorū. Id quod omnia tam Græca, quā Latina monimenta testantur. Verum quid Pomponius dicat non tam nobis curandum est, quā quid res ipsa compertū, exploratumq; tradat. Dicamus igitur plebem populi partem esse, etenim appellatione populi ciues claudebantur uniuersi nullo dignitatum, ordinumue discrimine

scrimine facto. Plebis contra nomine patritii non cē-
 lebantur. De reliquis Senatoribus post paulo uidebi-
 mus. Licet igitur cernere improprie loquutum Im-
 peratorem, uel potius legum compilatores Instit. de
 iure nat. gent. & civili. §. Constar autem, vers. Plebs au-
 tem à populo. Aiunt enim plebem uelut populi spe-
 ciem existimari, quod non est sanè uerum. nam ge-
 nus uniuocè prædicatur de forma, dico. s. & nomine
 finit, & finitione, nec de forma solum, sed de his o-
 mnibus, quæ forma continentur. nam, & tutela ge-
 nus est, & tutela legitima forma, dicimusq; legitimā
 tutelam tutelam esse, & esse uim, siue potestatem in
 capite libero ad tuendum eum, qui se per atate tue-
 ri non potest, à iure ciuili datam, atq; concessam, quā
 constat finitionem esse tutelæ à Seruio traditam ut,
 author est Paulus initio l. primæ. ff. de tutelis. Sed, &
 legitima tutela hac, quæ in Titio est, uel in Seio tute-
 la dicetur, & in eā definitio tutelæ quadrabit: quod
 in populo, & plebe certum est non usu uenire. sed fa-
 tis digressi sumus. Inquit ergo Pomponius ob diffi-
 cultatem plebis, populiue cogendi Reipublicæ ha-
 benas accepisse Senatum. Ita ne uero? tot annos urbs
 Roma Senatu caruit, & si quidem habuit nullus fuit
 authoritatis? vereor nè librariorum culpa multa in
 hac lege legantur, quæ uir doctissimus Pomponius
 ac cogitarit quidem. nos tamen rem pro uiribus ex-
 plicemus.

plicemus. Nemo urbis Romæ res gestas hæcenus scripsit, quin à Romulo dicat institutum esse Senatû. Legit autem uiros centum, siue quòd ampliore numero Resp. non egeret, siue quòd plures non haberet idoneos, qui uel à curæ similitudine, uel ab ætate; senes enim omnes fuerunt Patres sunt appellati; posteriores eorum Patritii. Imperatores autem Patritiam dignitatem extulerunt, principum patres uocitantes patritios ut Instit. Quibus modis ius pa. po. sol. §. filiusfamilias. & C. de Consulibus. l. ultima, lib. xii. & Aucten. de dign. §. i. & §. generaliter coll. vi. oritur autem dubium non paruum, fuerintne præter illos centum Romuli temporibus alii patritii. nam icò cum Tito Tatius sociare, regnoq; consociato credibile uidetur ex Tatii, Sabinorumq; numero aliquot in patres lectos, id, quod Liuius confirmare uidetur cum ait primo volumine sublato Romulo, Sabinos in Senatu à veteribus dissensisse Romanis, quòd suarum partium regem fieri æquum censebant; cum post interitum Tatii nemo regnasset Sabinorû. Asserit etiã Dionysius cõuenisse inter eos, ut sorti committeret utri Regem nominarent. ea lege, ut qui sorte Reges essent prolaturi, alterius partis hominem proderent, ita cum nominatio obtigisset Romanis Numam Põpilium Sabinum hominem Regem esse delectû. Augetur difficultas. nam Hostilius Alba diruta plebi ciuitatem

uitatem dedit Romanam. primores legit in patres Tullios, Clelios, Geganios, Guriacios, aliosq; eiusdē dignitatis. Valerius etiam publicola Consul populi iussu dicitur Appium Clausum, quem postea dixere Claudium iussu populi fecisse patritium. Si autem plures patritii fuerunt intereunte Romulo, quomodo ad interregem prodendum decem tantum decuriae coierunt? Nam neque credi par est, quempiam à Romulo dignitate priuatum, ut Sabini sustituerentur, nec Sabinos mortem Romanorum expectasse, ut in demortuorum locum inter patritios ascriberentur. vnde mihi quidē conicere licet coeundi munus veterum Romanorū proprium fuisse, qui à Romulo lecti fuerant, cætera communia cum reliquis, vel certè veterum patritiorum propria sacra fuisse, quod ad me attinet, quod pro certo affirmare possum nihil habeo, suo igitur quisque fruatur iudicio. Tarquinius, qui priscus est cognominatus, Lucumorem prius dixere Tarquinienses ducentos dicitur adieciisse, quos minorum gentium dixere patres. Exactis postea regibus Brutus Consul exhaustum senatum cardibus à superbo Tarquinio ad trecentos dicitur senatores restituisse. secundo quoque punico bello, post cannensem ruinam, quod variis casibus diminutus Senatus esset, restitui placuit, lecti q; sunt quinque supra centum septaginta quemadmodum.

cui

K Liuiο

Liui placet. Magnum Senatorum numerum Cæsar Dictator addidit, qui etiam Gallos, & Hispanos, quos ciuitate donauerat Senatores fecit. vnde scripti feruntur versus clàm, quibus edicebatur, ne quis nouo Senatori curiam ostenderet. Ius autem Senatus vocandi fuisse traditur vnà cum Dictatore Consulibus, prætoribus, Tribunis plebis. legimus etiam aliquando vel ciuili seditione, vel morbo ciuitate labo-
 rante, vel vitio magistratibus creatis ad Aediles curules summâ Reip. peruenisse, quos sanè crediderim eo tempore ius habuisse vocandi Senatum. idemq; de plebis Aedilibus sentio si quando ad illos cura Reip. recidisset. nihil enim poterat fieri sine Senatu. Senatorum vero duo constat fuisse genera, quibusdam. n. dicere sententiam licebat, aliis minimè. quod Gellius ita videtur definire, vt iis sententiam dicere liceret, qui à censoribus lecti essent in senatum. Aliis minimè quanquam honoribus populi essent vsi. quæ sententia Liuii comprobatur autoritate, vsurpantis aliquando Senatores, vel qui cum magistratum gessissent, vnde in Senatum legi deberent. Qui sententiam nō dicebant Pedarii nominabantur, vel quod pedibus in aliorum sententiam irent, vel quod non sella curuli vectarentur in curiam, quod veteribus factitatum temporibus C. Bassus in commentariis scriptum reliquit. Priorem nominis significationem Liberii ver-
 sus

fus mimorum scriptoris confirmare videtur, qui ca-
 put sine lingua pedariam ait sententiam. pedariorū
 Senatorum meminit M. T. in his, quæ ad Pomponiū
 Atticum primo scripsit volumine, cum diceret S. Cō
 sultum, quod de populis liberis factum esset, eo tem-
 pore induci non posse. Eam autem sententiam sum-
 ma pedariorum voluntate acceptam fuisse. & alio lo-
 co ait, nō animaduersum ad quos id pertineret, tum
 cum ageretur, in eamq; sententiam raptim pedarios
 concurrissē. Quæri solet à nostri temporis peritiori-
 bus omnes nē Senatores fuerint patritii, quam ego
 quæstionem expeditissimam puto. cum enim ad o-
 mnes honores plebeii peruenerint, constat Senato-
 res quoque factos cum eos magistratus gesserint, vn-
 de in Senatū legi oportuerit. Testatur etiam Lilius,
 qui P. Licinium Caluum, qui primus de plebe Tribū
 nus militum fuit creatus veterem fuisse dicit Senato-
 rem. Testatur & Cicero in oratione pro Murena,
 qui ait S. Sulpitii patriciatum in obliuionem celsisse.
 Itaque se inter nouos homines equitum Romanorū
 filios cum numerare solitū. Testatur & pro Plancio
 ubi ostēdit, potuisse patritium Laterensem à Plancio
 vinci in petitione ædilitatis cum Laterensis patricius
 Plancius esset. equitis Romani filius, & sanē consti-
 bat ambos esse Senatores. marcellos omnes plebeios
 constare fuisse, & tamen non est credibile, vel illum

quinquies Consulem, qui docuit Annibalē pōsse vinci; quiq; retulit tertiā spolia opima rege Gallorū trucidato, vel illum qui ter Cōsul in mari periit Senatores non fuisse; idem de Neronibus Claudiis dixerō. Nam Claudiorū alii patritij fuerunt, alii plebei, plebeiorū meminit Cicero primo libro de oratore ad Quintum. Possent & plura testimonia proferri, sed his volumus esse contenti. Proditum tamē memoria legimus Constantini Magni beneficio Senatores oēs factos esse patritios. Illud etiam quæri solet à iuris interpretibus fuerit nē Senatoria dignitas magistratus? & sanē exploratum habemus Senatum magistratum non fuisse, nec nostra quidem ætate putamus esse, nam & magistratus singuli auctoritatem habent, singuli Senatores nullam, nisi dicendæ sententiæ, & M. T. in Senatu cum sententiam diceret se frequenter priuatum appellauit. Illud tamen animaduertere licet Senatum & paruisse magistratibus, & imperasse, parebat sanē cum iussu cogebatur magistratum, imperabat cum Senatusconsultis magistratus obtemperabant. Itaq; ex S. Consulto abdicabant se magistratu, quibus id imperabatur, & à Rep. remouebantur censente Senatu, & omnes Senatus dicto audientes erant, præter seditiosos, malosq; ciues, Imperiumq; vniuersum quibus temporibus recte fuit administrata ciuitas nutu regebatur Senatus, erant igitur

tur privati singuli, vniuersi pondus totum Reip. sustinebant. Itaque Senatorium putabatur officium in Senatum venire, quod vtile ciuitati putaret consule re, concordiam ordinum tueri, magistratus iuuare, eorum edictis obtemperare, nisi quæ forte per vim, ac seditionem edicerentur. Et quoniam huc vêtum est, de sententiis pauca dicamus. Senatores singuli suis locis sententias dicebant. loci autem ab honoribus capiebantur, vt primo loco Consulares, post prætorii, ceteri deinceps, vt quisque honore proximus esset sententias diceret. ordo tamen rogandi arbitrio Consulis seruabatur. is enim statuebât quem de Consularibus primo loco, quem deinceps rogaret, eumq; ordinē, quem Calendis Ianuariis instituebat, perpetuum toto custodiebat anno. quem morē Suetonius tradit à C. Cæsare, qui postea Dictator perpetuus dictus est fuisse mutatum Consulatu primo. nā cum priorem rogare Crassum cōsuesset, postea quā Iuliam filiā Gn. Pompeio locarat generum primum rogare cœpit: sunt qui dicant post novos Consules desig. habitaq; comitia eos, qui renūciati essent primum rogari solitos esse. Crediderim tamē habuisse Cōsules aliquid, q̄ respicerēt in sentētis rogādis; ad ducor autē Ciceronis testimonio, qui Pisone quodā Cōsule queritur ad Atticū scribēs se primū non fuisse sentētiam rogatū, sibiq; præpositū pacificatorem

Allobrogum,

Allobrogum, idq; factum admurmurāte Senatu. sed tamen ait eo gaudere quod secūdus locus quasi principis habeat authoritatem, sitq; ab obseruando consule liberior, quod eius beneficio minus sit obligatus. scrutabātur autem magistratus sententias, aut per suffragia, aut per discessionem. ait enim Cicero ad Léntulum scribens Lupum Trib. plebis contendisse ante se oportere discessionem facere, quā Consules, cuius orationi uehementē scribit reclamatum, quod iniqua esset, & noua. & ad eundem rursus scribit scire uniuersos, quo minus discessio fieret per Lēntuli aduersarios factum esse. fiebat autem discessio cum inter duas contrarias sententias in utrālibet partem transitio fiebat. unde, & ire in sententiam ferebatur Senatus. Declarat M. Tul. qui de Colodio ad Atticum scribens, ait, Curioni nullum Senatusconsultum facienti ad quindecim homines accessisse, cū in alteram partem iuissent CCCC. Tacitus est author ueteris moris fuisse Senatorem, quicquid utile censeret loco sententiæ dicere potuisse, idq; sublatū à Tyberio Principe propter Hortensium quendam Hortensii Oratoris progeniem, qui cum ab Augusto uxorem ducere iussus esset quatuor filiis in Senatū prolatis loco sententiæ postulauit principis opibus suam paupertatem leuari: probare hanc opinionem Cicero uidetur, qui prima Philippica loco sententiæ

sententiæ

tentiæ suæ protectionis, reditusq; causas exponit, An-
 tonium accusat, ut in se nimis ferum, illumq; monet
 unâ cum collega ad Remp. tuendâ, nè falsa inanis glô-
 riæ opinione flecteretur à recto. Iterumq; cum Tri-
 buni plebis de moneta, deq; præsidio Consulum de-
 signatorum, quo tuto Kalendis Ianuariis in Senatum
 uenire possent retulissent, ipse ad uniuersum bellû,
 quod tum cum Antonio gerebatur Senatus conuer-
 tit animos. Illa quoq; oratio, quæ de auruspicum re-
 spõsis inscribitur, habita præter relationem uidetur.
 Obstat illud apud Liuium, quod Valerius scribitur à
 Decemuiris postulasse, ut de Rep. liceret dicere, ue-
 tuisse Decemuiros præter id, de quo relatû erat elo-
 qui. sed tunc turbata Resp. Decemuirum tyrannide
 liberam orationem non admittebat eius præsertim,
 qui contra Decemuiros ipsos dicere instituisset. Illud
 intelligi licet, & eandem rem plures magistratus ad
 Senatum referre solitos, & eodem Senatu alium de
 re alia patres consulere, quod uetera legentibus mo-
 numenta facîle constabit. Cum autem sententiâ plu-
 ribus capitibus inuoluta pronunciabatur diuidi con-
 sueuerat, ut de singulis rebus, atq; capitibus seorsum
 consuleretur. Testatur Cicero ad Lentulum postula-
 tum est inquiring, ut Bibuli sententiâ diuideretur. &
 pro Milone. diuisa sententiâ est postulâre nescio quo,
 & quæ sequuntur. Cum uero Senatus seditionibus
 obstatre

obstare cupiebat nè quid omnino cum populo ageretur decernere consuevit, qui id ad populum retulisset cōtra Remp. esse facturum, quod uulgatissimū fuit S. C. vel certè decernebat, si quid cum populo ageretur, id saluis auspiciis, saluisq; legibus non esse factum, aut deniq; factum cēseri per uim. in quam sententiam Cic. scribit ad Lentulum. Quod ad popularem rationem attinet, hoc uidemur esse consecuti, ut nequid agi cum populo, aut saluis auspiciis, aut saluis legibus, aut deniq; sine ui possit. & alibi ad eūdem. Qui nunc populi Romani nomine re uera sceleratissimo latrocinio, si qua conabuntur agere satis prouisum est, ut nihil agi cum populo, aut saluis auspiciis, aut legibus, aut deniq; sine ui possit. Post leges etiam perlatas, quibus Senatus offenderetur cēseri solebat, his legibus populum non teneri; Quod de legibus à M. Antonio latis censuisse Senatū Cicero testatur in Philippicis. Tunc autem Senator suo loco sententiam dicebat, cum iuxta habitos honores, dignitates uē dicebat, ut Consulari loco Consularis, Prætorius uerò Prætorio. Facto uerò S. C. quò maiorem haberet auctoritatem scribendo Senatores aderant: unde Cato, qui à mortis loco Vticēsis est appellatus, aduersatus licet Ciceroni fuisset supplicationes à Senatu postulanti pro rebus in Cilicia prospere gestis. tamen cum obtinuisset Tullius scribendo.

dicitur

dicatur affuisse, qua etiam de re ad Ciceronem scripsit. Aderant verò scribendo vel eius gratia, cui Senatus concesserat aliquid, ut si Triumphum quis impetrasset; vel eius certè, qui retulisset, vel ipsius causæ, quam Reip. putaret vtilem. Queritur etiam an diebus omnibus haberi Senatus posset, & sanè non poterat. Mensis enim Ianuarii diebus plusculis Senatus non cogebatur, nequè mense Februario toto, nisi Kalendis haberetur. Quod Cicero scribit ad Lentulum. Senatus, inquit, ante Kalendas Februarias per. l. Pupiam, id, quod scis haberi non potest: neque mense Febr. toto, nisi perfectis, aut reiectis legationibus. Idem in Verrem. Quando hic in curiā nisi mense Febr. aspirabit? quod nunquam esset aspiraturus. Credo etiam ludis publicis, festisq; diebus cogi Senatum nō potuisse, nisi qua fortè res grauior incidisset, vnde Senatus legibus solueretur. Hæc de Senatu quæ traderemus habuimus longius fortasse quàm oportuerat, tum ut veterem Remp. paucis ob oculos statueremus, si cui fortè hæc nostra placeret: partim ut doceremus Senatū simul cum Roma constitutum fuisse, præfuisseq; Reip. non propter plebis, populiue cogendi difficultatem, quemadmodum Pomponio videtur; sed quod eam gubernandi rationem cum Romulus ipse, tum cæteri Reges, ciuesq; iam liberi etiam & principes ipsi optimā statuissent.

EXCURSIO. XIII.

EODEM tempore & magistratus iura reddcbant, & ut scirent scire quod ius, de quare quisque dicturus esset, seque praeiuvirent edicta proponebant, quae ius honorarium constituunt. Honorarium dicitur quod ad honorem praetoris venerat.

LV MEN, princepsque peripateticorum Aristoteles in his, quae de Rep. doctissime, praestantissimeque conscripsit, de numero magistratuum dubitat, quod videlicet in singulis oporteat esse civitatibus. dubitat praeterea praestet ne rebus singulis singulos praefici magistratus, an pluribus vnum sit satis praefectum, & quod ad numerum attinet, ratio certe habenda civitatis videtur. Turpe est enim plures esse, qui iubeant, qui praesint, quam qui obtemperet. itaque in utraque Repub. numerum magistratuum diligenter Socrates constituit, ad easque civitates accommodavit, quas munire legibus instituerat. Alterum sane dubium soluitur facilius, intentiusque rem unam aliquam singulos magistratus curaturos, quam in res varias distracturos animos; sunt tamen levisima quaedam, quae dignitatem adimant magistratui, si sola curentur, cuius generis vni atque eidem tuto plura committi possunt. Populus igitur Romanus aucta praesertim civitate singulis rebus, quae in iudicium veni-

re

re possent, certas leges, quæstionesq; decreuit. Itaq; maiorum prudentiam extollit sæpenumero Cicero & cum A. Cecinā defendit, & pluribus aliis in locis, qui nullius nè minime quidem causæ actionem, quæstionemq; prætermiserint. & quoniam non omnia vnus poterat magistratus complecti diuersi creabantur. nam & aucta maiorem inmodum vrbe non duo tantum prætores Vrbanus. s. & Peregrinus, sed plures creabantur, qui & repetundarum iudicaret, & de ambitu quærerent, & de ueneficiis, & postea lege Cornelia inter sicarios. Testatur Cicero prima actione in Verrem se suis horis ad dicendum non uti nè iudicium à Glabrione prætore ad Metellum transiret, cui euenerat sorte, ut anno proximo de pecuniis repetundis quæreret, quod is Verris amicissimus esset. Meminit & diuersorum iudiciorum, ac iudicium in Cluentiana defensione. Inde ergo ut sciret populus quod ius, à quoq; magistratuum petendum esset, scq; præmuniret, nata tradit Pomponius edicta. Est autem edictum lex in certum tempus à magistratu lata, quæ cum ipso finiatur magistratu. vnde Cicero in Verrem in oratione, quæ prætura inscribitur urbana edicto prætoris, qui plurimum tribuunt legem annuam esse dicunt. Constat tamen edicta quædam usu recepta, atque probata vim legis obtinuisse, ut successorium edictum, de quo. ff. eodem toto Tit.

L 2 vnde

unde edictum perpetuum putatur acceptum, de quo alibi latius. Edictorum autem duo feruntur genera. Aut enim in totum tempus magistratus edicitur, ubi primum initur honos, aut ex occasione edicendi nascitur ratio, ut cum edixere Tribuni plebis ne qui in prouinciis damnati capitis essent Romæ manerent, cuius edicti testis est Cicero in Verrem in prætura Siciliensi. Erant & edicta, quæ translatitia dicebantur, quæ totidem verbis à superioribus magistratibus mutuabantur posteris, vel quæ ab Urbano edicto in prouincialia transferebantur. Mirum est autem de solo prætoris edicto Pomponium esse loquutum, cum & alii magistratus edicerent. ut ostendit Tit. ff. de ædilitio edicto. Credendum est tamen præstantiorem prætoris dignitatem Pomponium sequutum, sed dubitari potest utrum ædilitia, Quæstoriaq; edicta ius conficerent honorarium, & licet nihil ausim affirmare pro certo cum prætorium solum legatur honorarium, existimo tamen cætera quoque honoraria edicta censenda, ea tamen lege, ut absolutius ius prætorium dicatur honorarium. Erat enim prætor collega Consulum, eisdem auspiciis creabatur, quod suo docebimus loco.

EXCVR-

EXCURSIO. XV.

NOVISSIME sicut ad pauciores iuris cōstituendi nia trā-
fisse ipsis rebus dictantibus uidebatur. per partes euenit,
ut esset necesse reip. per unum Consuli, nam Senatus non perinde
omnes prouincias probè regere poterat. Igitur constituto principe
datum est ei ius, ut quod constituisset ratum esset.

NON modo condendi iuris ad pauciores dela-
ta uideri facultas potest, sed quod uerius est ne-
minem præter Senatum, populumq; Romanū iuris
condendi authoritatē habuisse constat. Etenim con-
sentaneum non est libertati ab vno aliquo leges acci-
perè, nisi quem fortè ferundis legibus ciuitas præfe-
cerit, ut Solonē Atheniensis, Pittacum Mitylene, & si
quæ aliæ legumlatores quæsierunt; quæ tamen non
prius vim legum, authoritatēq; cœperunt, quàm à
populis acceptæ, comprobataq; fuerunt, à quibus
etiā acceptæ antiquabantur vel ipsa consuetudi-
ne, quòd de Draconis legibus proditum est memo-
riæ. Itaq; Plato à Cirenensibus rogatus leges, ut suæ
Reipub. diceret, recusasse traditur, quòd intellige-
ret ciuitatem luxu, omniumq; rerum copia iam pro-
pè collapsam leges moratas, sanctasq; iusta præci-
pientes, prohibentes contraria non accepturam.
Quare palàm est liberos populos nullis legibus
obtem-

obtemperare voluisse, præter eas, quas ipsi sibi iussissent, atque sciissent. unde verissimum illud est libera Roma ferendæ quidem legis, ac promulgandæ ius penes magistratus fuisse, perferendæ non fuisse, siquidem tum perlata lex intelligebatur, cum Populus, Plebesuë sciscebat. Itaq; ridiculum est, quod quæri vulgò videmus in principio, l. Gallus, ff. de liberis & posthumis. Fuerit nè lex illa Aquilii, an formula quædam actionis. Etenim necesse fuerit qui legem illam dixerit, illud quoque docere quo in magistratu tunc fuerit Aquilius, & quando populus, aut plebs illam sciuerit legem, & licet constet formulam quandam ab Aquilio traditam, quem etiam Cicero tradit actionem de dolo malo primum conscripsisse; tamen an lex fuerit sic ambitiosè à plerisq; disputatur, vt sibi videantur magnum aliquid in medium attulisse. Dicamus igitur iuris absolute constituendi penes nullum ex magistratibus, prudentibusuë auctoritatem fuisse libera Roma, respondendi si consulerentur penes prudentes extitisse, qui ius ipsi non constituebant, sed quid iuris esset interpretabantur. Testis est Cicero in oratione pro Murena, cum enim facile ius ciuile vellet ostendere inquit, cum de iure consular si verè respondero, idem uidebor dixisse, quod Seruius, sin falsum dixerò videbor in controuerso iure versa

ri.

ri. quæ nos sententia docet non iuris, legumumque fa-
ctores, sed interpretes fuisse prudentes. sed ad Prin-
cipem ueniamus, cui mihi uidetur Pomponius adu-
lari. Etenim credibile non est uirum tantum princi-
patus originem ignorasse. quid igitur ait? cum nec
populus facile regere prouincias posset, neque Sena-
tus probè tueri propter magnitudinē imperii, prin-
ceps est constitutus, eiq; summum ius datū, ut quic-
quid constituisset haberetur pro lege. Nos contra
quid dicimus? oppressa Rep. inuitoq; Romano po-
pulo principatum cœpisse. Quis hoc negat? certè
nemo. constat enim uictorem ciuiliū bellorum
C. Cæsarem perpetuam obtinuisse Dictaturam, non
quidē à populo, sed ab his, quos ipse Consulatu de-
corauerat, quo extincto Antonius uir sanè militaris
Cæsarianarum assertor partium, qui tū Consul erat,
Remp. conatus est occupare, qui Roma pulsus cum
Mutinam obsedisset, quam D. Brutus Cæsaris inter-
fectorum unus propugnabat, superatus est tandem
ab Hircio, & Pansa Consulibus, & C. Octauio Pro-
pratore, qui adoptione C. Cæsaris, cui erat ex sore-
re nepos in Iuliam familiam venerat, & C. Cæsar ap-
pellabatur. Antonius igitur in Galliam profugit, seq;
cum Lepido iunxit, nec satis certum est volente ne,
an inuito Lepido. Nam, ut Plancus ad Ciceronē scri-
bit ultrocitroq; cursitatum erat ab Antonianis, ut
Lepidum

Lepidum conciliarent Antonio, uisusq; fuerat Lepidus assentiri, quem ob dolorem necare se uoluit Laterenſis, qui Lepido ſuaſerat, ut Remp. tueretur, & ipſi promiſerat Plancio Lepidum in Senatus, ac populi Romani poteſtate futurum. Ad hæc extant Brutus ad Ciceronem epiſtolæ de Lepidi tuendis liberis. ſoror enim Brutus Lepido nubſerat. Ciceronis præterea ad Brutum, quibus in Lepidum acerrimè inuehitur. unde coniici facile poteſt uolentem Lepidum ab officio reſceſſiſſe, ſeq; Antonio coniunxiſſe. Plutarchus autem ſcribit in Antonio Lepidum Antonio Lugubri habitu barba, crinibusq; promiſſis ad exercitum concionante tubas canere iuſſiſſe, nè audiretur oratio, nèue Antonium miſeraretur exercitus. Illud certè conſtat Antonium in caſtra receptum, neq; Lepido nocuiſſe, neq; dignitatē hominis minuiſſe, quod certè non feciſſet Antonius, qua fuit animi ſauitia, niſi Lepidi animum ante ſibi cognouiſſet addictum. Hæc tamen hæcenus, cum Lepidus, & Antonius, & ut Plutarchus uidetur, Plancius ipſe, qui exercitum coniunxerat, in Italiam reueniſſent, amboq; Conſules interiſſent, & exercitus omnes haberet Octavius non procul ab urbe Bononia Triumuiratum inierunt magna cum ciuium & cæde, & proſcriptione. Quo in flagitioliſſimo ſœdere Lucium Cæſarem Auunculum Antonius Octauius tradidit interficiendum, Accepit
contra

contra Ciceronem Antonius, cui nihil non debebat Octavius. Lepidus verò Paulum fratrem necandum tradidisse fertur. Hinc perspicui facile potest veram illam Aristotelis esse sententiam. Animantium omnium hominem esse teterrimum, vbi ad scelera semel coeperit declinare; habet enim arma prudentia, qua in altum, calliditatemq; conuersa ad omne facinus flectitur perniciosum, vt nulla fidei, nulla recti sit cura. Non tamen hic est deplorandi locus. Illud certè iure optimo gloriabitur Bononia suo in agro propè sua flumina diuisum orbem terrarum, non secus ac patrimonium fuisse. Sensit Bononiensis ager tres maximos, atque fortissimos exercitus, totidem imperatores Romanum imperium inter se partientes, quod & monumentis, posteritatiq; mandatum Bononiæ nomen reddet illustrius. Scio quosdam trium Imperatorum decus orbem inter se scindentium potius, quam diuidentium Mutinæ tribuere, certè nec locus procul abest a Bononia, & sine controversia patrum, atque auorum ætate agri fuit Bononiensis. vnde laudabitur magis studiorum parens, finibus propagatis, si modo tractus ille fuit aliquando Mutinensium. Nec mirum sanè cum paruis profecta iniuriis, bellisq; ciuilibus exagitata, pluribusq; vexata turbinibus Aemilia tamen imperarit vniuersæ Bononia ipsam subegerit Mutinam, cum Venetis

162017 M tricen-

triennium varia victoria pugnaret, fuderit exercitus aliquando, & Secundo Federico Imperatori potentissimo terribilis fuerit, cuius etiam captus est filius, quem Sardinie dixerat regem. Digressi tamen plus æquo sumus, quæ restant inspiciamus. Non tamen bene commissa regni societas citò dilapsa est. Lepidum enim perculit Octavius, & aliquot post annos superavit Antonium, quo socio Brutum, Cassiumque sustulerat. Cum ergo se peremisset Antonius, solus rerum potitus Octavius, totius Reip. orbisque Romani occupavit habenas, & ut rei atrocitatem nominis lenitate sedaret, nec Regem se dici voluit, neque Dictatorem sed Imperatorem, & principem, principatusque potestatem Tribunitiam nominavit, quò servitus tegeretur facilius. Nec inficior Octavianum Cæsarem, quem postea Augustum dixere, optimè solū Remp. administrasse. non tamen id quarimus hoc tempore, sed volente, oppressorūe populo cœperit principatus, cuius originem latius fortè quàm oportuisset, altiusque repetitam tradidimus, ut apertius principatus ostenderemus initia. Illud tamen & Pōponio, & cæteris concesserimus Romanum populū adco sua magnitudine laborasse, ut libertatem diutius tueri nequiret. Cum præsertim, ut Theophanes Mitylencus apud Pompeium disseruit, cum ex clade Pharsalica vnica naui vectus Mitylenam venisset, ut
 vxorem

vxorem Corneliam, quam ibi deposuerat acciperet.
 Tum igitur Teophanes varias esse Rerum publica-
 rum mutationes ostendit, esseq; necesse docuit rem
 Romanam ab vno gubernari. non tamen nobis quid
 fuerit necesse, sed quid sit factum videndum hoc lo-
 co proponitur. Hoc igitur imperium ab Augusto
 ceptum Augustulum habuit apud urbem Romam
 extremū, occidentisq; ferme omnes prouinciæ Bar-
 baris gentibus paruerunt, caruit imperio Romano-
 rum occidēs multis atatibus, Erulisq; Roma partit
 & Gothis, nonnunquam etiam Græcis donec Roma
 ni Pontifices reginam quondam miserati terrarum,
 urbis curam felicissimè susceperunt, auspiciisq; fau-
 stis Romani titulos imperii restituerunt occidenti,
 quod hodie munus pollet, ac viget, utinamque diu
 floreat ecclesiæ pace, concordiaq; restituta. Non.n.
 inuidebimus Oriēti, nec cōcedimus Iustiniano fœli-
 cioribus auspiciis restitutā Cōstantinopolim, quod
 ipse gloriatur C. de vet. iu. enucl. l. i. §. sed & si quæ le-
 ges. Sit igitur hæc summa, ciuiū ambitionē bellis ciui-
 libus exercitatā imperiū & cōstituisse, & cōfirmasse.
 Quæritur autem, quod etiam de Senatu supra quæ-
 situm est, sit nē Princeps magistratibus connumeran-
 dus, qua de re totos libros Iuris peritorū labore per-
 scriptos videmus. Qui non esse magistratum dicūt,
 hac sanè ratione mouentur. Princeps populi Roma-

ni munere fungitur, à quo omnem accepit authoritatem lege regia de eius imperio lata, vt habetur. ff. de constit. princ. in ipso. l. primæ vestibulo. Si princeps igitur totius vim obtinet populi, populus autē magistratus nunquam est iudicatus, nec princeps igitur sanè magistratus censetur. Præterea diu obseruatum aiunt, vt hæreditatis iure succederet principatus, cum igitur hæreditate magistratus dari non soleant, non erit utiq; princeps magistratibus ascribendus. Huc accedit quod magistratus certarum rerum creantur, vt rebus præficiantur certis. Princeps omnia præstare, atq; efficere valet, non est igitur Princeps magistratus. Adde Taciti auctoritatem asserentis Principe ad Senatum aliquid referente magistratus sententiam dicere solitos, qui principem à magistratibus videtur secernere. Vnde sanè constabit magistratum non esse principem. Qui verò magistratum esse contēdunt, primum illud asserunt, omnem curam publicam magistratum efficere, quod in Solonis tabulis traditur explanatum. Addunt, & illud etiam principem ab alio auctoritatem habere, videlicet à populo, quemadmodum cæteri magistratus. Quid enim interest ad tempus nec creetur, an in perpetuum? an vni alicui rei præficiatur, an omnibus? Populus se ipsum creare non poterat, magistratum summa cum auctoritate poterat. Nam quod dicitur

tur

tur hæreditarium esse non posse magistratum, omnino negant; etenim Arist. polyticorum quarto volumine quærit, præstet nè tempore magistratum finire, an esse perpetuum. Quærit etiam alibi sit nè laudanda successio, quæ inanes certè quæstiones forèt, nisi & perpetuum geri magistratum, & hæreditariū liceret. Ad hæc præfectum prætorio cum locū apud principem obtinere tradunt, quem apud Dictatorē magister equitū; si Dictator igitur magistratus erat, quod inter omnes constat, cur non erit & princeps, qui in Dictatoris locum successus est? Quanquam non omnino Dictatura est principatui æquāda, quæ & sex mensibus finiebatur, vt suo loco dicetur, & ali quando Romæ à Dictatore ad populum prouocatū esse memoriæ proditum est. Cum enim L. Papyrius cursor Dictator in Q. Fabium Rutilianum magistrū equitum animaduertere vellet, quod contra Dictatoris imperium pugnauerat, viceratq; Samnytes ad populum est prouocatum, qui plus poterat, pollebatq; quàm Dictatura. Verum non iure causæ seruatus est magister equitū, sed præcibus populi Romani à Dictatore donatus. Certè à principe nunquam fuit prouocatum, sed neque attinebat prouocare ab eo, qui libertatē sustulerat. Legimus tamen Vitelliū, qui menses aliquot imperauit Romæ, fuitq; à Vespasiani militibus interfectus, cū ab eo aliquādo quidā

discu-

disfensisset senator in maturā vsurpans libertatē, Tribunos plebis appellasse in auxiliū spratæ potestatis. Quod existimatum est ira potius factum, quā vt aliquid Tribb. plebis, aut populi libertati daretur. Itaq; ad præces Senatus confugit; Imperator verò, vt se placatum ostenderet, mirum non esse dixit, Senatorem à Senatore de Rep. dissentire. Hoc propterea diximus, vt & doceremus vim maiorem legitima principatum habuisse, incussōq; metu libertatem ereptam, & simul ostenderemus principem eò maiorem vim habuisse, quā Dictatorem, quòd alteri respectus libertatis inerat, alter potestatem omnem in aliorum seruitute ponebat. Soluunt etiam auctoritatē Taciti, asseuerantes magistratus, qui libera Rep. soliti erāt creari, vt effigies aliqua, vel vmbra potius publicæ dignitatis existeret sub principibus etiā renunciari solitos, eos principe referente sententiā dicere consueuisse, neq; eam rem efficere quominus Princeps sit magistratus. Ego certè in hanc transeo sententiam, vt existimem imperium omne legitimū nomine magistratus censendum. Nam qui principē inficiantur esse magistratum, sibi persuadent detrahi de Augusta maiestate nescio quid, si fateantur Imperatorem esse magistratum. Ego contra præclarum Cæsaribus existimo summum eos gerere magistratum, & cum sanè magistratum, qui Remp. contineat vniuer-

vniversam. Sunt enim (vt Arist. inquit) omnes in re-
ge populi; quippe qui curam omnium pariter gerit,
quod maximè proprium est magistratuū. Dicit for-
sitan aliquis magistratus legibus subiacēt, Principes
verò minimè, nempe, quia soluti sunt legibus; est igi-
tur cæteris liberior magistratus. hoc est autem ma-
ximè principi gloriosum, vt cum legibus non tenea-
tur, sua sponte tamen obtemperet, sitq; legum instar
magistratus, cuius in pectore leges vniversæ quie-
scant. Satis est autem de Principe nobis hætenus di-
sputatam. Repetit enumerans, quæ supra retulerat

Pomponius, de quibus satis, & forsitan nimis

multa nobis dixisse videmur, & quo-

niam voluminis huius satis ma-

gnitudo creuit, ad proxi-

um accinge-

mur.

LIBRI PRIMI FINIS.



IN LIBRVM SECVNDVM CATALE-

XEOS IN LEGEM SECVNDAM DE
ORIGINE IVRIS.

PROOEMIUM.



APIENTIAM, qui summum, maximumq;
prodere bonorum mihi sanè videntur calum
(ut dici solet) rectis luminibus intuiti. Quid n.
obsecro magis est hominù naturæ consentaneum,
quàm inquisitio ueri, atque inuestigatio? Verum
autem quomodo quis assequatur sine sapientia, cum in opinionibus
etiam, tum maxime gaudeamus, cum uerè aliquid opinati cense-
mur? Hæc nimirum est illa sapientia, qua duce iungimur Deo,
quæ terrena exutos labe animos ad sydera tollit, quæ mortales ef-
ficiet immortales, germaneq; patriæ memores cogit asternari ca-
duca. Hanc ueteres tripartito describere sapientiam, quidã enim
uirtutum orbem, cumulumq; dixerunt, quam finitionem tuentur
Stoici. Et aq; nullis perturbationibus moueri sapientem asserunt,
neutri subiacere fortunæ, nullos pertimescere casus, nunquam à
recto ne digitum quidem flectere, nihil efficere tandem cuius ali-
quando peniteat. Alii plurimarum rerum cognitione sapientiam
definiunt, quam assidua lectione, conmentatione, meditatione, o-
mnisq; generis exercitatione comparari tradunt. Tertiū in eo posi-
tam existimant sapientiam, ut naturam optimam sequamur du-
cem, in iis præcipue rebus, in quibus hominis natura ceteris ani-
mantibus

manibus præstat. Illud autem postremum apposuisse uidentur, propter appetitiones quasdam, quæ cum natura nobis insunt, domandæ potius, subigendæq; sunt, quàm sequendæ. Et illam Stoicam, quæ primo loco posita est sapientiam, nescio quisnam inter mortales reperiat. Deus enim inter homines esset, cui nulla uirtus omnino deesset; Nec sanè si cæteras descriptiones accipias facile sapientem inuenias, cum nè hominem quidem, nedum sapientem hominem deprehendisse se putet Cynicus ille Diogenes. Sed iam est accedendum ad ea, quorum gratia de sapientia nobis est disputatum. Ego quidem perductiles non paucos habere sapientiam cerno, et eos quidem ualidissimos, ac paratissimos ambitionem scilicet immodicam, amorem sui, cæterorum contemptum. Addatur etiam si placet inuidia, et quæ maxime probantur honorum, dignitatum, bonæq; apud omnes existimationis cupiditates immense, quibus tot, tantisq; aduersariis, quis per Deum fidet, atq; hominum resistat? Non fuerit igitur mirandum, me tantulum hominicionem utrisq; orationum luminibus succubuisse, manumq; dedisse, et ea improvidum, incautumq; tentasse, unde uetet pudor referre pedem: non tamen dubito si iudices nactus æquos fuero, quin uenia iudicis dignus. Nam cum P. DONATO CÆSIO Narniensem Præfuit, Bononiæq; Clarissimo Prolegato tantum debere, quantum nec mente concipere, nec uerbis ualeam explicare, cumq; referendæ gratiæ par non essem, quamuis habendo referrem, continere me tamen non potui, quo minus animi grati aliquod præberem indicium, ut Antistes optimus, atq; mirissimus licet gratuita sua in omnes esse uelit officia, sentiret ta-

N

men,

men, quæ in nos, nomenq; nostrum innumerabilia contulerat, non male penitus collocasse. Effectus est igitur animi facilitate quadam, & gratificandi bene merentibus forsitan stulto, non iniquo tamen studio, ut in alteram legem de origine Iuris liberet excurrere. Quæ in re, si peccatum est simplicitate potius est, quam malitia peccatum. Quare lector benignus, ad quem hæc nostra pervenerint, gratis accipiat animis, secumq; cogitans me pro hac, qua fungor humanitate, uirum bonum & esse, & haberi uoluisse clementius perlegat, putetq; non omnibus Deos omnia dedisse, humanisq; ignoscat erroribus. Sed iam de re dicendum uidetur, & quoniam superiore uolumine Iuris originem, incrementumq; Romani tradidimus, ad magistratus explicandos, qui legum, iurisq; Interpretes sunt, & ministris præpetibus addicentibus, acribus, secundaq; omnia, satis promittentibus transseamus.

Catalexeos in l. secundam

DE ORIGINE IVRIS LIB. II.



EXCURSIO PRIMA.



OST originem Iuris, & processum cognitum, consequens est, ut de magistratum nominibus, & origine cognoscamus. quia (ut exposuimus) per eos qui iuri dicundo præsumunt effectus rei accipitur. Parum est enim ius in ciuitate esse, nisi sint qui iura reddere possint.

Post deinde de authorum successione dicemus, quod constare non possit ius, nisi sit aliquis iuris peritus, per quem possit quotidie in melius produci.



OST cognitam Iuris originem, explicatumque quo potissimum pacto creuerit, consequens esse tradit Iureconsultus de magistratibus, eorumque tractare nominibus. Quoniam enim iuri dicundo magistratus præsumunt, veluti causam afferre iuri videntur, per quam

N 2 id,

id, quod efficitur cognosci facilius possit: etenim qui ius dicit efficere quodam modo videtur, unde non ab re iudicabitur demonstrantium more ab efficientibus effecta cognoscere. Post vero de iuris interpretibus, prudentibusq; dicendum tradit. necesse est enim (inquit) ubi ius fuerit, ibi etiā esse qui ius corrigant si fuerit opus, inq; meliorem redigant statum. Intelligēdum est autem ea figura Pomponium vsum, quam author ad Herennium eius operis volumine quarto transitionem appellat. Est autem transitio dictorum brevis quædam commemoratio, & quasi admonitio dicendorum, ut est apud Vergil. in ipso vestibulo secundi voluminis Georg.

Hactenus aruorum cultus & sydera cæli

Nunc te Bache canam, nec non siluestria tecum

Arbusta, & prolem tarde crescentis oliuæ.

Et apud Aufonium.

Hactenus descripsi fastos, si fors uolet ultra

Adiciam, si non qui uolet adiciet.

Et quoniam cognosci per causas effecta prædiximus, cognoscendi rationem apertius explanemus. Duo sunt igitur (ut probatissimis videtur authoribus) cognitionis genera, ad quæ cætera rediguntur, aut eius, quod efficitur per causam, quæ recta cognitio est, aut causarum per effecta, quæ minus propria censetur. ut cum ex variis lunæ figuris teretem ipsam,

ſam, rotundamq; iudicamus. cum contra par eſſet
formarum varietatem ex orbe cognoſci. Iam illud
ignorari non oportet, magiſtratus efficientium cau-
ſarum iuris locum habere. Sunt enim (vt M. Tul. tra-
dit in Topicis ad Trebatium) cauſarum efficiētium
genera plura. nam, & pater cauſa dicitur filii, & or-
gana, ſiue instrumenta efficientibus adnumerantur
cauſis, & qui vtitur efficere quodammodo videtur.
nihil enim temere factum putatur, ſed ad ſuum, cer-
tumq; finem ſingula creduntur effecta. vnde, & ma-
giſtratus iure vrentes, & quod ſuum eſt unicuiq; tri-
buentes, corrigentes præterea, nonnunquam etiam
& ad tempus ſaltem conſtituentes, ius efficere qua-
dam ratione videntur. Quod autem ad conſtituen-
dum ius attinet, ſcire licet tribus rationibus iura cō-
ſtitui ſolita, aut quæ ſunt perpetua, vt duodecim ta-
bularum leges, aut quæ tempore finiuntur, vt edicta
Prætorum, quæ niſi probentur uſu, vel iuſſu populi
cum ipſa finiuntur prætura, vel quæ variantur perſo-
nis. Equites enim Romani, quemadmodum oſten-
dit Cicero in orationibus pro Rabirio Poſthumo,
proq; Cluentio repetundarum interrogari non po-
terant; æquum cenſentibus Legumilatoribus Roma-
nos Equites quo minus dignitatis haberent eò mino-
ribus legum laqueis vinciendos fuiſſe. Iam, & tempo-
re iura mutantur: alia ſunt enim belli, pacis alia. Au-

ro, carpentis, purpuravexante Italiam Annibale interdictum est mulieribus. Hæc omnia salua, victriceq; Rep. sunt illis restituta. Acquitatis etiam habenda est ratio. tritū enim est vulgari sermone prouerbium. Ius summum summam iniuriam esse. vnde, & iudices, & legum interpretes quodam sunt interpositi mediūq; pacto inter ius, & iniuriam: vnde *Δικαστῆς* Græci iudicem vocant. Crediderim etiam *Νομοβίτης*, siue legislatorem quodam pacto iudicem esse, hoc tamen interesse, quod *Νομοβίτης* in vniuersum iudicat, *Δικαστῆς* verò priuatim, quam etiam sententiā Rhetoricorum primo probat Arist. volumine. Tunc ergo ius corrigitur, siue constituitur cum locis, temporibus, personis, rebus accommodatur. Exempli quoq; magna vis est, etenim grauius multa plectuntur, ne transcant in exemplum.

EXCURSIO. II.

QUOD ad Magistratus attinet initio ciuitatis huius constat Reges omnem potestatem habuisse, iisdem temporibus & Trib. celerum fuisse constat, is autem equitibus præerat, & ueluti secundum locum à Regibus obtinebat. Quo in numero fuit Iunius Brutus, qui author fuit Regis eiciendi.

REGIAM sanè potestatem summam in ciuitate fuisse supra quoque docuimus, sic tamen vt de rebus

rebus omnibus Senatum consulerent, & nonnulla per populum curiatis comitiis agerent, & de suo iure nonnunquam decederent, quod in Horatiano iudicio fecisse videtur Hostilius ad populum prouocatione permitta. Romulum tamen tradunt extremis temporibus victoriis elatum morem soluisse consulendi Senatus. Tarquinius etiam superbum euerisse potius, quam consuluisse patres, ceteris Regibus in honore maximo senatus fuit. His ergo breuiter repetitis magistratus videamus, quibus Reges vsi sunt, in primisq; celerum occurrit Tribunus. Sequuntur plerique eam quam Pomponius opinionem, nempe equitibus praeuisse Tribunum celerum. Alii vero, quam etiam sententiam Liuius non negligit, trecentos viros ad corporis custodiam circa se Romulum habuisse dicunt, eiusq; cohortis praefectum celerum fuisse Tribunum. Celeres autem appellatos, vel à celeritate ministerii, quod Regi semper assisterent, vel à Celcre quodam cuius opera in vrbe condenda Romulum vsu tradunt, à quo etiam Remum interemptum scribunt, licet alii sentiant ceteris authorē ipsum fuisse Romulum, Liuius, & Pomponius eiusdem sententiae sunt Iunium Brutum, tum cum maxime Reges exegit celerum fuisse Tribunum, eiusq; magistratus auctoritate populum ad concionem vocasse, deq; abrogando regno retulisse. Dionysius

nysius memoriae prodidit summum sacerdotiū eo tempore penes Brutum fuisse, licuissetq; per leges & ad concionem vocare populum, & habere comitia, additq; cum sibi à Tarquinio creditum honorem, ut pote fatuo, nec vim tantæ dignitatis intelligenti, ne siquidem intelligeret vsuro. Prior tamen sententia maioris partis scriptorum autoritate probatur. Patet autem secundum Regem principem locum tenuisse Tribunum celerum, quod Lucretius Tricipitinus vrbi à Rege præfectus, (non enim Romæ aderat, sed Ardeam obsidebat Tarquinius cum illi regnum est abrogatum) ad concionem populum non vocauit, sed Tribunus celerum, nisi quis fortè dixerit extinctæ filiae dolore cruciatum Lucretiū ne verbum quidem dicere potuisse. Maximum certè honorem Tribuni celerum constat inter omnes fuisse. Sed de præfecto vrbi suo loco dicitur. Fuerunt forsitan & Regibus magistratus alii, hi tamen annalium memoria celebrantur, reliqui forte & regno, & libertati communes in Reip. magistratibus tradendis exponendi videntur.

EXCURSIO. III.

EXACTIS deinde Regibus Cost. constituti sunt duo, penes quos sumnum ius uti esset lege rogatum est. Dicti ab eo, quod plurimum Reip. consulerent, qui tamen ne per omnia ro-
giam

*giam potestatem sibi vindicarent, lege lata factum est, ut ab eis pronocatio esset, necne possent in caput cuius Romani animaduerte-
re in iussu populi. Solum relictum est illis ut coercere possent, &
in vincula publica ducti iuberent.*

LIBERI populi Romani magistratus annuos iā hinc aggreditur iurecōsultus exponere à Cōs. initio sumpto, quod illi Regibus successerunt, regiumq; præ se tulerunt imperium. Sunt qui asserant, quibus etiam Liuius astipulatur ex commentariis Seruii Tulli Consules geminos esse creatos. Bonus enim ille Rex cum generi Tarquinii nequitiam perspiceret, patriam liberare cōstituisse creditur, quod sane fecisset, nisi scelere, atque parricidio præuētus, prohibitisq; fuisset. Dionysius tamē exiltimat creatorum Consulū consilium Bruti fuisse, in eaq; re Lacedæmoniorum Reges imitatum, hoc tamen mutasse, ut singulis crearentur annis. Nam Lacedæmoniorum Reges & ipsi perpetuo regnabant, & regnū posteris relinquebant hæreditatis iure. Idem putat Dionysius Consules Græce συμβύλας siue προβύλας à cōsultatione videlicet sumptis nominibus, quam sententiam etiam Pomponius sequitur. Fuerunt autem, ut Liuius scribit, qui Cōsules à iudicando dictos censuerint, idemq; apud veteres fuisse tradiderint, & consulere, & iudicare. Cuius etiam sententiæ non videtur

O detur

detur Pomp. expers. Summū enim ius primis Coss.
 Datum etiam ipse significare videtur. L. Iulio prior
 sententia magis probatur, vt quod Reip. consulant
 Coss. appellentur Græci tamen posteriores, vt idem
 est author Dionysius ab imperii culmine, potesta-
 tisq; maiestate *ἡρώτας* maluerūt appellauere. Quos. n.
 potestatis magnitudine præstare cæteris significare
 volebant, eo nomine Græci veteres appellabant. Sed
 ad cōsulatum omnia Regum insignia, iuraq; vniuer-
 sa primi Consules habuisse dicuntur L. Iunius Bru-
 tus, & Tarquinius Collatinus. Cautum tamen est
 (nē vni domino successisse crederetur duo, terrorq;
 geminaretur) alter vt eorum fasces haberet, tenuitq;
 Brutus concedente collega. Collatinus autem magi-
 stratu se abdicare coactus est, quod nomen Tarqui-
 niū libertati videretur officere, omnesq; gentis Tar-
 quiniæ lege latā exulare iussi. Lucretius huic suffe-
 ctus, qui cū Consulatus onera summa senectute cōn-
 fectus ferre non posset breui periit, in cuius locum
 Valerius, vel Volesius successit, is Consulū primus
 in concionem ascendens fasces populo submisit, vt
 maius imperium populi, quam Consulū esse doce-
 ret. Is legem de prouocatione tulit, vt videlicet a
 Coss. prouocare liceret ad populum. Non satis ex-
 plicatum est, quō primum tempore interdictum sit
 Consulibus de capite ciuis Romani iudicare iniussu
 populi,

populi. Creditur tamen eiusdem fuisse Valerii hanc quoq; legem, quæ tamẽ postea Portiis, Semproniiſq; legibus sancta dicitur diligentius, atq; ſeucrius. Tenuerunt multos annos Conſulatum patritii, poſt vero magnis contentionibus certatum eſt, vt Conſulum alter crearetur ex plebe, quæ tandem ſuperauit primumq; obtinuit, vt plebeium liceret Conſulem fieri; poſt etiam, vt eſſet neceſſe, Conſulq; primus de plebe renunciatus eſt P. Sextius, ſiue L. Sextius anno ab vrbe condita CCCXXI. In plebe quoq; aliquid certaminis ſeculis poſterioribus fuit: nobiles enim plebei patritiis iam facti familiares, obſeſſum Conſulatum tenebant, ne nouis hominibus aſpirare liceret, quam coniurationem C. Marius primum fregit ſepties Conſul aduerſa nobilitate. M. quoq; Tullius idem ferẽ gloriatur ſe conſequutum: nam homines noui ſerò Conſules fiebant, ſi qui tamen fiebant. Ipſe verò ſuo tempore ſine repulſa iactat ſe Conſulem eſſe factum. Et primis quidem temporibus nullo tempus præſcriptum fuerat Conſulatus adipiſcendi, credo, vt virtuti pateret honos. Poſt verò decretum eſt lege per lata, vt ante tertium, & quadrageſimum annũ nemo Conſul crearetur, cuius legis, vel certe legum (ſæpius enim lata videntur) author eſt Cicero Philippiæ quinta aſſerens Magnum Alexandrum, qui tertio, & trigelimo obierit ætatis

O 2 anno

anno decem annis ante Consularem ætatem extinctum, legibus tamen soluti sunt à Senatu, populoq; Romano nonnulli, quorum eximia, singularisq; virtus maturiore digna iudicata est Consulatu. Sed quid ego dicam, aut quid ego quæram? quo recidit Consulatus? nempe si titulum de Consulum officio ff. inclusum legas nihil Cōsulibus tributum reperias præter ius manumittendi, sanè si servis liberandis tuus o Iustiniane, occupatus Bellisarius fuisset, nec Africam recuperasses, nec de Gothis fuisset triūphatum; nec Viginetem Regem Byzantium vidisset. Deseruerunt principes Romam, ut alteram melioribus cederent auspiciis, sed eos quidem sua fefellit spes, etenim Roma Pontificum auspiciis floret, florebitq; semper, non enim interire religio potest. Imperant immanissimi Barbari Constantinopoli, maxima cum nostra iactura, Christianorumq; dedecore Principū, qui dum partim inter se pugnant dominandi stimulante libidine, partim Ecclesiæ repugnant, ambitione tetra cogente, iam Asia, atq; Africa, iam opulentissima Europæ parte cesserunt, hostibusq; Turcis, spōte victoriam concesserunt. fide, iustitia, pietate terras deserentibus, omnibus flagitiis, atq; sceleribus contaminatas. Hæc tamen satis sint deplorata! Diximus in superioribus nihil non auspicato gessisse Romanos. Vnde credibile sanè videtur, regium imperium

riūm auspiciato creari solitum. Cum supra quoq; exposuerimus Reges non ante regnasse, quā per auspicia annuissent superi. Videndum est igitur, quibus auspiciis Coss. crearentur. Primum quidem legibus Aelia, & Fufia cautum fuisse constat, ne tonante, fulminante uē Ioue, cum populo quicquam ageretur. Deinde etiam, quod supra memoratum est, ut loco inaugurato ageretur. Post vero, ut his diebus, quibus cum populo agi poterat, comitialibus. ageretur. Capiebat autem qui magistratum gerebat tabernaculum, propterea quod apud pomerium, quod extra urbem censebatur, Comitia in campo Martio fiebant. Dabatur cistella, ut sortitio fieret prerogativa, dabatq; operam Rogator, ut boni nominis primum in prerogativa rogaret. Quibus autē hæc fierent auspiciis, cum de religione dicetur, si quando fuerit ocium explicabimus. Illud certē reticere non potest occinuisse foricem, vel sternutasse rogatum comitia sæpenumero diremisisse. Nam quid ego de obnunciatione dicam, quæ bello, & pace valebat plurimum? Erat autem obnunciatio, qua magistratus, ut magistratum coereret de cælo se seruasse dicebat. Itaq; nihil censebatur actum, cum fuerat obnunciatum. Nec solum in magistratibus creandis, serendis uē legibus hoc seruabatur, sed in castris Consul iam signo pugnae proposito, iam prolatis propē signis

signis obnunciante collega continebatur ne illo die pugnaret, ut Varroni Paulus obnunciauit, qui nisi paruisset aliquanto ante Cannensem cladem amisisset exercitum. M. Bibulus Cæsaris in primo consulatu collega quatuor, & amplius menses domi clausus obnunciando contriuit, Cæsar tamen non mouebatur obnunciationibus, quippe qui sibi persuaserat reper tam Auguralem disciplinam, totamq; rationem auspicioꝝ ad vulgi terrorem, ut facilius obtemperarent, & in manu paucorum esset Resp. Sed & ad coecendas seditiones, improborumq; hominum audaciam vsui maximo fuisse auspicia compertum est. Bibulus igitur postea in cõcionem productus saepe dixit, se C. Cæsare leges ferente semper de cælo seruasse. Pullariorum vsus in bello fuit, quem etiam in his, quæ de diuinatione cõscripsit Cic. ridet. pulli cauea educebantur, obiciebatur cibus, si non summebant pessimum augurium, bonum si vesciebantur. Iam quoniam necesse erat, aliquid ex ossa in terram cadere pullo, pullumq; ut reciperet rostro tundere terrã, tripudium id solitimum dicebatur. Itaq; in pullarii erat potestate si uellet auspiciũ ementiri, quod L. Papyrio Consuli aduersus Samnites pugnaturũ dicitur euenisse, qui re certamine pullariorum cognita, telis hostium pullarium, quẽmentitus erat, pro exercitu piaculum obiecit, ac vicit ille certẽ.

te. Ridiculè magis Appius Pulcher, qui non edentes pullos in mare proiici iussit, increpans si nolunt esse bibant. Reprehendet me tandem aliquis, & merito quidem accusabit, quod hæc ludibria duxerim per scribenda, feci tamen consulto, ut intelligeretur quibus artibus Resp. regeretur Romana. Eisdem nostri temporis principes, uti religionis titulo sua comoda metientes, vel potius tegentes flagitia, unde cor sectæ, tamq; perniciosæ sanctam inuadere Remp. Illud non præmittendum videtur, seditionibus ciuitate laborante, cum de Dictatore creando Senatus deliberaret, eiusq; Magistratus potentiam nõ ferendam existimarent pleriq; eo uentum esse ut Gn. Pompeius Cos. vnus crearetur, ea conditione tamẽ, ut collegam sibi duobus proximis mensibus subrogaret, dixitq; Scipionem soccrum suum. Et quoniã Laconum Regum supra facta fuit mentio, illud etiã addiciatur Coss. Spartanorumq; Rẽgibus hoc fuisse commune, ut summum ius, summãq; in bello potestatem haberet, nec ab eis dum bellum gereretur prouocare liceret. Nam si permissa prouocatio militibus foret, omnis esset extincta disciplina militiæ. Propterea cautum lege fuit, ne lex vlla ferretur in castris, ne uel perlata populũ teneret, metuẽtibus scilicet ciuib; ne summa Cõsulis authoritas, quando omnium Centuriarum, Curiarum, Tribuum homines

nes militabant, milites compelleret ad id sciendū, quod Cofs. imperassent. Quod si licuisset leges omnes Tribunitiæ quæ modo displicuissent Senatui, abrogatæ fuissent. Haftenus igitur de Consulatu sit dictum.

EXCURSIO. II.

POST deinde cum census iam maiore tempore agendus esset, & Consules non sufficerent huic officio, Censores constituti sunt.

CENSURAM describere aggrediētibus nobis, animaduertendum videtur imprimis parua rerum initia negligenda non esse, crescunt. n. augenturq; plerunq; ut cum postea velis obuiā ire non valeas: haud secus quam ex parua sæpè scintilla flamma oritur maxima, quæ corripit omnia, quā vix ubi libeat extinguas. Sed ad rem nobis est redeundum. Paruis initiis, atq; adeo minimis orta Censura in maximæ dignationis, maiestatisq; supræmæ aucta est magistratum, cuius origo hæc traditur fuisse. Cum multos annos census non fuisset populus, nec differri census posset propter ærarii difficultates opinor, Cofs. verò finitimis occupati bellis rem operosam, & minime consularem curare non possent. placuit suum, propriumq; magistratū creari eiq; rei præfici, qui ab
agendo

agendo censu, Cenforium nomen obtineret. Duo^s igitur creauere viros Marco Geganio iterum, Tito Quintio capitulino quintum Consulibus anno ab urbe condita nisi fallor ccc x i i Papyriū, atq; Sempronium, qui parū solidum consulatum exegerant, vt quod in consulatu gerēdo defuerat, suppleretur Cēfura. Qui magistratus vt Liuius tradit patribus gratus fuit, quò plures essent in magistratu patricii, vel fortè prælagientibus quantum honoris, atq; dignitatis esset consequutura Censura eorum ope, qui renunciati Censores fuissent. Primam quidem Censuram, ut laboris plenam, inuidiæq; obnoxiam primores patrum recusauerūt. Et Censores quidē in quinquēnium creati fuerunt, idq; seruātū est vsq; ad Aemilium Mamercū Dictatorem, qui ius Censoriū in annum, sexq; menses contraxit, quem notauere Censores adiecta causa, quod magistratus populi Romani ius imminuisset. Sed authoritatē Cēsoriam videamus, vt inteligatur quibus principiis quantum postea creuerit. Primis igitur Censoribus scribarum, tabularūq; cura tributa est, & cēsendi formula. Post vero & Senatū legere, & quos vellent Senatu mouere soliti sunt. Equitatum quoq; censabant, quosq; iudicabant indignos equū vendere cogebāt. Tribu mouebant, inter ærarios referebāt, mulctabant etiā si videretur, vectigalia populi Rom. locabant, ipsisq;

indignos

P Cen-

Cēforibus certum attribuebatur à Senatu vectigal, quò opera, quæ vtilia putarent vrbi conficere possent, Sacris quoq; tectis præerant, dabantq; operã ne publicis ædificiis officerent priuata. Cum verò notabant aliquem, notæ causam subscribebant, & ali quādo populo rationē reddebāt. Vnde Cēforius Cato, cuius tristissima Cēsura fuit, grauissimas orationes in eos, quos notasset habuisse dicitur, multorūq; sibi nobilissimorum inimicitias comparasse, quibus per omnem vitam exercitus est, quasq; ipse non minus exercuit. Accidebat tamē frequentius, vt quem alter Cēforum notaret, alter ignominia leuaret, quē hic Senatu mouerat ille Senatorē relinqueret. Quod plerunq; Cenforum inter se discordia faciebat. Iam de Senatus principe legēdo cōtrouersiam inter Cēsores fuisse constat illud certe seruabatur, vt qui semel lectus princeps Senatus esset, perpetuo legeretur, nisi à Cenforibus subscripta causa notatus ignominia fuisset. Marcus Cicero in ea, qua Cluentium defendit oratione multis verbis contendit Cenforiã notam timoris magis causa, quam ignominia à maioribus cōstitutã. Illud certè credibile mihi videtur maximam Cenforum partem vulgi potius opinione moueri solitam, quã explorato aliquo, certouē iudicio. Cæterum in his, quid credi par sit, suo quisq; vtatur iudicio. Illud certè obseruatum est nè in demortui

mortui locum Censor crearetur, seq̃q; superstes abdi-
caret Censura. Nam cum aliquando de mortuo Cen-
sor esset suffectus, eo lustro capta dicitur à Gallis Ro-
ma. inde religiosum fuit Censorem sufficere. Et quo-
niam iniquum videbatur penes vnum tantam vim
magistratus esse, se collega abdicabat. Appius tamen
Claudius, qui postea cōsul factus est quinquēnium
Censuram gerere aduersantibus etiam Tribb. pleb.
est conatus, neq; se abdicauit magistratu, cum Plau-
tius eius collega secundum tempus Aemilia lege de-
finitum abiisset magistratu, hi Censores libertinis,
sordidisq; hominibus in Senatum lectis, illum ordi-
nem sic polluerant, ut proximi Cōs. profes si sint in
concione eo Senatu stare Remp. nō posse, legerintq;
Senatum quemadmodum ante Claudium, & Plau-
tium Censores citari solitus esset. Factum est igitur
horum vel ambitione, vel temeritate Censorum, vt
in humillimorum, sordidissimorumq; manu comi-
tia forent, quod Cn. Flauii docuit curulis Aedilitas,
de qua nobis memoratum est supra, donec Q. Fa-
bius Censor omnem colluionem illam, ac turbam-
nē cuius de media plebe paterent honores, in qua-
tuor diuisit tribus, quæ urbanæ sunt appellatæ, in
quas postea Graccorū pater Sempronius ciues tran-
stulit Libertinos, vt Cic. primo de oratore dialogo
testari videtur; quæ res adeo grata fuit, vt Fabio Ma-

ximi cognomē, quod tot victoriæ non dederāt hinc
 quereretur; & Sempronio Libertinorū, in tribus vr-
 banas separatio, maximo fuit honori. Itaq; sunt, qui
 credant Plautium malè gesti honoris verecundia, po-
 tiusq; Aemiliæ legis respectu magistratu abiisse. Ad
 Appium tamen veniamus, qui Potitios sacrorū Her-
 culis apud aram maximā viciatissimos antistites ex-
 tinxit. Nam cum seruos publicos ea sacra docuisset,
 aræq; præfecisset, duodecim familiæ Potitiorū, in qui-
 bus triginta puberes erant, ante finem anni vertentis
 perierunt; Ipse verò Censor, post aliquot annos me-
 more Deum ira cæcus est factus. Quibus tamē omni-
 bus, vniuersæq; ciuitatis cōsensui temeritate restitit-
 set, totumq; quinquennium solus Censurā obtinuit-
 set, nisi maluisset petere Consulatum; Et de Censori-
 bus satis, si modo illud adiecerimus, Censuram post
 Appii Claudii tempora, Aemilia lege sublata, potius
 quam abrogata quinquennii fuisse.

EXCURSIO. V.

POPULO deinde aucto, cum crebra orirentur bella, &
 quædam acriora à finitimis inferrentur, interdum re exi-
 gente, placuit maioris potestatis magistratum constitui. Itaque
 Dictatores proditi sunt, à quibus nec prouocandus fuit, & qui-
 bus etiam capitis amiraductio data est: Hunc magistratum,
 quoniam summam potestatem habebat, nec erat fas ultra sexmenses

menscm retinere. Et his Dictatoribus magistri equitum iungebantur sic, quomodo Regibus Tribuni Celerum, quod officium ferè tale erat, quale hodie Præfectorum prætorio, magistratus enim habebantur.

RERVUM publicarum hic sanè status, hæc conditio fuit veterum, vt antequam perfectum assequerentur gubernationis genus, maximas in magistratibus creandis paterentur mutationes, nouis semper magistratibus auctis. Neq; enim excogitari possunt initio cuncta, neque inuenta, excogitataq; perfici. Itaq; populus etiã Ro. nouis magistratibus Remp. suam iuxta temporum varietatem, opportunitatẽq; munivit, cumq; bellis præmeretur assiduis, & populus frequenter Tribunitiis seditionibus agitatus ad delectum non responderet, cum à Cofs. prouocare liceret, essentq; iidem iudicaturi, quorum res agebatur. Placuit magistratum sine prouocatione creari, cui vitæ, necisq; ciuium ius esset cum in vrbe, tum etiam in exercitu; hunc appellauere Dictatorem, vel ob id, quod eius dicto obtemperarent vniuersi, vel ob id certè, quod à Consule diceretur, quasi dictus ipse dictaret aliis facienda. Credo verum esse, quod scribit Dionysius, quæsitũ nomẽ minus inuidiosũ; quodq; minus extollere eum hominem posset, qui gereret Dictaturam, multis enim rebus eius vis magistrat-

gistratus coerceretur. Non enim quod inter omnes constat ultra sex menses Dictaturam poterat administrare, nec ascendere quidem equum, nisi tulisset ad populum, populusq; iussisset. Quare magister equitum est additus, qui præesset equitatu. Nec sane temerè Dictatorem dicebant, sed si quando propter tempora Reip. vel propter bellorum magnitudinem, vel grauiorē aliquē casum res flagitare videbantur. Dicebatur autem quemadmodum supra memoratum est, à Consulū altero noctis silentio, qui busdā adhibitis ceremoniis, quas persequi nō huius est operis, aliquando tamen populi suffragiis Dictator est renunciatus, Italiam urente Annibale, iamq; ad Trebiam, atq; ad Thrasimenum victore. Dixit autem populus Q. Fabium Max. nam alter Consul Flaminius ad Thrasimenum ceciderat, ad Scruilium alterum Consulem mitti nuntius non poterat hostibus per Italiam vagantibus. Liuius tamen ait Q. Fabium non Dictatorem, sed pro Dictatore fuisse, quod populus Dictatorem dicere non valebat. Ego tamen non video cum legem, quæ de Dictatore dicendo lata esset populus accepisset, cur Dictatorē dicere non posset; nulla enim se populus obstrinserat Religione, quo minus & legē si vellet abrogaret, & quem vellet diceret Dictatorem. Idem ait magnitudine rerum à Fabio gestarum obtentum esse, vt Dictator

Dictator haberetur. Hic est ille Fabius vnus, qui nobis cunctando restituit rem, scutum (vt Plutarchus ait) populi Rom. Sed ad ipsam redeamus Dictaturam. Omnes quidem magistratus, præter plebis (vt quidam volūt) Tribunos præsentē Dictatore vim amittebant. Præferebat Dictator quatuor, & viginti lictores cum fascibus, atq; securibus, ~~eratq;~~ quemadmodum diximus ei adiunctus equitum magister. Illud verò animaduertendum est hoc loco falli Dionysii. videtur .n. sentire, quoties Dictator crearetur, Cōs. se magistratu abdicare, quod siquidem admittimus, quid obsecro dicemus, cum Dictator, quæ fuit veterum modestia, se octauo die, vel certè quinto decimo, vel ad summum vigesimo abibat magistratu; noua nè comitia erant habenda, noui creandi Cōs. vt quemadmodum postea sub Imperatoribus euenit, nesciretur qui, cuiusq; anni Consules fuissent, & quidam vix inito consulatu honore cessissent; Illud certum est Consules Dictatori obtemperare solitos, ad eūq; sine licторibus accedere; nam nè magister quidem equitum Dictatoris iniussu mouere se poterat, alioqui Dictatoris securibus erant obnoxii, vt de Cursore Papyrio supra retulimus, qui Q. Fabiū magistrū equitum, quod contra Samnites aduersum suum editum pugnasset, eosq; egregie vicisset securi percutere voluit, vixq; vniuerso Populo Romano supplican

ti

ti hominis salutem concessit. Iddem Fabius Max.in Minutium magistrum equitum edidisset exemplū quod cum Annibale cōtra suum edictum pugnauerat, nisi quod fando nunquā erat auditum magistrū equitum Dictatori populus æquasset, cuius rei nemi nem priusquam ipsum pœnituit Minutium, qui ab Annibale circumuentus, liberatusq; à Fabio se sua sponte Dictatori subiecit, plebiscitumq; quo se oneratum, potiusquam honoratum videbat primus antiquavit. In tanta tamen potestate duos aliquando necessitate cogente constat Romæ Dictatores fuisse. Nam post pugnam, clademq; Cannensem, cum Dictator iam profectus ad bellum esset Curia: solitudinem Senatus respexit, multi enim variis casibus interierant. Decreuit itaque, vt qui Censor omnium fuisset antiquissimus, is Dictator esset sine magistro equitum, asciscereturq; in Senatū, quos eo dignos ordine iudicaret. Dictator fuit M. Fabius Buteo, qui cum lictoribus in rostra conscendit, dixitq; concione aduocata, nec duos eodem tempore esse Romæ Dictatores posse, nec Dictatorē sine magistro equitum; quod igitur tempus, ac necessitas coegisset se correcturum, namq; Senatu neminem esse moturū, ne de Senatore vnus hominis fuisse videretur iudicium; & ita in demortuorum locum Senatum lecturum, vt ordo præpositus ordini, non homini videretur

retur homo, lectoq; veterē Senatu, adiectisq; septē,
 supra centum septaginta nouis Senatoribus, statim
 se Dictatura abdicauit, descendensq; de rostris, nē
 officii causa, ad se deducēdum homines de foro ad-
 duceret, priuatis se miscuit, in foroq; diū versatus, nō
 tamen effugit quominus honestissimē dōmum redu-
 ceretur. Nec solūm rei gerendae causa dicebātur Di-
 ctatores, sed ludorum aliquando. Cum enim legiti-
 mi magistratus ludis praesse non poterant, Dicta-
 tor, qui praesset dicebatur, vili sanē defuncturus mu-
 nere, quadrigis videlicet signū daturus, vel reliquis
 praefecturus spectaculis. quod sanē indignum Dicta-
 tore ministerium videbatur. Sed tamen sic patriae le-
 ges, sic mores ferebant, quibus erat obtemperandū.
 Dicebantur etiam Dictatores comitiorum gratia;
 etenim cum ad sufficiēdos nouos magistratus Coss.
 adesse non possent sine Reip. detrimento, Dictatorē
 dicebant, annuos qui crearet magistratus, quibus re-
 nunciatis magistratu Dictator abibat. Ad hanc clauī
 figendi causa dictum aliquando Dictatorem cōstat.
 Id erat huiusmodi, cum peste ciuitas laboraret, nec
 remedium inueniretur, cum omnia quærerētur pia-
 cula, vetus im medium adducta est superstitio. pe-
 stē aliquando cessasse fisco clauo, eratq; carmen, quo
 dicebatur, vt qui summus in ciuitate Praetor esset, is
 clauum pangeret, & quoniam maxima vis summaq;

Q

maie-

maiestas Dictatoris erat, dictus est ob id ipsum Dictator. Iam cum grauior seditio, discordiaue ciuilis urbem premeret ad Dictatoriam opem confugiebatur, ut cum Sp. Mellius regnum occupare voluisse creditus est, Q. Cincinnatus Dictator est dictus cum Hala Seruilio magistro equitum. Et in secessione populi quadam Hortensius, quem in ipsa Dictatura mortuum supra diximus. Valerium etiam Coruinum in exercitus secessione Dictator fuisse traditur. Erat autem exercitus eius bona pars, qui presidebat Campaniæ. secessionis causa fuit metus, quod agitata consilia fuerant de Campaniæ ciuitatibus occupandis, ne forte supplicio afficerentur. Quæstionibus etiam exercendis dictum legimus Dictatorem M. Menenium, cum M. Folio magistro equitum, causa fuit suspitio rebellionis Capuæ. Cum autem ibi quæstionum deficiente materia, Romæ excercerentur in eos, qui fraude, vel pecunia magistratus obtinuissent, homines nobiles non dubitarunt Dictatorem ipsum prope in ius, iudiciumque vocare, quod dicerent eius criminis esse reum, cuius alios insimularet, sensurum propediem cum magistratu abiisset, in se torqueri quæstiones; quæ cum accepisset Dictator, se magistratu abdicauit extemplo, dixitque causam apud Coss. quibus negocium dederat Senatus, & est absolutus egregie. Illud tamen in dubium venit, a quonam Caesar

Dictator

Dictator primū sit dictus, qua in Dictatura seipsum cum P. Servilio Consulem fecit, & (vt Plutarchus inquit) vndecimo se die abdicauit Dictatura; nā (quod idem ait Plutarchus) à Senatu dictum credibile non est; nunquam enim Dictatoris dicendi sibi Senatus vendicauit auctoritatem. Cuni tamē ex S. C. pleriq; à Coss. dicti sint Dictatores. Itaq; vel à populo dictum crediderim, vel quod alii volunt, à Prætoribus urbano lege prius lata, vt Prætori Dictatorem dicere liceret. Cæsare quidem interfecto, M. Antonio referente, sublata est de Rēp. Dictatura, primum ex S. C. post etiam lege perlata propter perpetui Dictatoris inuidiam meminit Cic. in Philipp. & Liui. lib. c. xvi. ab vrbe condita. Ita C. Octāuius, qui postea rerum potitus Augustus est appellatus, vt inuidiam fugeret, principatus potestatem, non Dictatoriam, sed Tribunitiam vocari voluit. Dionysius tamen existimat morem Dictatoris dicendi à Græcis cœpisse Romanos, apud Græcos inquit auctoritate magis, quàm imperio regnabatur, vnde à iure dicundo *θημιστοκλής* appellabant. Libertate verò parta bellis vrgentibus quosdam ad tempus cum imperio præficiebāt, quos vocabant *ἀνακτόλεις*; in quorum locum suffectum putat Dictatorem. Macer verò Liuius censet ab Albanis acceptum hunc morem, qui post mortem Numitoris stirpe deficiente Regia, annuos creabant magi

stratus nomine Dictatorum insignes. Liuius autē Cū-
 uiliū, qui aduersus Tullum Rom. Regem suscepto
 mortuus est bello, Albanorum Regem appellat. Me-
 tium Suffetium, qui huic successit Dictatorem. sed
 ad id veniamus, quod Pomponius asserit, Magistrū
 Equitum, eum apud Dictatorē tenuisse locum, quē
 apud Reges Tribuni celerū, apud Imperatores Præ-
 fecti prætorio, & quoniam de Tribunis celerū tran-
 segimus, de Præfectis prætorio pauca dicamus. Præ-
 fecti quidem prætorio dicebantur, qui prætorianis
 cohortibus præficiuntur à principe, cohortes au-
 tem prætorianæ corpus, aulamq; principis custodie-
 bant. ipse verō Præfectus secundum Principem ma-
 ximum dignitatis locum obtinebat. Nam, vt Hero-
 dianus est author, omnia Principis negocia tracta-
 bat. legebat epistolas, quæ ad Principem mitteban-
 tur, & plurimis ipse sine Principe respondebat libra-
 rio Principis adhibito. apud eundem Herodianum,
 aliosq; nonnullos legitur, duos Præfectos prætorio
 eodem extitisse tempore, putantibus scilicet Princi-
 pibus, tantam potestatem, duobus tutius committi.
 Certè Præfectus prætorio & iudicabat multa, & ab-
 eo non prouocabatur Principum intercedentē de-
 creto. quod constat lege vnica. ff. de officio præfe-
 cti prætorio. Sed iam peragendum videtur ad res
 liquas.

EXCVR.

EXCURSIO. VI.

I ISDEM temporibus, cum plebs à patribus secessisset anno
 ferè septimo decimo, post reges exactos, Tribunos sibi in mon-
 te sacro creavit, qui essent plebei magistratus, dicti Tribuni, quòd
 olim in tres partes populus divisus erat, & ex singulis singuli crea-
 bantur. Itemq; ut essent qui ædibus præessent, in quibus omnia sci-
 ta plebs deferbat, duos ex plebe constituerunt, qui etiam *Aediles*
appellati sunt.

T RIBUNORVM Pleb. quorum supra memini-
 mus magistratus origo, atq; authoritas, nobis
 est exponenda, altius sumpto principio, veteribus lo-
 gibus, moribusq; Romanis statuebatur, ut qui vni
 deberet alicui, si soluendo non esset, duceretur, ne-
 cetereturq; ac fieret deniq; creditoris mancipium.
 Itaq; cū assiduè bellis incultus Romanus esset ager,
 & suo sumptu militaret exercitus, multi pecuniâ mu-
 tuabantur, quorum æs alienum cumulabatur vsuris.
 Ita fiebat, ut bonis omnibus diuenditis, corpora tan-
 dem in seruitutem ducerentur, in quæ sceneratores
 omnium hominum perniciosissimi acerrimè seuie-
 bant, neq; tantæ indignitati obuiam ibat Senatus, vel
 quòd fidem tuendam censebat, vel quòd tunc val-
 gò magis credebatur artibus, & gratia sceneratori.
 Itaq; plebs indignata magistratibus obtemperare no-
 lebat,

lebat, neq; in delectibus nomina dabat. Bisq; decepta semel à Seruilio Consule, iterum Dictatore Valerio, qui promiserant causam pleb. nexorumq; post bella, quæ tum gererentur Senatui curæ fore. Cum etiam post abdicationem Valerii, qui calamitatem ciuium miseratus abierat dictatura, educi Patres iuberent exercitum, Sicinio quodā autore, vt Liuius tradit, in sacrum montem plebes secessit, in Auentinum secessisse author est Piso, neq; reuocari potuit in urbem, nisi creato magistratu plebeio, cui aduersus Cofs. auxilii latio esset, quæ origo, quodq; initium est Tribb. pleb. Pomponius tres primum creatos asserit, Liuius duos, quos sibi tres collegas coaptasse tradit. Ita quinq; Tribb. pleb. creati sunt circiter annum ab vrbe condita cclxii. Tribunos autem appellatos quidam putant ab auxilio tribuendo. Alii à tribubus, erat enim in tres tribus tunc Roma diuisa, quæ postea xxxv. tribus habuit. Vnde verius videtur, tres primum creatos, quàm duos. Nam quod ad comitia tributa spectat, sciendum est, primis temporibus Centuriatis comitiis creari solitos Tribunos, post verò Volerone quodam legem ferente tributis comitiis creari coepisse, nè patritii interessent, quæ res plus dignitatis ademit comitiis quàm attulit vtilitatis. Voluit autem plebes sacrosanctos esse Tribunos, nè videlicet violarentur. Et Cicero quidē
in

in oratione pro Cornelio Balbo, nihil sacrosanctum esse testatur quod populus, plebsue non sacrauerit, idest non decreuerit esse sacrosanctum. Itaque fœdera, quæ iubente populo feriuntur sacrosancta sunt, obstringuntque populum Religione, quæ verò iubente Senatu sine populo ferirentur, cuiusmodi fœdus dicitur Gaditanum, sacrosancta non habebantur. Lege sunt igitur sacrosancti facti Tribuni. potuerunt tamen dedi hostibus coacti se magistratu abdicare prius, quod in fœdere Caudino, vel certè fœderis ferendi sponsione vsu venisse memoriæ proditum est. Duo tamen apud Liviū vrgent loca: ait enim Tribb. pleb. mille passus ab vrbe, in aliorum quiritium esse numero. Idem ait missos ad reuocandū Scipionem, qui primus Africanus fuit nuncupatus cum prætore, & legatis duos Tribb. pleb. qui hominem reducerēt iure sacrosanctæ potestatis. Quod enim ius erat in Sicilia, vel Affrica, si mille passus ab vrbe cessabat: nisi forte dicamus noua legē auctoritatem Tribunis ad exercitus etiam fuisse propagatam, cuius tamen legis nullam hactenus reperi mentionem. Erant autem Tribunorum pleb. iura tria, auxilii latio, ad hoc enim creati fuerunt. quare appellabantur Trib. pleb. ab iis, qui se aliqua affectos iniuria à Coss. Prætoribusue, aut reliquis magistratibus existimabant. Senatum etiam aduersus nō parentes magistratus Tribb. appcl-

appellasse legimus. quare aucta est Tribunitia, vel potestas, vel audacia, ut etiam Cofs. in vincula duci iuberent. Alterum ius intercessionis erat, vnus enim si intercessisset Tribunorum nihil omnino factum erat, fieri uero poterat, tanta uis intercessionis erat. Itaque & S. Consultis intercedebatur, & plebiscitis, quod remedium habebat Senatus contra Tribunitia tela, aliquem ex collegio intercessorem parare, raroque Senatus Tribunis caruit, querentibus plerisque gratiam melioris partis. Tertium ius prehensionis erat, ubi Gellius acticarum noctium libro XIII. scriptum reliquit prehendi ius habuisse Tribunos, vocandi non habuisse. quod probat & M. Varronis autoritate, & Antistii Labconis. diem quoque dicebant Tribuni, adesseque iubebant, accusabantque ad plebem, multam dicebant etiam, & capitis anquirebant. Senatus uero cum rogationibus Tribunitiis volebat obfisti, decernebat eas leges ferri non placere, contra Rempublicamque facturum qui ferret, & latis iam legibus per vim, contraque auspicia latis, hisque legibus populum non teneri statuebat. Bis tribunitia potestas sublata de Rempub. fuit. Semel creatis Decemuiris sine pro uocatione, quam plebs secessionem restituit. iterum Dictatore Sylla, quae a Cn. Pompeio restituta est, cuius redditae restitutorem ipsum saepe poenituit. Plebis autem aediles, quorum meminit hoc loco Pomponius,

ponius, licet à curandis ædibus dicti videantur, tamen & viis etiam intra urbem præfecti erant, & venalibus rebus precia cōstituebant, de quibus mox erit sermo cum ad curules venerimus.

EXCURSIO. VII.

DEINDE cum ærarium populi auctius esse cœpisset, qui illi præessent constituti sunt Quæstores dicti ab eo quod inquirende, & conservande pecunie causa creati erant.

QVÆSTVRAM ærarii curandi, tuendiq; causa repertam satis inter omnes constare video, qui magistratus iuuenibus dabatur, vt paulatim assuescerent Reipub. vt ingenii, indolisq; periculū facerent, & quid sperandum esset proponerēt. Propterea institutum est, vt suis prætoribus Quæstores loco liberorum essent, quam necessitudinem M. Tullius pluribus locis confirmat, obtinuitq; nè Q. Cæcilius Verrem accusaret, qui quæstor eius fuerat, existimantibus iudicibus, quæstoriaræ necessitudinis vinculum tolli, si paterentur à quæstore prætorem accusari. Et primis quidem temporibus duo creabantur quæstores, post verò placuit adiici duos, qui Cōs. adessent. Crescentibus autē provinciis, in singulas singuli mittebantur quæstores. Duo tamen in vrbe manebant, qui urbani quæstores dicebantur, quod & urbano

R præ-

præfent arario, & ſumptibus, qui in vrbe fiebant. Itaꝑ; quaſtores vrbanoſ ipſum Populum Ro. Cic. vocat in quadam epiſtola hiſ fermè verbis. De prædamea, præter quaſtores vrbanoſ, ideſt ipſum Populum Ro. Terenciũ nec attingit, nec tacturus eſt quiſquam. qui verò in prouinciam mittebantur quaſtores, pecuniam, frumētum, omnia deniq; quæ ad Romanum ſpectabant populum, accipiebant, vnde alebantur exercitus; omnium deniq; conſiliorum Conſulis, ſiue Prætoris participes erant. In urbem autem reuerſi, rationes in ararium referebant, primum quidem imperatoris arbitratu, cuius fuerat quaſtores, poſtea verò lege Iulia ſtatim poſt reditum, ſiquidẽ vnà cum prætore reuertiffent, ſin minus vbi primũ reuertiffent. Animaduertit Cic. conſueſſe veteres cũ è prouincia decederent, quaſtores præficere, præpoſcereq; legatiſ, quod & ipſe è Cilicia decendens aſſerit ſe feciſſe. Iudicia quaſtores dare nè poſſent dubitatum eſt propter Ciceroniſ authoritatem, qui à Q. Cæcilio quaſtore iudicium factum, ſublatum tradidit à Verre. Crediderim ego tamen abſente prætore iudicia dediſſe quaſtorẽ; præſente verò de hiſ modo iudicaſſe, quæ ſui muneris erant, in aliis iudiciãdi uim non habuiſſe. Illud quoq; conſiderandum videtur vicio datum quaſtorib; ſi de prouincia deceſſiſſent, anteq; eiſ eſſet ſucceſſum. nonnulli autem deceſſerunt,

runt, ut novos peterent magistratus, quorum, ut dicebam ambitio præpropere reprehensione non caruit. Illud etiam legitur vinculorum, victorumque, in exercitu curam penes quaestorem fuisse, quod & Liuii, & aliorum autoritate probatur scriptorum. Quaesturam vetustissimam fuisse asserunt ferè omnes. Tacitus Reges ait habuisse quaestores, cuius sententiae author est etiã Vlpianus l. singulari. ff. de officio Quaestoris ipso legis initio, qui ut de Romulo, & Numa Pompilio, dubitat habuerint nè quaestores, sic asseuerat Tullum Hostilium habuisse. Addit eadem lege præter urbanos, prouincialesque quaestores ab imperatoribus creari solitos, qui cãdidati principis appellarentur, quorum esset munus, imperatoris epistolas in Senatu legere, eos etiam quaestores, quibus Reges sint vsi à populo creatos asserit comitiis opinor curiatis ante Ser. Tullum, quem centurias diximus constituisse. Quod si verum est, cum ipsa ferè Roma & orta est, & creuit quaestura. Sunt qui dicant Dictatorem Syllam viginti creasse quaestores, quod etiam significare videtur Tacitus, quod ego quoniam apud classici non reperio, incertum legenti relinquam. Et de quaestura quidem satis.

EXCURSIO. VIII.

Et quia (ut diximus) de capite Cuius Romani iniussu populi non erat lege permillum Coss. ius dicere, propterea Quaestores

R 2 stores

Stores constituiebantur à populo, qui capitalibus rebus praeessent, hisq; appellabantur Quaestores parricidii, quorum etiam meminit lex duodecim tabularum.

PARRICIDII Quæstorū exigua, vel propè nulla apud Historicos memoria est; itaq; nec de numero liquet, nec quibus comitiis creari sint soliti, satis videtur exploratum. Illud certè credibile non est ademptam Coss. potestatem alteri magistratui, & ei quidem minori populum mandasse. Itaq; illis assentiendum crediderim, qui eam Quæstorum parricidii fuisse auctoritatem confirmant, quæ sub principibus fisci advocatorum fuerit, inquirendi scilicet, ac deferendi. Et quoniam ad quæstiones ventū est, de iudiciis, quæstionibusq; pauca dicantur. Describit igitur iudicium M. Tullius in Cluentiana defensione, id esse dicens, in quo & culpa sine invidia plectitur, & culpa vacās invidia deponitur. Iudiciorum autem publica quædam fuisse, quædam priuata neminem ambigere credimus. Priuata iudicia rerum erant priuatarum, de quibus iudex plerunq; à Prætoribus datus, nonnunquàm ex vtriusq; partis commodo sumptus transigebat. Erat & recuperatorium iudicium, dabantur recuperatores à Prætoribus in his causis, in quibus vel sponsione certabatur, vel malè iudicatum contendebatur, vel certè ius ammissum recuper-

perabatur. Dixit apud recuperatores M. Tullius pro Cecinna, meminitq; recuperatorum & in Verrē frequentius, & in L. Flacci defensione. Cum verò partiū consensus ad iudicē ibat, cumq; dabat Prætor in certa verba pronuntiari sententiam oportebat, eadem ratio recuperatorum erat. Habebat igitur, quod respiceret iudex, & quasi totius iudicii metam verba, in quæ iudicaturus erat. Iudex autem corrogabat sibi homines in consilium, quibus authoribus iudicabat, tametsi iuris esset peritissimus: Itaq; & C. Aquilius, apud quem Cicero pro Quintio dixit, consiliū habuit, & Piso, quo iudicāte Q. Roscius Comædus defensus est. & ad iudicia quidem priuata tot sint nobis accommodata. Nam quod asserunt quidam, priuata iudicia solum in iure versari ciuili, nobis non omnino probatur. etenim (vt primo de Oratore dialogo, Crassus apud Ciceronem ait) maximæ causæ in iure ciuili versantur, quarum exempla ab eodem Cicerone ducuntur. Mancinus Numantinis deditus, neque receptus ab hostibus, postliminio reuersus, in Senatū venit, negat Prætor eum esse Senatorem, qui sit iussu populi deditus. tota hæc controuersia in iure ciuili versatur. Paterfamilias, qui uxorem in Hispania duxerat, Romam reuersus alteram duxit, nec nuntium remisit priori. quæritur vtra sit uxor. nam si non fuerit iudicatum repudiatam fuisse priorem, constat

constat secundam concubinam esse, nothosq; liberos. Sed quid opus est omnia recensere? ab ipsis petantur fontibus, nos ad quaestiones publicas accedamus. Publica sanè iudicia dicuntur, quæ ad Remp. potissimum spectant, quod latius utiq; patet. non enim ea solum, quæ ad statum Reip. pertinent, ut maiestatis, peculatus uè publica iudicia vocantur, sed omnia, quæ publicè vindicantur, quæq; publicam desiderant animaduersionem; vnde Cicero in Miloniana defensione scriptum reliquit omnem vim, quæ in libera ciuitate susciperetur, contra Remp. esse. Itaq; cædis quaestiones, aliæq; istiusmodi vniuersæ publicis transigebantur iudiciis. Illud præterea scire licet, nullam fuisse quaestionem (quod Cicero plerunq; prædicat) quam certa lege Romani veteres nō sint complexi. diuidebantur præterea iudicia publica in ea, quæ suis, propriisq; fiebant legibus, & ea, quæ extra ordinem iudicabantur. Quæritur M. Tullius Milonem defendens, quòd de Clodii cæde quaeratur extra ordinem, cum licuisset veteribus quaeri legibus, aitq; si per furiosum Trib. pleb. Senatui, quod volebat facere licuisset, nullam extra ordinem quaestionem de Clodii nece fuisse futuram. Quærebatur igitur extra ordinem, cū Senatus noua lege, nouisq; iudiciis quaerendum censēbat, legem accipiente populo. Ut cum bonæ Dæ violata sūt sacra, viro (quod nephas erat)

intra

intra Pontificis Max. dum pro populo fieret re-
per- to. Cum Pontifices, vestæq; virgines decreuissent
violatam Religionem, sacra polluta instaurari o-
portere. Censuit Senatus, vt Coss. ad populum fer-
rēt,liceret Prætori suo arbitrato iudices legere, quo-
rum consilio vteretur in uiolatæ religionis iudicio.
quæ lex alterius Consulis malignitate, fraudeq; per-
lata non est. Itaq; ordinariis iudicibus rogatione fu-
si Tribuni pleb. causa est acta, absolutusq; Clodius
empto, corruptoq; iudicio. Meminit Cicero, primo
libro epistolarum ad Atticum pluribus locis. Cau-
sam quoque M. Cælii videtur significare Cicero ex-
tra ordinem iudicatam, cum reus accusaretur uenefi-
cii, quod venenum parasse diceretur, quo Clodiam
necaret. Nihil tamen, aliud affertur, cur extraordi-
narium videatur iudicium, quàm quod festis, ludisq;
publicis cum ceteræ quæstiones cessarent celebrare-
tur, quod in ipso exordio Cælii defensionis apud M.
Tullium cernitur, & de extraordinariis quidem iudi-
ciis tot sunt dicta. Iudicabat autem populus ipse;
plebesuë, vel certi iudices ad id ipsū sorte ducti, de
quibus mox dicitur. Ad populum autem, plebemue
accusabant die reis dicta quæstores, Aediles, Tribu-
ni pleb. de quæstoribus exemplo sit M. Volsci iudi-
cium, is falsum testimonium dixerat aduersus Cæso-
nem Quinctiū Cincinnati filium, quo crimine ado-
lescens

ascens clarissimus ciuitate pulsus est, quod cum postea cognitum fuisset testis ipse damnatus, in exilium abiit. Aediles verò non solum pecuariis diem dicebant, sed matronis etiam stupri compertis, cuius rei nihil est opus exemplo, cum plenæ sint omnes historiae. Eadem ratio tribunorum est plebis, qui quos in inuidiam adducere volebant, adesse iuebant, ut ne superiori quidem pepercerint Africano, nec sanè M. Furio Camillo urbis Romæ alteri conditori, summæ grauitatis, fidei, iustitiæq; viro. Coss. autem utrū diem dicere, ad populumq; accusare sint soliti, non satis authores explicant. Credibile tamen est hoc accusandi genus indignum consulari maiestate iudicatum esse. Veniamus nunc ad selectos (si placet) iudices, & primi quidem, qui iudicasse traduntur equites Romani fuerunt, quibus temporibus seuerissimè iudicia fuerunt administrata. Post verò cum Senatu communicata sunt iudicia, sicq; iudicatum ad Syllæ Dictatoris dominationem, qui vim omnem potestatemq; iudiciorum transtulit in Senatum, & Senatoria quidem iudicia, turpissima sunt existimata. quam rem Cicero Verrem accusans sæpe quæritur, iudicibusq; minatur acerrimè, nisi rectè iudicauerint. Gn. deinde Pompeius legem tulit, ut ex tribus ordinibus iudices legerentur, ex Senatu scilicet, equestri ordine, ærariiq; tribunis. C. etiam Cæsar leges tulit iudiciarias.

ciarias. Sed non est opus omnia, quæ ad iudicia pertinent hoc tempore persequi. Mos autem his erat, ut Prætor urbanus iuratus in suum annum iudices legeret, qui Selecti iudices vocabantur. Huius consuetudinis Cicero meminit pro Cluentio: Cum ergo nomen alicuius deferebatur, certus numerus iudicum extrahebatur sorte, deinde reiectio fiebat. Reiciebantur autem iudices, & ab reo, & ab accusatore, qui suspecti, incommodi ut alterutri parti videbantur. Sed quia reiiciendi modus non erat, cautum est lege certus ut iudicum numerus reiiceretur, ne reiicerentur uniuersi, quod contigisse aliquando memoriæ proditum est. De accusatore quoque certabatur quæ disceptatio vocabatur diuinatio, cuiusmodi est de Verre accusando Ciceronis in Q. Cæcilium diuinatio. Fuerunt Romæ præterea Decemuii litibus iudicandis, quos iudicasse crediderim, cum de iudice non conueniret, cumque dubitaretur qua actione certandum esset. Meminit horum Cicero in defensione A. Cecinæ. Erant & Centumuii, apud quos maximæ dicebantur causæ etiam hæreditatum, ut illa Curiana, quam Cicero tetigit primo ad Q. Fratrem dialogo. Sunt qui credant eosdem, qui prius Decemuii fuerint, postea ad centum auctos fuisse, qui sanè falluntur cum M. T. in eadem oratione pro Cecinna & Centumuiorum meminerit, & Decemuiorum. Il-

S lud

Iud præterea videtur animaduersione dignum iudices de singulis causis iuratos solitos esse iudicare. Tribus autem verbis pronunciabant, vel non liquere asseuerantes, seu amplius pronunciantes, vel certè absoluentes, vel condemnantes, dabanturq; tabellæ, quibus sententiæ perscriberentur, & sanè Cornelia lege iudex quæstionis adhibebatur in causis, qui prætori semper assisitebat, quærebaturq; de reo, vellet nè clam, an palà de se sententias ferri. Testis est huius Corneliæ legis M. Tullius in ea, qua Cluentium defendit Habitum oratione. Hæc habuimus, ex multis pauca, quæ de vetere iudicandi more diceremus, vnde colligi sanè potest exiguam admodum auctoritatem, penes quæstores parricidii fuisse, de quibus nobis certus erat sermo, ad eos nos ducere Pomponio. Res tamen poscit vt eatur ad cætera.

EXCURSIO. IX.

ET cum placuisset leges quoque ferri, latum est ad populum, ut omnes magistratus se abdicarent, & Decemviri constituti sunt anno uno. Hi cum magistratum prorogarent sibi, & rem iniuriose tractarent, neque uellent deinceps sufficere magistratus, ut ipsi, & factio sua perpetuo Remp. occupatam retinerent, nimia, atque aspera dominatione eò Remp. perduxerunt, ut exercitus à Repub. secederet. Initium fuisse secessionis dicitur Virginius quidam, qui cum animaduersionem Appium Claudium

*diū contra ius, quod ipse ex uetere iure in duodecim tabularum
translulerat uindicias filiae suae à se abdixisse, & secundum eum,
qui ab eo suppositus in seruitutem petierat dixisse, captumq; amo
re uirginis omne fas, ac nephas miscuisse indignatus quòd uetu-
stissima iuris obseruantia in persona filiae suae defecisset (ut pote
cum Brutus, qui primus Romae Consul fuit, uindicias secundum
libertatē dixisset in persona Vindicis Vitelliorum serui, qui pro
ditionis coniurationem indicio suo detexerat) Et castitatem filiae
suae, uitae quoque eius preferendam putaret. abrepto cultro de ta-
berna Ianionis filiam interfecit, in hoc scilicet, ut morte uirginis
contumeliam stupri arceret, ac protinus recens à cæde, madentēq;
adhuc filiae cruore, ad commilitones confugit, qui uniuersi de Al-
gido, ubi tunc belli gerendi causa legiones erant, relictis ducibus
pristinis signa in Auentium translulerunt, omnisq; plebs urba-
na mox eodem se contulit, ita populi consensu partim Decemui-
ris in carcere necatis, partim in exilium actis; rursus Resp. suum
statum recepit.*

QUOD ad Decemuiros quidem attinet supra
nobis explicatum est, quare lētius, ac breuius
rem hoc loco transigemus. accusant sanè nonnulli
Iureconsultum, quòd bis iam Decemuiros, quasi in
scenam tragicam produxerit, opportuerat inquit,
vel omnia protulisse supra, vel in hunc locum vni-
uersa seruassee. defendi tamen (nisi fallor) Pomponius
pōtest: nam in superioribus ad leges accomodauit

Decemviroz memoriam. hoc verò loco magis stratus ipsius vim, atque flagitia declarat. nos verò, qui (vt initio diximus) loco superiore, singula pro instituta breuitate retulimus, hic tantum expedimus, quantum ibi censuerimus prætermisſum. Duos igitur exercitus eo tempore populus Rom. habebat; alterum in Algido aduerſus Aequos ea tempeſtate populos Italiæ, quorum nunc vix annalium extat memoria, qui tamen multos annos populum Romanum vexarunt; alterum in Ereto aduerſus Sabinos, vterq; exercitus rem malè geſſerat: vinci. n. malebat miles, q̃ auspiciis, ductuq; Decemviroz vincere. vterq; à Repu. ſecceſſit exercitus, tuncq; viginti creati ſunt ſuffragio militari, decem vtroq; exercitum dante, qui Tribuni mil. ſunt appellati, quos quidam primos militares Tribunos Romæ in legionibus fuiſſe tradunt. Mirum tamen eſt nec apud Reges, nec poſt Reges exactos uſq; ad ea tempora tribunos fuiſſe ſe militares in legionibus. Sed hoc quoniam intelligi nequit aperte, pro cuiuſq; iudicetur arbitratu. Illud certè quod apud Liuium legitur. Tribb. militum maxime decorat authoritatem. A. Cornelium Coſſum Tribunum militum ſecunda ſpolia opima Ioui ſeratio retuliſſe, vel certè Marti. Sunt. n. qui dicant in cōmentariis Numæ regis ſcriptum fuiſſe prima ſpolia Ioui opima ſerenda, Marti ſecunda, tertia Quirino, quibus

quibus etiā Plutarchus assentitur. Non tamē Tribb. militum ea dignitas erat, vt opima spolia ferrent, tametsi hostium Imperatorem peremissent. Sed Liuius ipse sibi non sane constat. Ait enim Augustum, cum in templum Iouis feretrii, quod restituerat ingressus esset in thorace linteo legisse A. Cornelium Consulem secūda spolia opima retulisse; quod verius esse videtur. Etenim opima dicuntur spolia, quæ de Imperatore perempto referret Imperator, veriq; Imperatores erant Coss. & Dictatores. Sed in tanta vetustate, tantisq; historiæ tenebris difficile ad modum est rem exactam affirmare. Hac vi subacti Decemviri coacti sūt abire magistratu, dictaq; à Plebis Tribunis die duo in carcerem coniecti perire Ap. Claudius, & Sp. Oppius. Oppio obiciebatur inter cætera (nam is quod in vrbe fuerat proximus erat inuidiæ Claudio) quod infontem ciuem Romanum verberasset, cum cæsus non recusaret iterum à priuato vapulare, si quid causæ inuentum in se fuisset: ambo tamen ante iudicii diem sibi mortem conscisse dicuntur. Certè nullo populi, plebisue decreto necati sunt, nisi fraus occulta Tribunorum pleb. accesserit, quod non legimus. Erant autem puellæ Virginiae, quam pater occiderat tres necessarii eo ipso anno Tribuni pleb. cum patre Virginio sponsus Icilius, & auunculus Numitorius. Illud certè ab omnibus traditur

ditur scriptoribus summam pudicitie curam mulieribus veteribus fuisse Romanis. nam, & temetum bibisse vitio dabatur, iudicabaturque signum impudicitie. Unde cognati, atque propinqui frontes mulierum osculari dicuntur soliti, ut experiretur olerent ne vinum. Et quidem quod ad Decemviorum attinet magistratum, nobis ipsis, a quo videmur prolixiores. Verum illud prætermittendum non est, quod à Iuba traditum Græcorum quidam memoriæ prodiderunt, Romanos scilicet, in numero eorum, quos ad honores prouehabant, Pythagoricum quiddam secutos esse: inquit. n. quoniam si ab vno recesseris, duo tibi occurrunt, geminatis videlicet vnitatibus, duos Coss. creauerunt, vnum solum numen esse putantes. & quoniam perfectissimas volebant leges, atque plenissimas, estque decumus ille numerus omnium finis numerorum, omni que ex parte perfectus, Decemuiros merito legibus creauere ferundis. Quæ mihi disputatio acuta sanè videtur, incerta tamen, atque infirma. Illud enim Aristotelis magnoperè probo, quod est quarto Politicorum volumine, nec plures, nec certe pauciores in Rep. magistratus esse creandos, quam res postulet, & publicæ vel vtilitatis, vel necessitatis ratio. et Romam quidem admodum serò migravit philosophia, itaque hunc Pythagoricum scopum non videntur intuiti Romani. Fuerunt & alii Decemviri

cris

eris faciundis, & Sibillini sacerdotes, cum ante utriq;
 Duumviri fuissent. mirum autem fuerat in his om-
 nibus perfectum illud spectatum fuisse; nam quod
 dicunt, qui numeros ad calculum redigūt, imparem
 semper in auguribus servatum, facile diluitur. nam,
 vel ea religio fuit quæpiam, vel veteri obtemperatū
 cōsuetudini, vel quod est verius, Tribuum antiqua-
 rum est ratio servata, quæ tres fuerunt, totidemq; ini-
 tio augures. Post verò ad novem auctus est numerus
 ut augures terni singulis Tribubus accommodaren-
 tur. Sed de sacerdotiis, sacrisq; ac Flaminiiis longior
 exigitur disputatio, quæ nobis hoc loco non est su-
 scipienda. Plutarchus quidem librum de causis, quæ
 ad Romanam Remp. spectarent conscripsit, ubi ad
 philosophiam omnia refert. mihi certè rudiores ve-
 teres Romani vidētur. sed nos iam sequentia vocāt.

EXCURSIO X.

DEINDE cum post aliquot annos, quam duodecim tabu-
 le latae sunt, & plebs contenderet cum patribus, & velles
 ex suo quoque corpore Consules creare, & patres recusarent. fa-
 ctum est, ut Tribuni mil. crearentur, partim ex plebe, partim ex
 patribus Consulari potestate, hiq; constituti sunt vario numero.
 Interdum enim viginti fuerunt, interdum plures, nonnunquam
 pauciores.

NATI Romæ videtur Tribb. pleb. vt quieti, p̄ciq; publicè semper officerent, & non secus, ac perniciosi nautis venti nouis fluctibus, nouisq; tēpestatibus populum exagitarent. sed in hac re, de qua sumus acturi parcēdum Tribunis existimo, experiri scilicet volentibus, num in plebe viri fortes oriri possent, qui summo magistratui gerendo pares essent. Tum demum libertatem æquam omnibus fore Tribuni censebant, cum nulla pars populi honoribus excluderetur. Promulgant igitur legem, vt alterum Consulem liceret ex plebe facere. Post uerò patrum credo clamoribus, ac iurgiis concitati tulerunt, vt omnino alterum de plebe Consulem fieri oporteret. Sunt qui promulgatum dicant, vt Consulem vtrunq; siue ex patribus, siue ex plebe libero suffragio populi creari liceret; Id vero Patrii ferendum minimè putabant, non enim honores communicari, sed pelli se penitus honoribus interpretabantur. Cum res igitur ad vltimam spectaret seditionem, secessionemq; plebis, co ventum est, vt Tribuni militum Consulari potestate crearentur, hominumq; de plebe haberetur ratio, quos creatos primum Dionysius asserit anno tertio, quarta, & octogesima Olympiadis, summū magistratū Athenis obtinēte Diphilo; Luius cccx. vel ut in quibusdā codicibus legitur cccxi. ab vrbe condita primos
Tribunos

Tribunos tradit esse creatos, pauloq; prius de con-
 nubio patrum, & plebis, quod diremerāt Decemui-
 ri perlatum. Idem ait quibusdam in annalibus nullā
 omnino factam seditionis, discordiæ uē mētionem.
 Sed propter vrgentia diuersis ex locis bella, ad quæ
 duo Consules non sufficerent, tres creatos fuisse Tri-
 bunos: domi tamē parta cōcordia externa bella sup-
 pressa sunt. Populus licet plebei multi peterent, pa-
 tritios tamen Tribunos omnes creauit, quos tradūt
 vitio creatos, post paulo se magistratu abdicasse il-
 lisq; Coss. esse successos. Itaq; variē in annalibus legi-
 tur quibusdā Tribunos mil. scribētibz, nulla Consu-
 lum facta mentione. Consules aliis, Tribb. mil. præ-
 termisiss. Tribunis autem mil. Consulari potestate
 Remp. obtinentibus obfessi sunt Veii, & decumo
 tandem anno Camillo Dictatore capti; cum interim
 variē pugnatum esset, maioresq; clades, quā intulif-
 sent, interdum acceperant Romani. In omnibus au-
 tem annis, quibus Tribb. mil. creati sunt, pro Coss. ra-
 rō admodum plebei ad id fastigium perueniunt.
 Semel tamen omnes plebei creati, ut vni locus dum
 taxat relinqueretur patritio. Iterum æquatus nume-
 rus est patritiorum, ac plebeiorum, primus tamen
 ex plebe cum honorē vsurpauit P. Licinius Caluus,
 de quo supra dictum est, qui etiam præcibus obti-
 nuit, ut filius Licinius Caluus quo anno Veii sunt ex-
 pugnati,

T

pugnati,

pugnati, cum paterno collegio Trib. militaris crearetur dubitatum est militares ne Tribuni possent dicere Dictatorem, & tandem posse augures decreverunt, dictiq; sunt Dictatores a Tribunis plerunq; inqueis maximum eius ætatis decus M. Furius Camillus Romulus alter, secundus conditor urbis, qui & tribunatu militum, & Dictatura sæpe perfunctus, nūquam tamen fuit Consul. Verum de Tribunorū numero, qui proconsularem tenuerunt imaginem augetur quæstio: nam illud sanè constat, vario creatos esse numero, octonos tamen cum maxime apud Livium, cæterosq; legimus fuisse creatos. nec satis constat, unde Pomponius viginti militares Tribb. Proconsulibus coeperit renunciatos. Nō. n. temerè tantus numerus adiectus Reip. foret, neq; quibus potissimum causis tot Tribunis eguerit Respu. satis liquet, & res sanè tanta impudenter ab scriptoribus neglecta, prætermittaq; foret. Ego quidē vel librarium errasse crediderim, vel certè Pomponium Tribunos militares, qui apud Augustinū, a duobus exercitiis sunt creati Proconsularium accepisse loco, vel authorem aliquem habuisse iureconsultum, qui desideretur a nobis. Nec tamen persuadere mihi possum Livium tam negligētē fuisse, ut qui octo Tribb. mil. pro Consulibus creatos asserat, non scripturus fuisset viginti, si modo creati fuisset. Sed in hac re sua sit opinio cuiq;

nos

nos ad ea, quæ restant opitulante numine stylium
vertamus.

EXCURSIO. XI.

DEINDE cum placuisset creati etiam ex plebe Con-
sules, cæperunt ex utroq; corpore constitui. Tunc ut aliquo
pluris patres haberentur, placuit duos ex numero patrum consti-
tui, ita facti sunt Aediles curules.

COMMUNICATVM, promiscuumq; Consulatu
factum & Patribus, & plebi cum de Coss. agere-
mus, nobis exposuisse videmur. Reliquum est vt de
curulibus Aedilibus, quemadmodum nobis institutū
est, pauca dicamus. In quibus illud primū occurrit,
quinam in mentem venerit Pomponio Aediles crea-
tos dicere, quo patres pluris haberentur, cui rei ob-
stabant maximè Tribuni, plebesq;. quoniam eo tem-
pore, vt si quādo aliàs maximè seditionibus Ciuitas
laborabat. Cum. n. patres authores esse nollent comi-
tiis, quibus P. Sextius de plebe primus Consul crea-
tus erat, secessionis, cæterorūq; ciuiliū malorum,
ventum erat ad minas, fateor tamē oblatam occasio-
nem patres accepisse vt plures magistratus haberēt,
nō tamen eam uisse causam Aediliū curuliū crea-
dorum contendo; cum nihil minus populus eo tem-
pore concessurus videretur. Quæ sententia proba-

T 2 tur

tur sanè magis ipso Aedilitatis euentu. Receptum. n. primo fui, vt alternis annis ex patribus, plebeq; crearentur, promiscuè deinde creati cœpti. Causam autem curulis repertæ Aedilitatis Liuius prope v. l. lib. calcè, apertè declarat. Cum. n. parta cōcordia uidetur, ludos maximos fieri Senatus iussit, addiq; diē ludis Romanis. Id muneris cum plebis Aediles recusassent Patritii iuuenes se professi sūt suscepturos, si fierent Aediles. inde rogatione à Dictatore lata, duo creati sunt Aediles ex patribus Cn. Q. Capitolinus, & P. Cornelius Scipio. Iam igitur quatuor habetur Aediles, plebis duo, totidem curules. Et plebis quidem Aedilum initium Dionysius hoc tradit. Creatis inquit. Tribb. pleb. à patribus plebs hoc etiā extorsit, vt duo viri crearetur, qui Tribb. ministrarent, & quædam exquerentur iudicia, atq; magna potestate præditos plebis Aediles. Idem Dionysius similes iis inquit esse, quos *αγοράριοι* Græci vocant. Hæc Dionysii sententia vera mihi sanè videtur. Nam cum superior Africanus vocaretur in inuidiam, statuissetq; Senatus, vt cum Sicilia præuincia Prætor decem legati, & duo Tribb. pleb. proficiscerentur, qui iure sacrosanctæ potestatis Scipionem si uerè accusatus esset, in urbem reuocarent. Datus est & plebis Aedilis, à quo non parètem Tribuni compræhendi iuberent, vnde cerni satis arbitror posse, plebis Aediles initio Tribu-

Tribu-

Tribunorum fuisse ministros. Aedilibus autem ludi, thenſæq; curæ fuerunt. Erant autem ſacra vehicula thenſæ, quæ qui ducerent ornatiffimè induebantur, propè triumphatium morem, puer patrimus, & matrimus lora tenebat, thenſasq; tangere (vt ſcribit Pedianus) vniuerſi gaudebant. Exigebatur thenſarū nomine pecunia ab iis, qui viam incolebant, qua ducerentur thenſæ, cuius auariſſimè exactæ Verrem inſimulat Cic. Tanta thenſarum erat Religio (vt de Auruſpicum reſponſis idem tradit) vt ſi puer ille patrimus, & matrimus lorum remiſſet, quod caſu ſæpe aliquādo puerili negligentia accidere potuit, ludi tamē inſtauraretur. Munera quidem Aedilitatis paucis exponit Cic. extrema in Verrem actione Cere-rem, Liberum, Floramq; matrem, populo, ac plebi placandos ludis. Ioui, Iunoniq; ludos faciendos anti-quiſſimos, maximosq; ludos, qui primi Romani ſint appellati ſumma cum Religione celebrandos, atq; ædium ſacrarum habendam eſſe curam, vniuerſam demum ſibi ciuitatem commendatam. Quanquam ædium ſacrarum cura ad Cenſores tranſierit, ſitq; ex traordinem à Senatu Prætoribus aliquando credita. Vnde prædatum in ſarctis teſtis Verrem cum ea exi-geret ex S. C. Cicero grauiffimè criminatur. Sūt qui dicant ſarctorum teſtorum penès Cenſores curam fuiſſe, nè verò priuatis ædificiis occuparetur, minue-
ren-

renturque templa ad Aedilitiam curam pertinuisse. Sed cum non satis aperte magistratum munera liceat explanare, quæ mutata etiam videntur temporibus, hæc, quæ dicta sunt cōrentos nos esse oportebit. Scenici quoque ludj & maximo quidem apparatu ab Aedilibus factitati leguntur, tantumq; ad plebem valuisse, ut Murenæ scenam suffragratam Cic. dicat ad Consulatum adipiscendum, asseratq; se quoq; scenam habuisse competitoricem. Sed de scenicis, aliisq; ludis si quando sacra licebit exponere, expediemus; nunc hætenus dixisse sufficiat.

EXCURSIO XII.

CVMQVE Consules auocarentur bellis finitimis, neque esset qui in ciuitate ius reddere posset, factum est, ut Prætor quoq; crearetur, qui urbanus appellatus est, quod in urbe ius dicebat.

DE Prætoris, Prætorisq; edicto, atq; honorario iure, quæ dicenda fuerint supra nobis tradidisse videmur, pauca sunt igitur quæ restant, quamobrem paucis absoluemus. Sunt qui dicant dictum à præcundo, quod præiret videlicet Prætor iura ciuibus dicens. Illud certe possumus affirmare Prætoris nomen apud Romanos vetustissimum fuisse, summumq; magistratum significasse, nā in lege, qua clauus à Dictatore figebatur, priscis verbis scriptum erat
Prætor

Prætor maximus clauum pangat: Itaq; pangebant aliquando Consules. postea vero quoniam Dictatoris maior erat potestas, ad Dictatorem translātū est hoc munus, ut cum de Dictatore verba faceremus, exposuimus, hoc tamen, quo summum imperium significabatur nomen ad eum, qui ius diceret translātū est, de quo nobis in præsentia est oratio suscepta. eodē igitur anno, quo de plebe Consulem creatum meminimus primum, primus quoq; Prætor de nobilitate ius dixit L. Furius Camillus, eius Camilli filius, qui liberata patria, relatisq; signis, alter vr̄bis Romæ conditor meruit prædicari. Post aliquot annos, etiam de plebe creari cepti sunt Prætores, quorū fuit primus (ut Liuius existimat) Q. Publius Philo, quo in homine illud etiam noui Roma vidit, ut post Consulātū obsidenti Palæpolim prorogaretur imperium, omniumq; primus Proconsularem gereret dignitatem. Sed ad Præturam redeamus. Urbanum appellauere Romani Prætores, quem creauere primum, estq; obseruatū, ut qui ius ciuibz diceret Prætor vocaretur urbanus, principemq; locū inter Prætores obtineret. Illud est animaduertendum præterea Consules, quod & Reges ante facitauerant, cum ab vr̄be proficiscerentur præficere aliquem solitos, qui curā gereret ciuitatis, quam consuetudinem sustulit prætura; nam absentibus Coss. Prætor urbanus & iura

populo

populo dicebat, & Senatum habebat, & Consularia obibat munia, erat enim eisdem auspiciis, quibus bus Consules creatus, & Consulum prope collega, quibus etiam auspiciis ceteri Prætores renuntiabantur. Plures enim Prætores creati fuere, quod paulo uidebitur infra. Sed Prætor urbanus, de quo verba fiunt Apollini ludos faciebat magno apparatu quotannis, quos plerique putant valetudinis ergo uotos, factosque fuisse. Liuius belli causa institutos contendit urente Italiam Annibale. Vaticinio Martiorum fratrum, Sibyllaque accepto oraculo. carmen ipsum Martiorum propter uetustatis frasm apponendum putauimus. Hostes Romani si expellere uultis, vomicaque, quæ gentium venit longe, Apollini uouendos censeo ludos, qui quotannis comiter Appollini fiant, cum populus dederit de publico partem, priuati uti conferant pro se, suisque. His ludis faciendis præerit prætor is, qui ius populo, plebiq; dabit summum. Decemuirii Græco ritu hostiis sacra faciant. Hæc si rectè faxitis, gaudebitis semper, fietque res uestra melior, nam is Deus extinguet perduelles uestros, qui uestros campos pascit placide, ex Liuiio ab urbe cōdita quinto, & trigesimo. eos ludos præsentēs celebrabant prætores, quippe qui præerant, nec legisse memini absentem aliquem præfuisse præter unum M. Brutum, qui princeps in Cæsarem coniurauerat,

is cum

is cum propter seditiones ab Antonio Consule motas prohiberetur urbe, ludos tamen fecit apparatusimos, & de Prætorē quidem urbano tot sint nobis dicta.

EXCURSIO XIII.

POST aliquot deinde annos non sufficiente eo Prætorē, quod multa turba etiam peregrinorum in ciuitatem ueniret, creatus est & alius Prætor, qui peregrinus appellatus est ab eo, quod plerunque inter peregrinos ius reddebat.

VNICVM aliquandiu constat urbem Romam Prætorē habuisse; sed cum aduenis abūdare cœpisset ciuitas, quibus & ius quoq; dicendum erat aliquando. alterū placuit creari Prætorē, qui peregrinis iura daret. Et quoniam aut inter se peregrini certabant, aut cum ciuibus Romanis, aut ciues Romani cum peregrinis: vnus, idemq; Prætor ius dicebat tam inter peregrinos, quam inter ciues, & peregrinos. Itaq; frequentissimē Liuius hanc ipsam iurisdictionem, inter ciues, & peregrinos appellat; Et sane nunquam Romæ defuisse videntur hospites; Nec mirari quenquam decet, in ea urbe, quæ peregrinis creuerat. Itaque in duodecim tabulis mentio facta est peregrinorum, quos ut ait Cicero officiorum primo; hostes veteres nōminauerunt, quo postea nōmine

V mine

mine perduelles, qui contra nos arma ferunt, sunt nūcupati. Est igitur in duodecim tabulis status dies cum hoste, & iterum cum hoste, æterna autoritas. Aucta tamen multitudine visum est alterum (ut dicebamus) Prætorem iuri dicundo creari. Illud oportet intelligi, peregrini Prætoris sortem ita fuisse plerūq; S. C. definitā, ut ius diceret inter peregrinos, vel ires, quo Senatus censuisset; cuius opera cū Senatus extra urbem vteretur, utraq; iurisdictionem Prætor urbanus habebat; quod sanè non dubitabitur Romana monimenta vel leuissimè percurrenti. Et de peregrino quidem Prætoris satis.

EXCURSIO XIX. *De iurisdictione Prætoris peregrini.*

DEINDE cum esset necessarius magistratus, qui hæstæ præfesset Centumviri litibus iudicandis constitui sunt.

ETSI Ceterum viros supra quoq; explanauimus, non tamen ab re fore existimamus pauca ad hæstam pertinentia memorare. Vel publicè vendebantur res apud veteres, vel priuatim. priuatim quidem cum quæ sua erant homines auctionabatur, quod plerunq; fiebat in atriis auctionariis, quorum meminit Cicero in oratione, quam habuit in Senatu Kal. Ian. aduersus Rullum Tribunum pleb. de lege agraria.

Auctio-

Auctionabantur etiam in triuiis eodem teste. Erat & altera priuata venditio, cum eius bona, qui uadimonium deferuisset, xxx. dies ex edicto Prætoris possessa vendebantur, & si quidem plures erant creditores, bonis unus præficebatur vendundis, quem Magistrum dictabant. Et sane edictum Prætoris, ex quo bona possessa triginta dies vendebantur, totidē verbis exponit Cicero in oratione, quæ Quintio patrocinator. Magistri autem venditionis ad Atticum libro primo his sermē uerbis. Quem putabant magistrum fore si bona uenirent. Publice etiam vendebantur aut res mulctatitæ nam (ut Gellius scriptum reliquit) ouibus, & bobus mulctæ dicebantur. Vendebantur etiam publice bona publicata, ut Sp. Melius, qui affectati Regni suspitione periit, cuius bona Quintius Cincinnatus Dictator publicauit. Vendebantur etiam eorum bona, qui repetundarum damnati soluendo non erant, quanti lites extimatae fuerant, qua lege Asiatici Scipionis eius, qui Antiochū deuicit, bona uenerunt. Ad hæc prædæ ex hostibus captae uenibāt, quod vel militibus diuidendum, vel in ararium referendum erat; quam pecuniam Gellius putat Manubias veteres dictasse, fretus autoritate Ciceronis in oratione de lege Agraria in Rullam, in Senatu habita, quæ sunt huiusmodi. Prædam, Manubias, Sectionem, Castra deniq; Cn. Pompeii se

dente Imperatore Decemviri vendent. Et paulo infra. Ex præda, ex manubiis, ex auro coronario. unde sanè patet nō idem esse manubias, & prædam, quod pleriq; falso putarunt. Illud hoc loco Gellius ostendit, vendendarum prædarum curā olim penès Quæstores fuisse, Imperatores postea præfectum ærarii sustituisse Quæstoribus. Et quoniam in publicatione bonorum, aliisq; vrbanis venditionibus, lites plerunq; oriebantur, litibus iudicandis Cētumviri sunt constituti, vt Pomponii verba significare videntur. Verum de maximis quoq; hæreditatibus Centumviri iudicare sunt soliti, cuiusmodi Curiana fuit causa, quam Cicero primo Dialogo de Oratore perscribit, & in omni ferè versabantur iure civili. difficile tamen est id, quod sæpe testamur res tanta obrutas vetustate ad viuum rescare, quare transibimus ad cætera.

EXCVRSION. XV.

CONSTITVTI sunt eodem tempore & Quatuorviri, qui curam viarum ugerent, & Triumviri monetales, æris, argenti, auri flatores, & Triumviri capitales, qui carceris custodiam haberent, ut cum animaduerti oporteret interuentu eorum fieret. Et quia magistratus uespertinis temporibus in publicum esse inconueniens erat, Quinqueviri constituti sunt cis Tiberim, & ultis Tiberim, qui possent magistratibus fungi.

VIARVM

V IARVM curam sternendarum, tuendarumq;
 Aedilia fuisse pleriq; putarūt, etenim & vias
 Aediles curabant, & præcium rebus vëdundis, quæ
 ad esum maximè pertinet statuebant, quod in Aedi-
 libus dictum est latius. Postea verò hæc fortè cura
 proprio visa est egere magistratu, ideoq; quatuor vi-
 ri instituti à Pomponio tradūtur Curatores, siue ma-
 gistri viarum. Addit præterea Iurecōsultus, tres crea-
 tos esse viros, qui monetales sunt appellati, à nu-
 mis videlicet cudendis, atq; conflandis, quo loco sci-
 re licet, apud Romanos serò admodum aurum, argē-
 tumq; in usum pecuniæ venisse. Docet hoc Liuius,
 qui Veienti bello, quo tempore, æra cœpta sunt mi-
 litibus publice dari in tributo pēdendo, æs graue in
 ærarium aduectum esse, quod nondum signatum es-
 set argentum. Docet & Gellius, qui Aterina lege asti-
 matas ait multas, ouem scilicet æris denis, bouem
 centenis; veteres. n. maiores, minoresvæ multas di-
 cere consueuerunt, maiores duarum ouium, trigin-
 ta boui ab eodem traduntur Gellio, minores quis
 vnius. Sunt qui decem adiiciant boues; sunt etiam
 qui tantum quinq; dicant; maxima pars nullum ap-
 ponit. Vnde coniectare quidem possumus boū co-
 piam ingentē, in Italia quodam fuisse. Itaq; Timæus
 historicus à bouum copia, dictam Italiam putat: bo-
 ues. n. à veteribus Græcis *ιταλῆς* vocabantur. Quan-
 quam

quam frequentior fama est ab Italo Rege Italiam nūcupatam. Quod etiam Vergilius asserit his versibus.

Est locus Experiam Grai cognomine dicunt.

Terra antiqua, potens armis, atq; ubere glebie.

Oenotri coluere uini, nunc fama minores.

Itaque dixisse Ducis de nomine gentem.

SEU ad pecuniam reuertamus. Numum Romani veteres boue signabāt, & nauis bouem quidem, vel propter arandi studium, colendorūq; agrorum, quod maximū apud Romanos veteres constat fuisse quod cognomina ipsa Pisonum, Fabiorum, Scarnorumq; delcarant, vel propter abundantiam, de qua paulo supra dicebamus. Nauim ferunt appositam propter honore Saturni, quem nauis appulsum in Italiam ferunt, hospitioq; a Iano, qui tum in Latia regnabat acceptū. vnde, & Latium appellatum tradunt quod ibi latuerit Saturnus, celebranturq; Saturnia regna Italis gentibus, quo tempore nemo furtum fecerit apud Latium, nemo seruitutē seruierit. Vnde Virgilius.

Iam redit, & uirgo, redeunt Saturnia Regna,

Iam noua progenies caelo demittitur alto.

Saturni in Italiam aduentum, in eiusq; honorem numum excussum significat primo factorum Ouidius hisce uersibus.

Multa

Multa quidem didici: sed cur naualis in ere

Alter a signata est, altera forma biceps?

Noscere me duplici posses in imagine, dixit,

Ni uetus ipsa dies extenuasset opus:

Causa ratis superest: Tuscum rate uenit ad annem

Ante pererrato falcifer orbe Deus.

Hac ego Saturnum memini tellure receptum:

Calibus regnis ab Ioue pulsus erat.

Inde diu genti mansit Saturnia nomen:

Dicta quoque est Latium terra latente Deo.

At bona posteritas puppum sermauit in ere,

Hospitum aduentum testificata Dei.

Sed de numis haec tenus. Adduntur Triumuii capitales, quorum meminit, in Catilina Salustius, quibus credita cura carceris erat, qui videntur eam vim habuisse, quam apud Athenienses Vndecimuiri, sine quibus supplicium summi non poterat. Præter hos Quinquuiri ponuntur nocturni, qui ne Magistratus se nocti committerent, videntur esse creati, non, n. decebat publicam maiestatem noctis colluuii misceri; hos tamen Tresuiros Liuius tradit, appellatque nocturnos, potuerunt tamen augeri, & ad quinque redigi. nec tamen exploratum est, quinque eis Tiberim, totidem ultra curarint, an vtramque partem quinque hominum diligentie mandatam esse credere deceat, historiarum rerum confusis. Sed iam nos ad se cætera uocant.

EXCVR-

EXCURSIO. XVI.

CAPTA deinde Sardinia, mox Sicilia, item Hispania, deinde Narbonensi Prouincia, totidem Prætores, quos prouinciæ in ditiones uenerant, creati sunt, partim qui urbanis rebus, partim qui prouincialibus præessent.

EXPOSITVM supra fuit Consulares quasdam institutas esse prouincias, quas Consules, Proconsulesque obtinerent. Prætorias alias, quibus præsidere Prætores. Nunc eò ventum est, ut cum supra duos Prætores Urbanum, Peregrinumque dixerimus esse creatos, ad prouinciarum Prætores sermo redeat, quæ causa fuit augendi Prætorum numerum, & primo quidem bello Punico Siciliam inde pulsas Carthaginensibus, prouinciarum omnium primam adiecit Populus Ro. imperio, non tamen uniuersam; bonam enim eius prouinciæ partem Rex Syracusanorum Hiero tenebat. Sardiniam quoque eisdem temporibus, vel aliquanto post adepti sunt; duo igitur aucti Prætores, alter qui Sicilia præesset. Alter uero Sardinia. Bello autem secundo punico captis à Marcello Syracusis, omnis in dictionem populi Ro. Sicilia concessit, duobusque imperiis, primis temporibus administrata est. quietioribus deinde rebus, tranquilliorque Rep. uniuersam Siciliam Prætor unus obtinuit.

auit. Eodem deinde bello secundo punico Hispaniis
pulsi sunt Pœni Scipionis eius opera, qui deuictio An-
nibale, superataq; Cartagine superior dictus est Afri-
canus. Hispaniam igitur in citeriorem, atque ulterio-
rem diuisere Romani, Ibero flumine distinguente.
Itaque utranq; prouinciam proprio rexerunt impe-
rio, ita sex Prætores creati primum Tito Quintio
Flamminio; Sex. Aelio Peto Coss. quorum magistra-
tus incidit in Consulatum Cn. Cornelii Cetegi, &
Q. Minutii Ruffi. Præter duas prouincias urbanas
quatuor Prætorie factæ Sicilia, Sardinia, cum duab.
Hispaniis. Post etiam, & in Narbonensem prouin-
ciam, & in Macedoniam, & in Asiam, deletta etiam
Cartagine, superatisq; Numidis, & eorum Rege lu-
gurta, in Africâ quoq; missi sunt Prætores. Ita quem-
admodum augebatur imperium, Prætorum quoq;
numerus auctus est, oportuit enim nullam omnino
prouinciam rectore vacare.

EXCURSIONE XVIII.

DEINDE Cornelius Sylla quæstiones publicas constituit
ueluti de falso, de parricidio, de sicariis, de iniuriis & Præ-
tores quatuor adiecit. Deinde C. Iulius Cæsar duos Prætores, &
duos Aediles, qui frumento præessent, à Cerere Cereales con-
stituit. Ita duodecim Prætores, sex Aediles sunt creati.

X deinde

deinde Augustus sedecim Prætores constituit. Post deinde di-
 nus Claudius duos Prætores adiecit, qui de fidei commissio ius di-
 cerent, ex quibus unum diuus Titus detraxit, & adiecit diuus
 Nerva, qui inter fisci, & privatos ius diceret, ita decem, & octo
 Prætores in civitate ius dicunt, & hæc omnia quoties in Repub.
 sunt magistratus observantur. Quoties autem proficiscuntur,
 unus relinquitur, qui ius dicat, is vocatur præfectus urbi, qui præ-
 fectus olim constituebatur, postea serè Latinarum feriarum cau-
 sa introductus est, & quot annis observantur. Sanè Præfectus an-
 none, & vigiliis quanquam non sunt magistratus, sed extra or-
 dinem utilitatis causa constituti, tamen hi, quos cas Tyberum dixi-
 mus, postea Aediles, S. C. creabantur, ergo ex his omnibus de-
 cem Tribuni plebis, Consules duo, decem & octo Prætores, sex
 Aediles in civitate iura reddebant.

PROLIXVS admodum exoritur sermo, qui non
 facile explicari posse videatur, contrahemus ta-
 men vela, & quam licuerit paucissimis omnem di-
 sputationem claudemus. Ait igitur Pomponius Cor-
 nelium Syllam *questiones* publicas instituisse; quod
 verum ne sit, an secus diligentius est inspiciendum.
 Sed ut res facilius intelligatur pronunciatorum natu-
 ra quas nostri vocant propositiones est aperienda. Di-
 cimus igitur enuntiatum, quod affirmando, vel contra-
 negando, verum, falsumve significat, quorum alia uni-
 uersa, quæ terminis cōcluduntur exponūt, ut si homi-

nes

nes vniuersos legibus subiici, vel magistratibus parere dixerim oportere. Alia partem aliquam continet, vt si dixerò aliquā legem veteribus abrogatā. Tertia indefinita dicuntur, q̃ nec vniuersū, nec partē aperte significat. Quartus locus earum enunciationū est, quæ ad singulos referuntur, vt si dixerò Syllam recupērata Rep. crudelissimē victoriam exercuisse. Videamus igitur qua nam ratione Pomponii enunciationem finis exposituri, nam vel indefinitam eam volumus, vel singularem, vt his nominibus vtar, quibus vtitur vulgò nostrates. Si indefinitam dicemus quæstiones publicas a Sylla Cornelio institutas fuisse, & sanè sic est intelligenda, vt indefinitè legatur enuntiatio. Nam quod nostri subiectum appellant, nomine cēsetur quæstionum. Scrutemur itaq; si placeat indefinitarum naturam propositionum, & sanè Aphrodisiensis Alexander, quem ceteri Græci sequuntur. In cōmentariis, quos in libros ædidit de syllogismo, variare indefinitas scriptum reliquit propositiones. Nam cum tria rerum genera Dialectici statuunt, appellantq; materias necessariam contingentem, & eorū quæ fieri nequeunt, in necessariis quidem nihil interest vtrum indefinite proferas, an in vniuersum; idem. n. est dicere, mortalem esse hominem; & omnem hominem esse mortalem; quæ ratio intelligitur etiam in iis, quæ fieri nequeunt, distin-

guntur tamen vero, ac falsi; non enim magis falsum dixeris, si volare protuleris hominem, quam si asseueraueris vniuersos volare mortales. In cōtingentibus autem indefinita locum eius obtinet; quæ pronuntiatur in parte, nihil enim differt hominem, an quendam hominem currere dicas, quæ certè propositionum lex indefinitarum enunciando seruatur. Nam in syllogismo posite eas, quæ sunt in parte sequuntur, videntur tamen ætatis nostræ Jurisperiti indefinitas loco vniuersalium plurimū accipere, vt si lex dicat, sacra ritu patrio faciunto, perinde censetur, ac si omnia sacra ritu patrio iubeat facienda. Nunc ad Pomponianā redeamus propositionem. Si, in quæstiones omnes publicas a Sylla tradit institutas, apertissimè fallitur, sin aliquot fortè nō decipitur. Cui n. persuaderi possit tot ante Syllam Dictatorem secula publicis quæstionibus Populū caruisse Ro. nihil est tamen opus coniectura, rem claram venari. Dicat obsecro Pomponius, vel qui partes tueri Pomponii volunt M. nē Manlius Capitolinus publica quæstione, an priuata fuerit interrogatus, cum Regni affectati condemnatus crimine, de Tarpeia deiectus fuit rupe? quid? Cæso Quintius Cincinnatus F. & cædis, & maiestatis eodem tempore reus, non publica interrogabatur quæstione? quem publicè vadarum omnium primū asserit Romæ Liuius. Nam de veneficio

eio etiam Romæ quæsitum publice constat, cum. n.
 Ciuitatis primores incertis, atq; occultis morbis in-
 terirent cõpertum est ancillæ cuiusdam indicio, ve-
 uena coquere matronas, quibus viri cõficiabantur,
 Itaq; & poto veneno ad viginti in foro periere ma-
 tronæ, centum damnatæ sunt, eoq; tempore primû,
 quemadmodum dicebam de ueneficiis Romæ quæ-
 situm. Et quia mentes hominum furore captæ crede-
 bantur clauus à Dictatore fixus est, ad id ipsum crea-
 to, quæ omnia aliquot ante Syllam ætates, vel po-
 tius secula cõstat esse gesta, vnde palàm est non om-
 nibus quæstionibus publicis initium dedisse Syllam,
 Videamus nunc si placet, an eas ipsas quæstiones,
 quas scribit Pomponius Sylla confecerit. Et de falso
 quidem quo tempore queri cõptum fuerit non est
 exploratum, falsum testem Volscium quædam pri-
 mum Romæ condemnatû in quibusdam græcis an-
 nalibus est memoriæ proditum, Et sanè scribarum
 cura, tabularumq; mandata Censoribus, vt in censu-
 ra diximus, ostendit aliquam eo iam tempore falsi
 delituisse suspicionem, Quod ad parricidium atti-
 net Ciceronem habemus authorem, eam non a Syl-
 la institutam fuisse quæstionem, qui cum regnante
 Sylla Sex. Roscium Amerinum paternæ cædis reum
 defenderit contra opes, potentiamq; Chrisogoni
 Syllæ liberi, eam quæstionem à Sylla nunquam re-
 per-

pertā meminit, quod certè non prætermisisset si modo Syllæ potuisset adulari. Contra Solonē reprehendit, quòd nulla lege parricidium puniendū sanxisset, rogatusq; cur de parricidio legē non tulisset, responderat, non putasse tantā homines immanitatē, feritatemq; suscipere posse, eos vt necarēt, à quibus ipsi lucem acceperissent. Laudat igitur veteres Romanos Cicerò, qui tantū, tanq; horrèdum facinus legibus vindicandum, acerrimisq; censuerūt suppliciis, nec sibi persuaserūt, aliquod esse tā graue scelus, quò mortaliū, non penetraret nequitia. qua in re mihi certè cōstare videtur M. Cic. sua gloria Syllam fraudaturum nō fuisse, si modo uerè potuisset. Nec de iniuriis quidem Syllam instituisse crediderim, cum duodecim tabularum legibus, vindicentur iniuriæ. eisdē fèrmè pœnis, quibus à Solone. Inter sicarios quæstionē nō omnino negauerim constitutam à Sylla fuisse, nullo nāq; tēpore plures Romæ Sicæ, perq; omnē Italiā vibratæ sunt. Illud sine controuersia Pōponio concesserim, quomā omnia flagitia Sylla dominante vigerint, quæstiones veteres nouis legibus, & fortè accuratius illum confirmasse, indeq; nomen institutoris, conditorisq; traxisse. Illud certè Syllæ videtur institutum, vt certi Prætores quæstionibus certis præesset. vnde ad sex illos, qui creari cōsueuerant, quatuor dicitur addidisse, quibus Dictator Cæsar duos cū totidem

dem ædilibus addidit, qui quoniam, rei frumentariæ præerant Cereales à Cerere sunt appellati. Augustû uerò quatuor addidisse ferût, nec causa traditur, credi tamē par est causerû, litiû turbâ orbe terrarû confluēte Româ, in causâ fuisse, vt animû adiiceret Imperator nouis Prætoribus creâdis. Duos à Claudio tradit adiectos, qui de fideicômmissis iudicarent. Et quoniâ ad fideicômmissa uentû est, non ab re fuerit pauca dicere, quæ in fideicômmissis animaduersione digna vidētur. Iam igitur primû omnîû cum apud veteres in publicâ curâ non venerint fideicômmissa, Augusto imperante primû publicam promeruere curam. Iussis ab Imperatore Coss. autoritatē interponere Cōsularem, vel hominû gratia moto, vel quod p ipsius salutē iuratû esset, vel certē rogatus is, cuius fidei cōmitteretur hæreditas, vel ob quorundâ insignē perfidiâ, vt legimus inst. de fideicômmissariis hæreditatibus initio tit. vbi mirari quidâ solēt cur propriâ nō adiecerit imperator autoritatem, sed Coss. mandarit, in qua re nihil est quod pro certo possit affirmari, nisi forte quis dixerit hunc honorem Coss. habere principem voluisse, nōdum penitus oblitterata Cōsularis imperii memoria. In tantam uerò dignationē post fideicômmissa venerunt, vt omibus modis æquarētur legatis; qui mihi locus sanè videtur difficilis, nam l. ff. de lega. i. Vlpiani nomine fertur, æquari legatis fidei
commissa

commissa. Fuit autem Vlpianus molto ante Iustinia-
 num principem, qui tamen gloriatur constituisse vt
 legatis æquarentur fideicommissa inst. eadem, & C.
 communia delegatis l. 2. Ex his autem prætoribus,
 quos, ut de fidei cõmissis iudicaret Claudius crea-
 uerat, alterum detraxit Titus, existimans videlicet
 ea iudicia, quæ ad fideicommissa pertinerent Præto-
 rem unum sustinere posse. hic est ille Titus Vespasia-
 no genitus, amor, & delitiæ generis humani. Sed ad
 Prætores. Nerua Prætores adiecit, qui de iis causis
 iudicaret, quæ inter fiscum, & priuatos inciderent,
 id est inter priuatos, & Imperatorem. Ita quem Præ-
 torem Titus detraxerat, restituit Nerua, licet non ad
 eadem iudicia. Enumerat omnes in urbe magistra-
 tus Pomponius, quos hætenus exposuerat, aitq; quo-
 ties ab urbe magistratus discederent, rerum omniũ
 summam, penes præfectum urbi fuisse. Difficile qui-
 dem dictu est, eodem tempore magistratus omnes
 urbẽ deferere voluisse, quod nè tum quidem factum
 constat, cum Pompeius Italia profugit, quem sequu-
 ti sunt Coss. maxima cum parte Senatus. Illud etiam
 videtur durius præfectum urbi cæteris magistrati-
 bus præsentibus ius non dixisse, quod credere possi-
 sit aliquis Pomponium dicere voluisse, sit tamen po-
 tius Pomponii sententiam interpretari, vt præsentibus
 magistratibus suo tantum munere fungeretur,
 absenti-

absentibus omnium. Quanquam (vt dicebam) difficile admodū est magistratus omnes ab vrbe simul abesse; sed præfectum vrbi diligentius exploremus. Constat sub Regibus hunc magistratū fuisse, quam rem etiā in superioribus memorauimus, vt quoties ab vrbe Rex abesset, regia præfectus obiret munia, concipitq; eorū nomina Tacitus, qui à diuersis Regibus vrbi præfecti fuerunt: libera quoq; Roma ante Præturam institutam, cum ambo Coss. vrbe cesserant bellis impliciti, præfectum relinquebant, qui vrbi, quiq; Senatui præsideret. Itaq; cū Tribuni pleb. Consulibus absentibus legem deminuēdo Cōsulari imperio ferre pararēt, quam alio expressimus loco. Fabius vrbi præfectus in eos cohortus, coegit actionem in Consulū aduentum differre. Principes deinde præfectis vrbi sunt vsi, quibus & multorum, magnorumq; iudiciorum exercendorum potestatem dederunt, & Latinis feriis præsidere voluerunt, quod munus vrbe libera Consulū fuit. Sed mihi videntur consulto Principes Consularem minuisse dignitatem, vt vis minor inesset summo magistratui Libertatis aliquando repetendæ. Et quoniā latinæ feriæ nobis occurrunt, non fuerit ab re paucis earum illustrare rationem, cum præsertim meminerit Iureconsultus. Templum Latialis fuit Iouis in montis albanī cacumine Latio vniuerso & sacrum & cō-

Y mune,

mune, vbi ritu patrio quotannis sacra fiebant: Alba verò diruta, translatisq; Romam Albanis, quasi loci fortuna mutata, ea sacra sunt omnino relictæ, donec lapidibus pluuisse in monte creditum est, auditamq; vocem, quæ iuberet Albanos more patrio sacra facere. Inde institutum est, vt ea sacra quotannis fierent, carnesq; hostiarum acciperent Latini populi, quibus id sacrum commune fuerat. Itaq; si quis populus nō acceperat, instaurabantur feriæ, ea tamen lege, vt si sua culpa carnes populus non accepisset, hostias feriis instaurandis præberet, habet tamen difficultatis aliquantum, quis Regum temporibus Latinis feriis præferat; Nam Tullo Hostilio regnante ea sacra sunt coepta; etenim si Rex ipse peragebat, ad Regem sacrificulum regibus exactis spectare videbantur, ad quem omnia sacra Regiæ vicis erant delata. Post par tam etiam libertatē, dum inter Romanos, Latinosq; bellatum est, quonā pacto in hostilibus odiis conueniebatur? hæc vt incerta, & ipsis vetustatis tenebris inuoluta valere sinimus. Certè Latinæ per Consules factitabantur, lætentibus hostiis, vt in secvdo Cōsultu apud Ciceronem canit Vrania. Edicebantur autem à Coss. incertum diem, propterea quod statum tempus præstitutum non erat. Volunt quidam hæc sacrificia nocte fieri consueſſe. Crediderim matronas quoq; seorsum sacrificare solitas, motus Cicero-
nis

nis autoritate ad Atticum in hæc fermè verba scri-
 bentis. Auiam tuam scito desiderio tui mortuam ef-
 se, & simul quòd veritas sit, nè Latinæ in officio non
 manerent, & hostias in montem Albanum non affer-
 rent. Denis diebus Latinas ferias celebrari solitas fer-
 mè omnes testantur, placet nonnullis carminibus Si
 byllinis ferias institutas esse Latinas, sunt qui auruspi-
 cum responso, nobis quidem superior magis senten-
 tiam probatur, yt Albani montis prodigio sint cœ-
 ptæ. nos tamē ad præfectum urbi reuertamus, cuius
 autoritas ternis legibus declaratur, quæ tit. de offi-
 cio præfecti vrbi. ff. perscribuntur. Illud tamē non fa-
 tis explicatū uidetur, quod Vlpianus initio legis pri-
 mæ asserit præfectum vrbi de omnibus criminibus
 cognoscere, non solum quæ in vrbe, sed quæ per
 uniuersam patrentur Italiam, post paulò eadem. l. 5.
 Initio eiusdem significat præfecti vrbi potestatem
 centesimo lapide terminari, uiderint hoc tamen, qui
 legem legi non repugnare tradunt. Facilius. n. tue-
 buntur eiusdem verbis legis nihil omnino contine-
 ri diuersum; nos ad reliqua transibimus. Præfectum
 vigilum, & annonæ magistratus esse non censet Pom-
 ponius, sed extra ordinem creati solitos. Illud miror,
 qua ratione legum vel cumulatores, vel compilato-
 res titulum præfecto vigilum inter magistratus pro-
 prium dicarint, siquidem non est magistratus. Sed

nos pauca vsurpemus, quemadmodum in cæteris. Præfectum vigilum nocturnis substitutum Triumui-
 ris Paulus ait initio l. primæ. ff. de officio Præfecti ui-
 gilum; libet hoc loco controuersiam exponere in-
 ter Paulum, atq; Pomponium. Paulus. n. ait hac ipsa l.
 Aediles, Tribunosq; pleb. incendiis arcendis interes-
 se nonnunquam solitos; retulit supra Pomponius,
 magistratibus non licuisse noctu in publico cerni,
 ob eamq; rem nocturnum adhibitum magistratum;
 qui pro cæteris magistratibus esset. Scio loca quoq;
 iuris assertores inter se collaturos, sed certè si verba
 respiciantur, neq; occulta reuelètur mysteria nemo
 negauerit alterutrum fuisse deceptum. Diuus Augu-
 stus septem cohortes vigilum esse iussit, vt quoniam
 vrbs quatuordecim regionibus distingueretur, præ-
 essent singulæ binis, quas quidem regiones discretas
 Tacitus credit post illud incēdium, siue fortuitum,
 siue dedita opera ab Imperatore fuerit iniectū, quo
 sub Nerone omnis ferè Roma conflagrauit. verius
 tamen est multo ante Neronis tempora in regiones
 xiiii. Romam fuisse diuisam, vel ab Augusto, vt vul-
 gò creditur, vel à quouis alio. Addidit idem Augu-
 stus totidem Tribunos, omnibusq; vigilum Præfe-
 ctum voluit esse superiorem, vt l. Nam salutem. ff. eo-
 dem, ipso legis initio. sint nobis de vigilum Præfe-
 cto tot dicta, ad Præfectum annonæ veniamus, cuius

rei

rei variam olim fuisse rationem memoriae proditum est. nam Quaestores, & Coss. annonam curasse traduntur, unde L. Saturninum popularem factum scriptum reliquit Cic. quod frumentariam curam sibi Quaestori Senatus ademerit. Proprius aliquando creatus fuit magistratus, ut Minutius apud Livium, qui Mellianam indicavit Senatui coniurationem, & postremo Cn. Pompeius, cui omnes frumentarias provincias, omne scilicet imperium S.P.Q.R. credidit. Aedilium quoque, ex parte cura fuit, qui publicum frumentum & vendere, & diuidere consueverunt. satis Principibus visum est Praefectum constituere, qui curaret annonam, & urbano victui consuleret. Quam curam optime PROLEGATE tu ipse gessisti, unde maxima tibi mortalium multitudo vitam debere fatetur, qui non modo tui muneris esse putasti gubernare BONONIAM, nisi ab inferis maximam civium partem, vel ipsa famis expectatione consumptam excitasses. Quare Deus Opt. Max. tuam pietatem respexit, copiosamque, id quod tibi gratulamur, & nobis, annonam populis tribuit, quam volumus gratulationem secundo volumini finem imponere, & feliciter auspiciari tertium.

FINIS SECVNDI LIBRI.

IN LIBRVM III. CATALEXEOS IN

LEGEM II. DE ORIGINE IVRIS,

PROOEMIUM.



ADERITEM illum Prothagorā Physici Democriti discipulum opinatum memoria proditum est, quæ sensu perciperentur uerè quemadmodum sensu probaretur esse. Hic est Prothagoras ille, qui cum se palam Sophistā proficeretur, quod ueterum ausus nemo fuerat, tatum auri cumulauit, ut auream sibi statuam apud Delphos posuisse dicatur, cuius ego sententiam hominis interdum ueram esse cuperem, maximis enim laboribus, maximo querendi ueri desiderio, me sanè leuaret. Verum Deus ille Opt. Max. quem omnia credi par est summo gessisse consilio; nihil homini contingere sine studio, sine labore uoluit, uirtutemq; sudore, uigiliis, erumnisq; plurimis parari præcepit, uerumq; quod hominis natura maxime uidetur esse consentaneum, caligine texit, ut cum iam tenere te putes, euoles, suq; tibi denuò non minore quam antè cura uestigandum. Neque diuinum hoc factum inuidia generis nostri accipiendum est, nihil enim à Deo est alienum, & mortales quidem amant amplectunturq; superi, sed hominum superbia, atque temeritati obuiam itum est, qui si uerum ex templo non uisissent, quibus sunt ingenis, quaq; audacia nihil acceptum omnino numini retulissent, nullam habuissent gratiam, suo uidelicet Marte, quicquid haberent boni se consequutos existimantes. qua

ne

ne fraude gentes humanae perirent æquantes se diuis, ut quodam
 pars cælium creditur internisse, consulto uerū occultatum est, ut
 uel in uita non inueniretur, uel cerē uix inueniretur. Fuerunt. n.
 qui adeo uerum à nobis, nostrorumq; animorum acie remotum
 statuerint, ut nulli penitus rei assentiendum esse contenderent, ni-
 hil omnino sciri posse confirmarent, credibile tamen uidetur ali-
 quid nobis diuina relictū benignitate, quòd scire, quodq; uerè nos-
 se possemus, non tamā sine labore grauisimo. Quæret aliquis for-
 san quid sibi oratio uelit tā alte de uero, uel querendo, uel inueniē-
 do repetita? hoc nimirum ut intelligatur me non mihi tantum ar-
 rogare, ut non posse me falli mihi persuadeam, etenim homo sum,
 nec humani quicquam alienum à me puto. Quare si uel hoc uolu-
 mine, uel superioribus minus accurate perscriptum lector prudēs
 cognouerit, humanitatis uitio tribuat, benignē corrigit potiusquā
 detrahat, et se quoque decipi posse moneat. quanquam non sa-
 tis scio an hoc, quod peto sim impetraturus, tribus enim uel acer-
 rimis uiciis ætas nostra laborat, amore sui, ambitione, alienorūq;
 bonorum inuidia, quorum mihi malorum, qui rerum potiuntur in
 causa potissimum esse uidentur. Quidam enim ingenia deferunt,
 uel potius deprimunt, atque proturbant. Vulgi rumorem sequun-
 tur alii, eosq; iudicant peritissimos, quos misera maxime, ieiunaq;
 admiratur plebecula. Sunt etiam qui aliorum gratia metiantur
 ingenia, illisq; faueant, quorum uidelicet causa maioribus possint
 gratificari, mercedem scilicet expectantes. Accedit quòd uirtus
 in precio non est, nam uel iure, uel iniuria meis omnia bona cu-
 pio, nec interest alieno detraham decori honorem, gloriamq; alio-
 rum

rum peruertant, an secus. His moribus eò malorum uentum est,
ut ludibrio sit uirtus, flagitia regnent, certiq; homines eorum ca-
num exemplo, qui custodiendis mapalibus sunt destinati, procul
latrent, clam, atque ex insidiis mordeant, pauci admodum hisce-
re coram audeant, ne lapidibus uertantur infugam. Itaque in tan-
ta uitæ puerisitate, tantisq; erroribus quid mihi sit obtinendum
ignoro, orabo tamen, atque obestabor, ut à me ratio dictorum pe-
tatur, mecum sine contumelia qui dissenferit congregiatur. Ego
enim uel rationibus uincam, uel uictus cedam, atq; succumbam,
pariterq; & uictor, & superatus gaudebo. Nam uel ipsa
me delectabit uictoria, uel uicto profecisse, dudi-
cisseq; solatio fuerit. Sed iam ad rem ipsam
est accedendum, & quod ostenden-
de gratie ceptum est ani-
mo aliquando con-
ficiendum.



Catalexeos in l. secundam

DE ORIGINE IVRIS LIB. III.

EXCURSIO I.



IVRIS civilis sciētiam plurimi, & maximi uiri professi sunt, sed qui maxime dignationis apud populum Romanum fuerunt, eorum in presentia mentio habenda est, ut appareat à quibus hæc iura orta, & tradita sint.

DELECTVM in rebus omnibus habere, modumq; nosse, quem semper teneas, quemq; sequaris absolutissimæ cuiusdam uidetur prudentiæ, eiusq; quem uel Socrate, uel Diogene præsentibus audeas hominem meritò nuncupare. est .n. magna iudicii uis in utranq; partem, ut neque corrupto peius, nec præstantius integro reperias: Falluntur homines altero, decipiuntur, errant; altero numinis exemplaria fiunt. Verum, bonum, honestum, utile pariter meditantur, disciplinas assequuntur, excolunt animos, fiuntq; pulcherrimi. Hunc igitur delectum nobis pollicetur Pomponius iureconsulto- rum successorem explicaturus. hac in parte nō imitaturus Ciceronem, qui in claris Oratoribus numerandis, se ipsum reprehendit, quòd tabulas, quòdq;
Z decla-

declamatores memoret, sed ille quidem talis etiam oratoribus in forensi turba, multitudinēq; causarum conatur ostendere locum etiam fuisse. Hic quibus authoribus iuris prudentia creuerit, se profitetur indicaturum, eosq; dicturum, qui maximæ apud Romanum populum fuerint dignationis. vnde colligendis iureconsultis ipso sibi labore lectoris beneuolentiam parat, reddit attentos legētium animos & utilitate iuris in cunabula cognoscendi, & voluptate. Delectat enim summopere maiorum nomina legere, volentes in ea facultate proficere, quam illi potissimum illustrauerint. Nec dubium est, quin docilis lector efficiatur, siquidem (vt ait Rhetoricum ad C. Herennium author) docilis est is, qui attēte vult audire, ut igitur animos ad legendum alliciat, plurimos, maximosq; uiros ius ciuile Romæ scribit esse professos, sed tamen eos duntaxat traditurum, quos in honore maximo Populus Romanus habuerit, ut iuris origine cognita, magistratibusq; perfectis, intelligatur quibus authoribus ius ciuile sit ortum, & auctum. Etenim magni refert; quibus quæq; res initiis cœperit, sitq; progressa. Sed iam reliqua uideamus.

EXCURSIO II.

ET quidem ex omnibus, qui scriptum nati sunt, ante Typographicarum publicæ professionem neminem traditur,

ceteri autem adhuc vel in latenti ius civile retinere cogitabant solumq; consultatoribus potius, quam discere volentibus se praeabant. Fuit autem in primis peritus Sex. Pappius, qui leges Regias in unum cantulit. ab hoc Ap. Claudius unus ex Decemviris, cuius maximum consilium in duodecim tabulis scribendis fuit. Post hunc Ap. Claudius eiusdem generis maximam scientiam habuit, hic caecus appellatus est, & Appiam viam stravit, & aquam Claudiam induxit, & de Pyrrho in urbem non recipiendo sententiam tulit, hunc etiam actiones scripsisse traditum est, primusq; de usurpationibus, qui liber non exstat. idem Ap. Claudius usu, qui videtur ad hoc processisse. R. licentiam invenit, ut pro Valesio Valerius esset, & pro Fusio Furus. Fuit post eos maxima scientia Sempronius, quem populus Romanus nomine appellavit, nec quisquam ante hunc hoc nomine cognominatus est: sed & C. Scipio Nasica, qui optimus à Senatu appellatus est, cui etiam publica domus in sacra via data est, quò facilius consuli posset.

A PVD veteres quidam, quod pluribus locis testatur Cicero, clari, honoratiq; fuerunt, qui consulendi & curam, & laborem Populo non denegarunt; non solum his temporibus, quibus abditum ius civile paucorum penetralibus condebatur, sed omnibus etiam ætatibus, ut secundum rem militarem, quâ maximè Populus excellebat Romanus, & eloquentiam, quæ florante Roma plurimum valuit,

maximam vim habuerit, qui consulerentur; quamquam eloquentiam serò Romæ cognitam, publicus testatur consensus. Tantum quisq; dicendo proficiebat, quantum valebat ingenio quarendæ sanè potestatis dulcedine, reor diu ius ciuile, quasi communi quodam pacto, vel coniuratione potius eorum, qui tenebant, occultatum fuisse, vt nemo publicè doceret: sed clàm liberos, vel propinquos, vel quos maxime caros haberet institueret ante Titum, siue, vt alii Tyberium Coruncanum, quem primum de plebe Pontificem Max. creatum, est memoriæ proditum. Hic licet ciuilis iuris peritus fuerit, fuit certè Pontificii peritior. Itaq; & apud Ciceronem, & scriptores alios iuris diuini palmam omnibus ætatibus tulit; nec satis compertum est, vtrum propter eximiam diuinarum rerum scientiam, an propter docendi assiduitatem tantum honorè acceperit, vt de plebe primus Maximum obtinuerit Pontificatum, quem ad id tempus septum tenuerant Patritii. Non erit vt mihi videtur incommodum, paucis digredi, & quod apud veteres ius Pontificium fuerit appellatum monstrare. Omnibus gentibus, Populis, nationibus, quibus aliquid modo sit humanitatis, insitum in animis est, esse superum immortale numen, cuius nutu regantur, coalescantq; vniuersa, quod colendum, venerandumq; censent hominibus. certa persuasione du-

Et,

Ati, pietate coli superos, bonaq; omnia largiri mortali-
bus, impietatem diris suppliciis vindicare. Quam
etiam Religionem Populus Ro. à maioribus per ma-
nus traditam, perpetuam, inuiolatamq; seruauit, dū-
taxat nomine miserandus, quòd diuinos honores tri-
buit demonibus, quòd malum incognito nobis Dei
iudicio, multa secula terrarū orbem inuasit. Sed id,
quod agitur expediamus. Cultui superum apud om-
nes gentes sacerdotes præficiebantur, quibus certa
iura constituta erant, quæ sacra diuina, Pontificia vo-
cabantur; nos tamen Romanorum quæ cœpimus iu-
ra tradamus. Quinque rebus igitur Pontificum iura
constabāt; nam & Deorum cultus exponebatur, qui-
bus diebus hostiis, precibus placanda numina forēt.
Vnde & maiores, & minores, & lactentes hostiæ di-
ctæ forte, quòd ab hostibus caperentur primis tem-
poribus hostiæ, victimæ propter victoriam dictæ.
Post hæc recte nè instituti essent Ludi, sacraq; alia, &
quando instauranda forēt Pontificum subiciebatur
decreto. Iam uota, quæ ritæ concepta, nuncupatiue
forent, quæ contra perperam, Pontificum erat iudi-
cium. Præterea sacrarum ædium dedicationes tue-
bantur, verbaq; præibant Pontifices Max. cum dedi-
carentur, quid sacrum, quid prophanium esset statu-
bāt. Postremo vitam, victumq; sacerdotum, mores,
studia, habitum, tum in sacris, tum etiam extra, Ponti-
ficum

ficum iura docebant quæ quidem optimè, ac peritissimè calluisse Corricanus existimatus est, de quo sit hætenus dictum. Laudatur & ille Papyrius, quem leges Regias in vnum redegisſe corpus monstratum est supra. Et C. Scipio Nasica Publiū appellat Liuius Cn. F. eius inquam Cn. qui cum Publio fratre, post res maximas gestas celtiberum proditione in Hispania periit. Hic igitur, siue P. siue C. vir optimus ciuitatis fuit à Senatu iudicatus. O singulare iudicium, omnibusq; victoriis, atq; triumphis anteponendum sanæ mentis hominibus. Fuit autem hac ratione iudicatus hærente visceribus Italiae Annibale, oraculū accepere Romani, quo victoria promittebatur, si matrem Ideam, eandemq; Cibelem in patriam adue-xissent. Mittuntur legati, qui per Attalum tum populi Romani socium, regionum earum eo tempore regnum obtinentem, compotes facti alterum oraculū retulerunt ab optimo ciuitatis viro hospitio Deam accipiendam, quo cum tam ancipiti iudicio Senatus destineretur, tandem hunc, de quo agimus Scipionem admodum adolescentem, & nondum Quæstura perfunctum, virum optimum iudicauit: maximū & illi decus, qui iudicatus est, & Corneliæ genti. Hic Scipio Boios in Consulatu debellauit, de quibus in magistratu triumphum egit, qui tamen vir optimus antequam Consul fieret repulsam expertus est; huic

ædes

ædes publicè datas in sacra via Pōponius meminit, ut per otium consuleretur. Adiungitur iis Appius Claudius, quem Decemvirum supra retulimus, qui non potuit iuris non esse peritus, tanto præfectus muneri, malo certè animo, prauoq; fuit præposteris moribus, quod gestus magistratus ostendit, qui tamen teste Liuiο, prioris anni Decemvirorum minimus natu fuit. nihil autem videtur habere Pomponius, vnde iuris in Appio peritiam colligat, præter Decemviratum. Si tamen hinc colligit, oportuit collegas iuris etiam fuisse peritos; credemus igitur si placet alicuius autoritate permotum hanc iuris prudentiæ laudem Appio tribuisse Pomponiū. Nam si quod refectus fuerit scientiā arguit in Appio, animaduertatur oportet pessimo exemplo magistratum ambiendo iis obtinuisse comitiis, quibus ipse præffet. Succedit vir eiusdem familiæ Appius item Claudius, qui post Censurā cecitate per-fusus cæcus est cognominatus, de quo plurima sunt nobis alias commemorata; quæ tamen hæcenus dicta non sunt quoniam iurēconsultus meminit referentur. Aquam in urbem induxisse fertur quæ dicta est ab eo Claudia, Appiamq; uiam, quam ab hoc ipso cognominatam satis perspicuū est. Lanuuium, & eas regiones petentibus iter cōmodissimum strauisse legitur. hæc omnia ex attributis in censura à

Senatu

Senatu uestigilibus. Obseruatum est autem à Cenforibus, ut quædam cōmuni nomine, quædam scorsum struerent, quod ex Liuiο cognosci luculentè potest in omnibus prope locis, quibus Censorias retulit substructiones. Verum Appius, quo de nobis est sermo, eloquens habitus est, itaq; senex admodum letitica uetus in Curiam pacem cum Pyrrō fieri dissuasit, ad eam accipiendam licet inclināte Senatu. Nam Pyrrus Neoptolemi filius Rex Epyrotarum à Tarentinis in Italiam uocatus, ut eos ab impetu Romanorum defenderet, cum Romanis congressus magno cum suo discrimine, cumq; clarissimorum, & fortissimorum uirorum ingenti iactura, Leuinum Consulē uicit, nescio bis dicam, an semel quoniam in utranq; sententiam authores inclinant, certè victorē Pyrrum dixisse fama est, actum esse, si Romanos eodem discrimine postea uicisset; superauerat enim elephantorum ui maximè, quod animal eo tempore incognitum erat Romanis. terrore igitur equite, obtritoq; pedite, hosti de victoria concessum est, qui populabundus nō procul ab urbe confedit Niciāq; legatum, quem præstantissimum habebat oratorem Romam de pace misit munera ferentem, quæ tum uiris, tum etiam mulieribus largiretur, quæ tamen accepit nemo, ea frugalitas, continentia Romanorū erat. Introductus igitur in Senatum parum absuit ab

impe-

impetranda pace, quæ turpis nomini Romano fuisset. Obstitit igitur Claudius, cuius oratio ad Cicero-
nis usque tempora creditur pervenisse, quam etiam
versibus cecinit Ennius. Poeticam attingisse existi-
tur Appius, cuius carmen à Panætio laudari in qua-
dam ad Tiberonem epistola author est Cic. Lauda-
tur & in hoc viro domestica disciplina, cuius argu-
mentum est quod & cæcus, & summa senectute con-
fectus colebatur, atque amabatur, verebantur dome-
stici omnes, habebat demum imperium in suos. In
iure autem civili, & actiones composuit, & de usur-
pationibus librum, qui iam ætate Pomponii deside-
rabatur. Dicitur etiam R. literam inuenisse, vnde Va-
lerii dicti, qui prius Valesii, & de Appio quidem tan-
tum dixerimus. Addamus Sempronium, qui nō satis
apertum est, qua sit ortus familia, plures enim fuerūt
Semproniorū, vt Atratini, Gracchi, & si qui alii. Pro-
meruit tamen hic, de quo loquimur sapientis cogno-
men; ^{quod} enim est appellatus omnium Romanorū
primus, quod etiam reliquit posteris. non ab re fore
mihi videtur si Romana cognomina, quàm breuif-
simè percurrero, erit enim & legentibus utile, & sci-
tu non indignum (vt arbitror) argumentum. Sume-
bantur igitur cognomina à corporum habitu, siue
viciū, siue virtutem significaret. Vnde Rūfi, Ver-
rucosi, Strabones sunt dicti vel ab aliqua insigni no-

201119

AA ta

ta, quæ cognomina dedecus præferebant, vnde oratorem Hortensium Piscinarium quidam, quidam molem nuncupauerunt. Notam etiam ad virtutem transferebant, vnde ab insigni velocitate Cursor Papyrius est dictus. Casu etiam cognomina dabantur, itaq; Domitius appellatus est Enobarbus, quod creditum sit Castore, & Polluce mulcentibus barbam rubeam esse factam. Eadem causa nomen Coruino dedit, quod cum Gallis pugnanti Coruus adfuisset, scutoq; asidens, hostem rostro crebro petisset. Sunt qui dicant ab exercitatione colendorum agrorum, à qua tunc principes non abhorrebant, ducta esse cognomina Seranorum, & Fabiorum, à serendo scilicet, & fodiendo. A natura etiam sumebantur appellationes, inde Fabius Max. Cunctator est appellatus, Celeres quoq; Metellos ob eandem dictos causam existimari. A rebus gestis cognominabantur pluri mi. Itaque Liviò Salinatori additum est cognomen, quod salis precium crederetur auxisse. Torquato cognomentum uenit ab adempto Gallo, quem interemerat torquē. Res gestæ magnum dixerunt Pompeium, & utriq; nomen peperunt Africano, plurimisq; aliis. Nam quid Asperi cognomen, quid Imperiosi nomen, quæ naturæ parata sunt viciis? vtile certè iudicatum est vel nominum gloria ad virtutem homines accendi, vel infamia deterreri à viciis, atque sceleribus

teribus. Sed ad rem est redeundum. Magna quidem certè existimatio populi, magna de hominis opinio sapientia perfecit ut ~~omnis~~ Sempronius appellaretur. Sed eundum est ad reliqua.

EXCURSIO III.

DEINDE Q. Fabius, qui ad Carthaginienses missus legatus, cum essent duo tessere posita, una pacis, altera belli, arbitrio sibi dato utram uellet referret Romam, utranque substitit et ait Carthaginienses petere debere utram mallent accipere.

IMPERANTIVM gentibus Populorum effertur frequentius animi, sæpeq; in superbiam vertuntur, quo fit ut potentiam magnis laboribus partam obruant bellorum periculis. Quod sane Pœnis evenit, atq; Romanis. Cum. n. uterq; populus viribus excelleret, dum alter non cedit alteri, in mutuam perniciem exarserunt. Cecidit tandem Carthago, ita tamen, ut plerunque Roma victrix propior periculo fuerit, hæc tamen per transenam sint nobis proposita. Q. Fabium veteribus iureconsultis Pomponius adiicit cum, qui vel legatus Carthaginensibus bellum indixit, quod secundum Pœni, Romaniq; gesserunt, quod etiam vocatum est Annibalis bellum cuius causam excidium Sagunti dedisse videtur, re tamen ve-

ra non tam odio Saguntinorum excidit urbem Annibal, quàm ut irritaret Romanos, & quod iam pridem querebat, bellum Romani susciperent. Quinque legatos Carthaginem miserunt, qui percurtarentur publico nè consilio Saguntum Annibal evertisset cumq; Carthaginenses nihil id dicerent ad Romanos attinere, hanc .n. in suum ciuem suam animaduersionem esse, defenderentq; Annibalem nihil contra fœdus deliquisse. Q. Fabius sinu ex toga facto. hic inquit pacem, bellumq; vobis portamus, verum placeat accipite, cum ex omni Curie parte conclamatum esset, daret utrum vellet, se quod daretur accepturos; excusso sinu bellum dare sedixit. Acceperunt Carthaginenses, & quibus acceperant animis gesturos se receperunt. Hæc Livius primo, & vigesimo libro ab urbe condita. Verum Pomponius Græcos quosdã sequutus annales tesserarum induxit sermonem, duasq; positas ait, certatumq; inter partes, tessere de ligenda cuius nam esset optio. Tandem bellum Carthaginenses sumpsisse. Mihi sanè Livianum magis probatur elogium; magis .n. ex dignitate Populi Romani bellum indicentis videtur, cum presertim magna legatur in legationibus Romanorum dignitatis cura. Ausum legatum Romanum Antiochum Syria Regem circumscriptisse virga. Edixisseq; ne ante inde euaderet, quàm Senatui responsum daret; quis obse

cro

erō credat? & tamen omnia monumenta testantur. Itaq; directā illa percunctatio, belliq; denunciatio (vt Liuius inquit) magis ex dignitate Populi Romani uisa est. Illud certē dubium est, fuerit nē Q. Fabius, qui multa Dictator, Consulq; aduersus Annibalem gessit, Tarentumq; recepit eadem, qua fuerat amissum arte, an alius aliquis. Nos certē quoniam legatorum est facta mentio, de legatis pauca dicamus. Legati communi nomine significantur, qui à Principe, populo ad Principem, seu populum legantur, quos placuit iure gentium tutos, atque inuiolatos semper esse. Præter hos legabant Romani in Prouincias magistratibus uiros præstantes, opinor consiliarios, adiutoresq; & pace, & bello eorum, qui Prouincias obtinerent, & quasi testes omnium, quæ gererentur in Prouincia, qui partes etiam curarum suscipiebant variis præpositi muneribus, vt res, tempus, negociorū, Prouinciarumq; magnitudo postulabat; & integris quidem moribus legabat Senatus, quos in Prouincias mittendos censebat. Post Imperatores ipsi legare sibi quos uellent coeperunt, concedente credo Senatu in gratiam & legantium, & legatorum. Certē cum ad Senatū referebatur, resistebatur aliquando imperatoris uoluntati, sed raro admodum fiebat. Quæritur Cicero in oratione, qua legem suasisse Maniliam non esse A. Gabinium Pompeio legatum,

cum

cum peteret ipse Pompeius cum sibi legari, cuius lege Pyratice bello præpositus esset: sed quem legatū habere non potuit, Cōsulem certē facere potuit. Erant & liberæ legationes, quas opinor corruptis cœpisse moribus, quæ obcunduarum hæreditatum causa dabantur. Sæpenumero senatoribus. Cic. meminit Philip. prima asserens se ius habuisse liberæ legationis, meminit & in ea oratione, qua Seruiliū Rullum Tribunum plebis legem ferētem Agrariam impugnavit in Senatu. Principes quoq; post libertatem oppressam per legatos plures administrabant Provinciās, & de legatis quidem hæc pauca sint dicta.

EXCURSIO IIII.

POST host fuit Tyberius Corruccanus, qui (ut dixi) prius profiteri cœpit, cuius tamen scriptum nullum extat, licet responsa compluria, & memorabilia eius fuerint.

DE Corruccano quæ dicenda fuerant supra nobis sunt explanata, illud tamen adiciatur in iis, quæ supra sunt dicta respexisse Pomponium primū cum fuisse, qui docuerit ius Romæ ciuile, hic verò ætatem hominis perscripsisse, quem crediderim inter secundum, ac tertium bellum punicum floruisse, nam Cato secundo bello punico cœpit florere, mori-
ruit

ruit sub Q. Fabio Max. cum cepit Tarentum (vt Cicero tradit in his, quæ de Senectute conscripsit) suis-
 seq; dicitur superioris Africani Quæstor; sed de Ca-
 rone post paulo, hæc tamen diximus vt hunc etiam
 floruisse cum Corruccano diceremus. Corruccanus
 verò nihil scriptum reliquit; fortè Socratem imita-
 tus. Quam etiam sententiam M. Antonius Orator
 traditur esse sequutus. Laudantur Corruccani respon-
 sa discipulorum eius opera cognita, vt Socratica phi-
 losophia auditoribus eius scribentibus ad nos vsq;
 perlata est.

EXCURSIO V.

DEINDE Sex. Aelius, & frater eius P. Aelius, & P. Ati-
 lius maximâ scientiâ in profecto habuerunt, & duo Aelii
 etiam Coss. fuerunt. Atilius autem primus à populo sapiens
 appellatus est. Sex. Aelium etiam Ennius laudauit, & extat
 illius liber, qui inscribitur tripertita, qui ueluti cunabula cominea-
 iuris. Tripertita autem dicitur, quoniam lege duodecim tabulari
 preposita, iungitur interpretatio, deinde subtexitur legis actio.
 Eiusdem esse tres alii libri referuntur, quos tamen quidam ne-
 gant eius esse. hos secutus est ad aliquid M. Cato princeps Por-
 tie familie, cuius & libri extant, sed plurimi filii eius, ex qui-
 bus ceteri oriuntur.

CON-

CONIVNGVNTVR aliquot ireconſulti, duo Aelii pater, & filius Conſulares ambo. Attilius præterea, qui ſapientis apud Romanum populum nomen promeruit, ut interſe inter Attilium, & Sempronium nihil exiſtimem; quod ad rationē cōgnōminis attinet; niſi quod alter Græco nomine vocatus; alter latino ſapiens ſit appellatus. Ennii uoce Sex. Aelium laudatum; author eſt etiam Cic. Quod ad tripartitum volumen attinet ſatis explicat iurecōſultus, idemq; ait tres alios circumferri libros; quos ut Aelianos pleriq; non recipiunt. Veniamus ad M. Catonem, qui maior eſt appellatus, ut minor eſſet Vticenſis, quo in homine certaffe natura cum fortuna videtur, ab utra maioribus decoraretur muneribus. Hic de plebe Romana in agro Sabino homo natus, atq; educatus, & bello maximus fuit, & pace clariffimus. Obtinuit Prætor Sardiniam, tanta continentia, frugalitatisq; fama, ut quaſi diuinum quoddam, ætuloq; demiffum ſpectaculum eum ſocii venerarentur. In Conſulatu Hiſpaniam obtinuit Prouinciā; qua pacata triumphum egit, Cenſorq; factus ſeueriffimē Cēſuram adminiſtrauit, quemadmodum cum Cenſuram exponeremus retulimus. Rem ruſticam optimē creditus eſt tenuiſſe, librosq; cōſcripſit, quorum extant etiam nonnulli. Iuris peritus fuit, etiamq; volumina dicitur edidiſſe; habitus præterea fuit eloquens.

quentissimus. Scripsit Romanarum originum libros, qui summo habebantur in precio. Græcas literas serò cognouit, & tandē non ruditer percepisse creditus est. Philosophiam nè calluerit non satis est exploratum, negabat tamē admittēdos philosophos esse, credens videlicet eorum disputationibus iuuenum animos a rebus gerendis auerti, quod non sanè probatur vniuersis. Pars. n. maxima credit animos ad rem gerendam inflādari philosophia, citant testes Epaminundam Thebanum, & ex academia Syracusanum Dionem, interq; Romanos Marcum Brutum, qui res maximas auspice philosophia gessisse traduntur. Sed hæc disputatio alterius censetur esse negotii. Catonis quidem orationes sic redolent philosophiam, vt ex sententiis, quæ passim leguntur colligi potest, vt existimetur clām operam philosophiæ dedisse. Hic est ille Cato, qui monebat identidem Carthaginem euertendam, mala aduersus Romanos cogitantem, cum Scipio Nasica conseruandam diceret, nè metu dempto in viscera Reip. ciues arma torquerēt, qui verior vates sanè fuit, Catonis tamen auctoritas ualuit mortui. Filius autem eius, quem plures de iure ciuili conscripsisse libros Pomponius asserit, ante patrem est mortuus, cui pater senio confectus, noueram induxerat Soloniū Cliētis sui filiam, filioq; responderat quærenti cur sibi induxisset no-

B B

uer-

uercam, nihil tibi mi nate succenseo, sed tui similes, plures Reip. ciues gignere uolo. Sed iam reliqui nostram increpant moram, orationemq; desiderant.

EXCURSIO VI,

POST hos fuerunt P. Mutius, & Brutus, & Manilius, qui fundauerunt ius civile, ex his P. Mutius decem libellos reliquit, Brutus septem, Manilius tres. Extant & uolumina inscripta Manili molimentia. Illi duo Consulares fuerunt, Brutus Prætorius, P. Mutius etiam Pontifex max. Ab his profecti sunt P. Rutilius Rufus, qui Romæ Consul, & Asia Proconsul fuit. Paulus Verginius, & Q. Tubero ille Stoicus Panæti auditor, qui & ipse Consul. Etiam Sex. Pompeius Cn. Pompeii patrum. Fuit & eodem tempore Calius Antipater, qui historias conscripsit, sed plus eloquentiæ, quàm scientiæ iuris operâ dedit, Etiam L. Crassus frater P. Mutii, qui Mutianus dictus est, hunc Cic. ait iureconsultorum disertissimum.

EX primis tribus, qui à Pomponio scribuntur hoc loco P. Mutius, & Brutus in honore magno Romæ fuisse dicuntur apud eos, qui consulebāt, nam Manilii sicut dignitas clarior, quàm Bruti sic iuris scientia apud authôres obscurior extitit. Ad hæc Mutiorum, Brutorumq; familiæ Patriciæ fuerunt, ex plebe Manilia, plebis enim tribunatum gessisse Manilios constat, vel ex illo Manilio, cuius legem Cic. Prætor

Prætor fuisset, qua Mithridaticum bellum Cn. Pompeio mandabatur. Mutiam certè, Iuniamq; nobilitatem nemo vel mediocriter eruditus ignorat. Altera Mutium Principem habuit, qui Scauola primus cognominatus est, quiq; solus est ausus intrare Porcenæ castra Regis necandi gratia, nec expauit ignibus admouere manum, docturus videlicet vile corpus esse petentibus in mortalitatem. Alterius author fuit Iunius Brutus, qui patriam seruitute Regia liberauit. Et Scauolarum quidem iuris ciuilis perpetuum studium fuit, ut plurimis, maximisq; iureconsultis seniper gens illa floruerit. Sed ad eum veniamus, de quo nobis institutus est sermo, ad quem se venturasse, augurè Scauola mortuo M. Tullius asserit, què uicini in ciuitate Romana, & ingenio, & industria dicere præstantissimum audet in ipso dialogi limine, quem de amicitia conscripsit. Hæc de Mutio. Brutum autem crediderim illius fuisse parentem, qui accusator est appellatus, degenerauit enim à clarissima, vetustissimaq; familia, patrimonioq; adeso, inter accusatores, & quadruplatores meruit connumerari. Miror hunc Tribunum fuisse plebis, nisi vel ad plebem trāsīit, vel pars Iuniae familie adiecta est plebi, in Tribunatu certè legem tulit, Capuam ut deduceretur Colonia, multaq; contra Remp. molitus, pessimo tandem exicio perit. Capuaq; desuit esse colonia donec

BB 2 primo

primo Cæſaris conſulatu lege Iulia iterum fuit dedu-
 cta agro campano diuiſo. Innuit hæc Cicero in his,
 quæ in Rullum de lege Agraria perorauit, mirari ſe
 aſſerēs Rullum imitantem acta Bruti eius exitū non
 pertimeſcere, & in Piſonem teſtatur ſe Conſulē pro-
 hibuiſſe nè Rullus campanum agrum diuideret. qua
 in re ſi diuidendus non fuit, Reip. dicit ſe profuiſſe,
 ſi diuidi oportuit melioribus diuiſoribus rem inte-
 gram ſeruaiſſe, Cæſarem ſignificans, atque Pompeiū,
 qui adiuncto ſibi Crasso Remp. tunc occupauerant.
 Sed ad patrem redeo. Miſerum enim eſt nequitiam
 filii obefſe parenti, is in tribus libris, quos de iure ci-
 uili primos edidit ſe cum filio in fundis ſuis fuiſſe cō-
 ſcribit, ſingulis libris ſingulos apponens fundos.
 Quam rem L. Crassus orator ſic eſt interpretatus. Pa-
 trem virum opt. exploratam habētem filii nequitia,
 atque turpitudinem, teſtatum relinquere voluiſſe
 quantum filius acciperet patrimonium; addebatq;
 Crassus, Brutum, niſi turpē putafſet cum id ætatis fi-
 lio in balneis videri fuiſſe, balneas quoq; perſcriptu-
 tum, quas tamen ex Cenſoriis tabulis à popinone te-
 terrimo repetebat; nec plura de Bruto. Rutiliū Ru-
 ſum, quem ſuperioribus ſucceſſiſſe tradit ſunt qui di-
 cant iniquo iudicio damnatum exulaſſe, quod etiam
 Cic. pluribus locis confirmat, quem tamē aſſerit ſpe-
 cimen innocentia fuiſſe in ea oratione, qua inuehi-

tur in Pisonem, eundem in C. Rabirii Posthumi defensione summis laudibus extollit. Hic Rutilius Panætium quoque creditur audiuisse, quem etiā Cic. tradit in eadem Rabiriana defensione Mitylenis de præhensum à Mithridate, crudelitatem Regiam in omnes togatos vestis mutatione fugisse, hominēq; Consularem soccos, palliumq; gestasse, temporis ita ratione poscente. Sequitur A. Verginius, quem perperam (ut ego quidem sentio) Paulum Verginium quidam codices legunt. Sequitur & Q. Tubero sororis Africani filius, vt Cic. testari videtur, quem ait tertio de oratore dialogo noctes, diesq; operam dedisse philosophiæ. Sequebatur Stoicos audiuerat. n. Panætium, ad quē etiam plura Panætius dicitur scripsisse. hunc idem ait Cic. Tuberonem Prætura deiectum; nam cum Q. Maximus Africani iunioris nomine epulum populo daret, rogauit Tuberonē, tricliniū vt sterneret, qui pelliculis hædinis lectos strauit vilissimos, samiaq; apposuit vasa ac si Diogenes Cinicus, nō Africanus diuinus homo mortuus esset. quem cum Quintus Max. pro rostris de more laudaret gratias egit Diis immortalibus, quòd Romæ natus esset Scipio. Dicebat enim oportuisse ibi terrarū orbis imperium esse, ubi natus ille fuisset. Itaq; repulsam Præturæ tulit, oderat enim populus Rom. priuatam luxuriam, publicam magnificentiam diligebat.

Con-

Consulem tamen cum postea fuisse Pomponii confirmat authoritas. Adiciatur superioribus etiam Cælius Antipater, quem primum omnium Cicero memorat secundo de oratore dialogo historiam illustrasse, cum ante rudis fuisset, atque omnibus caruisset ornamentis. Præter hos Sex. Pompeius reponitur, de quo præter ea, quæ tradit Pomponius patrum videlicet illū Cn. Pompeii fuisse nihil omnino; quod dicamus habemus. Nec prætermittendus est P. seu L. Crassus Scauola frater eius (ut opinor) qui aduersus L. Crassum oratorem ea tempestate clarissimum in causa Curiana dixit. Constat autem utranque & iuris peritia præstitisse, & fuisse eloquentem, nam Scauolam primo dialogo de oratore apud Ciceronem ait Crassus iureconsultorum eloquentissimum, eloquentium iureconsultissimum sibi videri, sed cæteri nos operiuntur.

EXCURSIO VII.

POST hos Quintus Mutius Publii filius Pontifex maximus ius civile primum constituit, generatim in libros decem & octo redigendo. Mutii auctores fuerunt complures: sed præcipue authoritatis Callus Aquilinus, Balbus Lucilius, Sextus Papirius, Caius Auentius, ex quibus Callum maxime authoritatis apud populum fuisse Seruius dicit. omnes enim hi à Seruio Sulpicio

tio

cio nominantur: alioquin per se eorum scripta non talia exstant, ut ea omnes appetant. deniq; nec uersantur omnino scripta eorū inter manus hominum: sed Seruius libros suos compleuit, ex cuius scriptura ipsorum quoq; memoria habetur.

ALTER nobis Mutius Pontifex refertur maximus, cuius opus clarissimum, summāq; utilitatis memorie proditur à Pomponio, quid, v. utilius studiosi iuris assequi potuerunt, quam eam facultatem, quam omni conatu sibi adipiscendam proposuerāt, in genera diuisam habere, quod alibi diximus Lucium Crassum oratorem & magnopere desiderasse, & facturum certē fuisse, nisi mors praeuenisset, quod si acutissimus Trebonianus, ceteriq; vel cōpilatores, vel certē legum potius expilatores fecissent. melioribus uteremur studiis, iuraq; cum facilius, tū etiam commodius perciperentur, sed actum agimus, itaq; ad eius discipulum Mutii veniamus Aquilium. Hic eisdem temporibus, quibus Cicero floruit, fuit tamen natu maior; iam, n. apud populum authoritate quæsierat Aquilius, cum in forū Cicero venit, Quintianamq; defensionem, quam primam Tullius egisse putatur, Aquilio iudicante suscepit. dubium est tamen sit nē hic idem Aquilius, de quo dubitabatur esset nē competitor Ciceronis in Cōsultatu futurus, de quo ad Atticum scribit Tullius se petiturū Aquilium.

lium non putare, nam iurauit inquit morbum, & illud suum regnū iudiciale obiecit. Hic Aquilius instituit subtilitate forsitan nimia, qua ratione posthumi nepotes heredes institui possent, vt constat initio legis Gallus. ff. de liberis, & posthumis. etenim Aquilius Gallus appellabatur. Eundem in officiis testatur Cicero actionem doli mali primū instituisse, cumq; de illo quæreretur, quidnam esset dolus malus, cum aliud dicitur, aliud simulatur, respondere solitus erat: a quo tamen fuerit vel actio, vel exceptio instituta non disputabimus. Illud certē constat doli mali exceptionem Prætorii iuris fuisse, vt apud Paulum. l. prima. ff. de doli mali, & metus exceptione. §. Ideo autem: sed neque ipsa descriptio satis quadrare videtur, nam tametsi nihil simuletur cum agitur, tamen competere potest exceptio doli mali Vlpiano teste l. secunda. ff. eodem. §. Circa primam speciem. Accedit, quod ex omni facto oriri potest doli mali exceptio eadem. l. §. Generaliter, sed silentibus etiam legibus in eo peccat sanè descriptio, quod amplior est eo, quod describitur, non. n. omnis simulatio, quæ verbis tegatur efficit dolum malum, an si quis dicat petenti furioso se gladium non habere, quem tamen habeat doli mali reus sit quod simulauerit? Iam ille apud Plautum in trinummo quia filio familias, quem ei pater commendauerat, cum domum adolescens

venalem

venalem proscriptisset nè venderet alteri se simulavit emere, domumq; servavit amico, doli mali reus erit, quod effecit ne rediens in patriam penatibus, domoq; paterna careret amicus? sunt sanè quædam ancipitia nomina, quæ in utramq; partē accipi possunt, ut venenum, dolus, & alia huiusmodi. nā apud Homerum venenum porrigit Helene cōiugi, simul atque Telemacho, quò tristitiam deponerent, fierentq; lætiores hisce versibus.

Εὐκὺτ' ἄλλ' ἡοῖσ' ἱλύνει δῖος ἔκχυγαῖα,
 αὐτὶκ' ἄρ' ἐς οἶκον βάλε φάρμακον ἰθὺν ἵπιον,
 Νηπιῖδ' ἑὶ χολὴν τε κακὴν ἐκίλησεν ἀπείστον,
 ὅς τ' οὐ καταβροῦσαι ἐπὶ κρητῆρι μίφειν,
 οἷα κ' ἐφημέριος χεῖλαι κατὰ δάκρυ παρειῶν,
 ὅτ' εἰ οἱ κατατιθῆαι μέγρε τι κατ' ἔτι,
 ὅτ' εἰ οἱ προπάρειν ἀδελφεῶν, ὃ φίλοι ἦν
 χαλκῷ δινέων, ὃ δ' ὀφθαλμοῖσι δ' ἔρ' αὖτο.

Quis hoc quæso venenum malum dixerit: sed ut ad dolum se referat oratio. malum ego sanè dolum existimarim simulationem esse, quæ nocendi, fallendiq; animo fiat, sed de Aquilio satis. Reliquos quoniam excidissent memoria nisi a Pomponio per scripti fuissent, missos faciemus Serviū quæ sequuntur exponent.

EXCURSIO VIII.

SERVIVS autem cum in causis orandis primum locum, aut certe post Marcum Tullium obtineret. traditur ad com-

CC fulen-

salendum Quintum Mutium de re amica sui peruenisse, cuiq; ei
 de iure respondentem parum intellexisset, & iterum Quintum
 interrogasset, & à Quinto responsum esset, nec tamen percepisset,
 ita obiurgatum à Quinto Mutio. Namq; eum dixisse turpe esse
 patritio, & nobili viro causas exoranti, ius in quo versaretur,
 ignorare. ea uelut contumelia Servius tractus, operam dedit iuri
 ciuili: & plurimū eos, de quibus locuti sumus, audiuit: instructus
 à Balbo Lucilio, instructus aut maxime à Gallo Aquilio, qui
 fuit Cercinna. Itaq; libri eius complures extant Cercinna con-
 fectione. hic cum in legatione perisset, Statuam et populus Romanus
 pro Rostris posuit, & Hodie extat pro rostris Augusti. huius
 uolumina compluria extant. reliquit autē propē centū & octa-
 ginta libros. ab hoc plurimi profecerunt. ferō tamen hi libros con-
 scripserunt: Alfenus Varus, Caius Aulus Ofilius, Titius Ce-
 ssius, Aufidius Tuca, Aufidius Namusa, Flavius Priscus, Caius
 Ateius Pacuvius, Labeo Antistius Labeonis Antistii pater,
 Cinna, Publicius Cellius. Ex his enim decem, octo libros con-
 scripserunt: quorum omnes, qui fuerunt, libri digesti sunt ab
 Aufidio Namusa in centum quadraginta libros. Ex his
 auctoribus plurimum authoritatis habuit Alfenus Varus, &
 Aulus Ofilius: ex quibus Varus Consul fuit, Ofilius in eque-
 stri ordine perseverauit: is fuit Caesari familiarissimus: & libros
 de iure ciuili plurimos, & qui omnem partem operis fundarent,
 reliquit. Nam & de legibus Vicefima, & de iurisdictione pri-
 mus conscripsit. idem edictum Prætoris primum diligenter com-
 posuit. Nam ante eum Servius duos libros ad Bracum quā-
 bre-

breuissimos ad edictum subscriptos, reliquit. Fuit eodem tempo-
re & Trebatius, qui idem Cornelii Maximi auditor: fuit Au-
lus Cascellius, & Quintus Mutius Volusii auditor: qui deinde in
illius honorem Publium Mutium nepotem eius testamento reli-
quit heredem. Fuit autem Quæstorius, nec ultra voluit procede-
re, cum Augustus illi etiam consulatuum offerret. ex his Treba-
tius peritior Cascellio, Cascellius Trebatio eloquentior fuisse dici-
tur, Ofilius utroque doctior. Cascellii scripta non extant, nisi unus
liber Benedictorum: Trebatii complures, sed minus frequentan-
tur. Post hos quoque Tubero fuit, qui Ofilio operam dedit. Fuit
autem patritius, & transiit à causis agendis ad ius civile: maxi-
me postquam Quintum Ligarium accusauit, nec obtinuit apud
Catonem Casarem: Is est Quintus Ligarius, qui cum Africæ o-
ram teneret, infirmum Tiberonem applicare non permisit, nec
aquam haurire. quo nomine eum accusauit, & Cicero defendit:
extatq; eius oratio pulcherrima, quæ inscribitur pro Quinto Li-
gario, & Tubero doctissimus quidem habitus est iuris publici, &
prinati, & complures utriusque operis libros reliquit: sermone ta-
men antiquo usus affectauit scribere, & ideo parum libri eius
grati habentur.

MULTI quidem iuris periti coaceruantur pos-
tiusquam numerantur à Pomponio, ut mihi
magna pars in turbam coniecta esse videatur. meri-
to tamen fecisse mihi videtur, non enim vel vitæ co-
rum conscribere, vel historiam narrare sibi proposi-

tum fuit, sed nominatim eos, qui in iuris disciplina sunt habiti peritiores exponere. nos tamen ex tanta multitudine, quoniam pars maxima nobis incognita est, eos potissimum deligemus, de quibus aliquid dicere valeamus. Venissent in nostram certè cognitionem plerique nisi sublati voluminibus, multorum quoque memoriam Iustinianus abstulisset, qua in re quod fuerit Imperatoris consilium, vel eorum certè, qui ad hoc facinus Imperatorem impulerint intelligere nequeo, librorum numerus inquam, infinita tem propè iam attigisse videtur: quis par erit tanto labori, totq; legendis libris? colligatur ius, & ex illa immensa voluminum mole in certam formam, artioremq; numerum redigatur. Dignum sanè Romano Principe consilium, utilitatem publicam diligentius respiciente, supersint tamen libri, non qui iuris dignitatem obtineant, sed ut sententias explicent iuris peritorum. Quis enim deditat si præcedentia iungit sequentibus possint magnum esse lumen allatura. planè si Iustinianus ad superos rediret hoc tempore, librorumq; aliorum super alios cumulatorum colluvionem cerneret, doleret exustos veterum labores, ut succederent iuniores. Certè si cætera deessent clarissimorum hominum delectaremur studiis, fruermur lectione, scientiam cognosceremus. Sed ut cõrevertatur oratio, unde nobis inuitis digressa est, ex multis

multis seligemus paucos, de quibus quæ videbuntur exponemus. sumpto à Servio Sulpitio principio, quem vel M. Tullio parem, vel certè paulo inferiorē efficere conatur Pōponius. Ego vero cum sciam inter omnes constare Q. Hortensium ante Ciceronis in forum aduētum primum tenuisse locum, post verò secundum; cumq; intelligam C. Cæsarem Dictatorem eloquentissimum habitum, creditumq; omnes fuisse superaturum, si versari voluisset in foro, facile Pomponio non assentior, nec agnosco tantam eloquentiam in Servio. concedo tamen eloquentem fuisse, & in causis agendis exercitatum Seruium Sulpitium, quem & ipse Pomponius, & cæteri tradunt Scævole iurgio vehementius exagitatū, ad ius civile se contulisse. Nam cum Scævolam de causa cliētis consulerent, bisq; repetitum non teneret, perciperetq; consilium; ferunt Scævolam stomachatum dixisse turpissimum esse in causis foroq; versari, & ius, in quo versaretur ignorare. Quam rem criminatur etiam, & queritur apud Ciceronem Crassus primo de oratore dialogo; & sanè merito. Quid enim dici turpius, quid impudentius potest excogitari, quàm aliis polliceri salutem, arma promittere auxilia, cum tibi non possis opitulari; si eodem fortè loco fueris? Magnam habet vim pudoris stimulus, atque ignominia, si in animum cadat ingenuū, Erubuit

buit Sulpitius, atque confestim ad ius ciuile se contulit, nec contentus necessaria cognitione, tantū profecit, vt summum locum promeruisse cernatur. locatur cum Sulpitio Cicero, cū ab eius accusatione L. Murenā niteretur eripere, iurisq; ciuilis simulat cōtemnere scientiam, non ita certē sentiens. nam & in oratore, & pluribus aliis in locis iuris scientiam miris extollit laudibus, quod alibi quoque demonstratum est, quod ita tempus, causaq; postulabat. Et sanē Roma re potius militari constabat, quam iure ciuili. Illud tamen miror cum eloquentiam iuri conferret, hanc laudem Seruio non tribuisse si tanta floruerat eloquentia, quantam Pomponius significat; Sed hoc minus forsitan ad rem pertinere videatur, quā quisq; fuerit eloquentia. certē iuris ciuilis peritissimum nemo inficiabitur fuisse Sulpitium, qui tamen prima Consulatus petitione repulsus est creatis Coss. Decio Syllano, L. Murena. Quā ignominia Seruius permotus in Murenā excāduit, quē etiam adiuuante Catone, cuius summa authoritas erat ambitus accusauit, defensus est à Cicerone Murena, atq; absolutus, post aliquot deinde annos Consul fuit cum Marco Marcello, quo in Consulatu semina iacta sunt ciuiliū bellorum. Seruius tamen (vt in quibusdam ad eum epistolis Cic. significare videtur) egregium concordie ciuium propugnatorem egit.

Dein-

Deinceps à Cæsare Dictatore Græciæ Præpositus optimam sui memoriam reliquit provincialibus: Extincto verò Cæsare, cum Mutinam obsideret Antonius, quam Decius Brutus propugnabat, tres Legati à Senatu mittuntur ad Antonium, inqueis erat Seruius Sulpitius, qui licet vteretur infirma valetudine, Reip. tamen in tanto discrimine suam operam negare noluit. qua in legatione paulò ante, quàm perueniret ad Antonium diem obiit. Pœnituit Senatû tantum virum nihil Reip. causa renuentē obieciisse mortui. itaq; & publicum funus, & pedestrem æneam statuam, & alios honores mortuo, posterisq; decreuerunt auctore sententiæ Cicerone, quam perscribit Philippica ix. De Seruii libris satis multa Pomponius scripta reliquit, nos ad reliquos gradiemur: Duos Antistios Labeones fuisse constat iurisperitos ambos, filius tamen libertatem iniquis temporibus asserere visus est immodicè, cum rerum iam potiretur Augustus, itaq; imprudens est iudicatus, habitusq; penè ludibrio, cui optimè consuluisse fata videntur, quòd Augustum habuit Principem: si enim sub Tyberio, vel C. Cæsare, vel sæuissimo Nerone vixisset Traſeam Pœtum, Soranumq; Baream, & alios illustres viros, quorum funera passim aggerabantur comitatus esset; sed de hoc satis Trebatium M. Tullio familiarem fuisse, & crebris epistolis ostendit Cicerò,

cero, & Topicorum volumine ad eum misso. Commendatus à Cicerone Cæsari profectus in Galliam est, factusq; Imperatori familiarissimus. Dicitur etiam apud Augustum non minimū tenuisse locum. sunt qui ferant consilio Trebatii ab Augusto fidei commissis iuris tributam auctoritatem. Sed ad Tuberone[m] veniamus, quem Cic. in oratione pro Q. Ligario suum fuisse propinquum testatur. Aclia[rum] familiae Tuberones iuncti dicuntur quam fatentur omnes fuisse patritiam. Hic est ille Tubero, qui apud Cæsarem Q. Ligarium accusauit, non tam suæ causæ confusus, quam quod Ligario inimicum Cæsarem esse sciebat, ex alienis inimicitiis sibi quærens ultionem, accusationis tamen hæc fuit hypothesis. Tubero pater ex S. C. Prouinciā Africā sortitus fuerat, quæ sortitio Pompeianis partibus accommodabatur. Cum igitur venisset in Africā Tubero prohibitus est, tametsi grauitè ægrotaret pedem in Prouincia ponere, vel à Ligario, vel ab Actio Varo, qui Prætor olim in Africa fuerat, ad quem in Prouinciā redeūtem, licet non haberet imperium ex templo concursus est. Detulit ad Pompeium quærelas Tubero; fuitq; neglectus, victore denique Cæsare occasione (ut diccham) inimicitiarum suscepta est accusatio. Defendit Ligarium Cic. tribus maximè capitibus. Negabat enim Ligarium Africæ præfuisse, quo tempore

pore se prohibitum quæreretur Tubero; mox ostendit si Prouintiam obtinuisset non Cæsari, sed Pompeio retenturum Tuberone[m] fuisse. Postremo ad Cæsaris clementiam transfertur oratio, tãtamq[ue] vim habuit oratoris eloquentia clarissimi, vt non solum vitam Ligario concesserit, sed in patriam exulantem Cæsar restituerit, quo ex tempore Tuberone[m] Pomponius asserit relicto foro, operam iuri dedisse, & in publico, simul ac priuato iure magnopere profecisse. In hunc §. hæc duximus colligenda non libuit omnia sectari, ne vndiq[ue] omnes colligere flosculos, omnem aucupari dicendi materiam tametsi ad id, quod agitur minimè necessariam existimaremur.

EXCURSIO IX.

POST hunc maxime authoritatis fuerunt *Atelius Capito*, qui *Ofilius* secutus est. & *Antistius Labeo*, qui omnes hos audiuit, institutus est autem à *Trebatio*. Ex his *Atcius* Consul fuit. *Labeo* noluit. cum offerretur ei ab *Augusto* consularis, quo suffectus fieret, & honorem susciperet; sed plurimum studiis operam dedit: & totum annum ita diuiserat, ut *Romæ* sex menses cum studiosis esset, & sex mensibus secederet, & conscribendis libris operam daret. itaq[ue] reliquit quadraginta volumina, ex quibus plurima inter manus uersantur. Hi duo primum ueluti diuersas sectas fecerunt. nam *Atelius Capito* in his, quæ ei tra-

DD

dua

data fuerat, perseverabat: Labeo ingenii qualitate & fiducia doctrinae fretus, quod præ cæteris sapientia operam dederat, plurima innovare instituit. & ita Ateio Capitone Metasurius Sabinus successit. Labeoni Nerua, qui adhuc eas dissensiones auxerunt. Nerua familiarissimus Cæsaris fuit: Metasurius Sabinus in equestri ordine fuit, & publice primus respondit, posteaquam hoc beneficium cepit à Tyberio Cæsare. Et (ut obiter sciamus) ante tempora Augusti publice respondendi ius non à principibus dabatur sed qui fiduciam studiorum suorum habebant, consulentibus respondebant: neque responsa utique signata dabant, sed plerumque iudicibus ipsis scribebant, aut testabantur, qui illos consuluerant.

P. OST Seruium, quem supra memorauimus Ateius Capito & Antistius Labeo maximam auctoritatem habuisse dicuntur, diuersis tamen (ut opinor) rationibus, nam Ateium præter doctrinam Cæsaris fauor extollebat. Labeonem præter studium sapientiæ, in quo multum, diuque versatus erat usurpata libertas clarum faciebat. itaque Consulatum gessit Ateius. Labeo cum ab Augusto deferretur ultro neglexit, videbat enim vendendam libertatis pretium. Consulatum ostendi, ut suspectior populo fieret, quasi degenerasset à se ipso, & non temporum ratione, sed honoris cupiditate, libertatem sibi vindicare defuisset. Pulchrius enim erat temporibus cedere, quam

quàm Consulatum taciturnitatis in rebus, quæ non ex sententia fluere, mercedem accepisse putari. sed quacunque ille de causa Consulatum contempserit, optandam mediusfidius, si Pomponio credimus, vitam vixit. Etenim sic mihi persuadeo, hac anni partitione nihil excogitari potuisse diuinius. fruebatur Romæ Labeo doctissimorum virorū sex menses cōmercio, consuetudineq; totidem recessu gaudebat, conscribendisq; libris operam dabat. itaq; & animum explebat præceptis sapientiæ, & posteritati scriptis consulebat. ait autem Pomponius in sectas diuisos esse Ateium, & Labeonem, cum alter, quæ tradita fuerant tueretur. Alter magnitudine doctrinæ fretus quædam institueret innouare. Et quoniam in sectarum mentionem cecidimus de sectis pauca memoremus. Principes quidem sectionum omnium existimantur philosophi, & hi maxime qui Socratem sunt sequuti. Cum enim sententiā suā nunquam Socrates explicaret, sed in omnes disputaret partes. Accipiebant auditores quod cuiuslibet veri videbatur similis, idq; tuebatur, vnde tanta varietas opinionum dicitur nata, vt vix quid probes, quidne reprobis in promptu sit inuenire, vt nonnunquam veram illorum sententiā credi par sit, qui negant rebus assentiendum, cum lateat omnino veritas tenebris obumbrata. huius tamē disputationis alius erit

locus accommodatior. Itaq; repræhendunt Socratē multi, cum enim inquirunt quid sentiret non cōposuisset, varias confecit opiniones, fuit autem necesse vnam esse veram, errareq; omnes aliter opinantes, quorum errorum omnium penēs Socratem culpa fuit, sed ipse apud Platonem, & in Clitophone dialogo, & in Apologia se defendit, primum asserens se neminē instituisse docere, cum intelligeret se nihil omnino scire, examinare tamē omnes partim vt ipse disceret, partim, vt quid illi scirent, qui se sapientes profiterentur intelligeret, iuventutem semper ita à se eruditam fuisse, vt ad virtutem, & honestatem fieret propensior. Sed Socratem quidem valere sinamus hoc tempore, nihil enim refert laudandus, an accusandus sit diuturniore disputatione quarere, cum ab eo sectas in philosophia inchoatas esse constet. Ab iis igitur, qui de moribus disputabant ad physicos transire sectæ. nam ante ea tempora nemo philosophiam audebat profiteri aduersantibus populis, omnesq; philosophos, & præcipuè physicos diis aduersarios, atque ab omni penitus Religione alienos existimantibus. Inde ad oratores etiam sectio peruenit authoribus (vt Quintiliano placet) Theodoro, & Apollodoro, quorum sectatores Apollodorei, & Theodorei sunt appellati, in quibus Apollodorus solo iudiciali genere contentus cætera dicendi ge-

di genera ab oratore putauit aliena. cum cæteri Aristotelem sequuti tria causarum genera posuerint omnium ore celebrata, vnum quod in laude, & vituperatione positum esset. Alterum, quod suasionē, dissuasionēq; constaret siue Senatui consulendum esset, siue populo. Tertium, quod in iudiciis versaretur. Cicero etiam in sermone familiari vim desiderat oratoriam, quam Apollodorus exiguis iudiciorum terminis, quasi cancellis circumdedit. Postremò ad iureconsultos contagio peruenit, quemadmodum in Italia patres, maioresq; viderunt nephariis factionum nominibus omnia fuisse contaminata, nec ætas quidem nostra perniciosius omnino vacat dissentionibus. Sperare tamen licet, iuuantibus superis, & Principum prudentia fieri, & æquitate posse, vt flagitiosissima factionum cognomina prorsus obliuione delectantur. Sed ad rem redeundum. Atcio, Labeoniq; Massurius Sabinus, & Nerua Cocceius successisse dicuntur. Nemo existimet hunc illum Neruam fuisse, qui postea imperauit, non enim tempora congruerent, cum Nerua si ab Augusto sumatur imperium duodecimus, si à Cæsare Dictatore tertius decimus imperauerit, successeritq; Domitiano. Massurium Sabinum sunt qui descriptiones omnes iuris ciuilis in volumen collegisse trandant,
& in

& in equestri ordine perseverasse, & à Tiberio Cæsare publicè respondendi auctoritate donatum. Nertam Cæsaris etiam familiarissimum extitisse confirmat Pomponius, sed quæ de respondendi auctoritate dicuntur obiter quemadmodum Pomponiū vel le videntur dispiciamus. Vrbe Romæ libera accidebat plerumque vt litigatores ambo diuersa iure consultorum decreta proferrent, nonnunquam etiā res ita tractabatur, vt æquitate ius opugnaretur. itaque oratoris lacertis, ac viribus (vt ait Cic.) primo de oratore volumine amētata iurisperitorum haste torquebantur, isq; vincebat, qui cōtorserat fortius. Itaq; non legum auctoritatem obtinebant prudentiū responsa, admittebantur tamen si nihil erat controuersie. Augustus primum prudentibus, eorumq; responsis auctoritatem dedit, vteorum decreta pro scitis haberentur Imperatoriis, vel quod iuri auctoritas adijceretur, vel quod existimaret Cæsar hac ratione controuersias facilius tolli posse. iurisq; prudentes accuratius responsuros nē si deprehenderentur errasse, & respondendi auctoritatem amitterent, & omnium iudicio perpetuum sibi dedecus comparerent. Crediderim ego tamen, si controuersum ius esset, auctoritatem vel à respondentium opinione scientiæ recipi solitam, vel à multitudine idem sentientium, vel ab eo certè, quod plures, melioresq; re-
spon-

sponderent. rescripsit igitur Adrianus respondendi auctoritatem dari ab Imperatoribus, non peti in beneficii locum oportere. De his tamen sit satis excursus.

EXCURSIO X.

P RIMVS diuus Augustus, ut maior iuris auctoritas haberetur: constituit, ut ex auctoritate eius responderent. & ex illo tempore peti hoc pro beneficio cepit. & ideo optimus princeps Adrianus, cum ab eo iuri Prætorii peterent, ut sibi liceret respondere, rescripsit eis: hoc non peti, sed præstari solere. Et ideo delectari se: si qui fiduciam sui haberet, populo ad respondendum se prepararet. Ergo Sabino concessum est à Tyberio Cesare, ut populo responderet, cum in equestrem ordinem iam grandis natu, & fere annorum quinquaginta receptus esset. huic nec ample facultates fuerunt, sed plurimum à suis auditoribus sustentatus est. Huic successit Caius Cassius Longinus, natus ex filia Tiberonis, quæ fuit neptis Seruii Sulpicii. & ideo proavum suum Seruum Sulpitium appellavit. is & Consul fuit cum Quartino, temporibus Tyberii: & plurimum in civitate auctoritatis habuit, donec Caesar eum civitate expelleret. expulsus ab eo in Sardiniam, revocatus à Vespasiano, diem suum obiit. Nervæ successit Proculus. fuit eo tempore & Nervæ filius. Fuit & alius Longinus ex equestri quidem ordine, qui postea ad præturam usque pervenit: sed Proculi auctoritas maior fuit. (nam & ipse plurimum potuit)

potuit) appellatiq; sunt partim Cæsiani, partim Proculiani: quæ origo à Capitone & Labeone caperat. Cæsio Cælius Sabinus successit, qui plurimum temporibus Vespasiani potuit: Proculo Pegasus, qui temporibus Vespasiani præfectus urbi fuit: Cælio Sabino Priscus Labolenus, Pegaso Celsus pater: patri Celfo Celsus filius, & Priscus Neratius, qui utriq; consules fuerunt. Celfo quidem & item Laboleno Prisco Aburnius Valens, & Tuscianus; item Saluius Iulianus.

ASSE RVNTVR & alii magnæ authoritatis iuris periti, quorum ea memoria contenti erimus, quæ fit à Pomponio. iis. n. temporibus floruerūt, quibus Imperatorum mores gesta domi, atq; militiæ cognoscendi maior fuit cura, quàm eos, qui consulerentur in iure, perscribendi. Annotabimus tamen sectionem factam inter Labeonem, & Capitonem, nouas peperisse sectiones, inter Proculum, & Cæsium unde Proculiani quidam, alii Cæsiani sunt appellati. serpit. n. latius, ubi semel cœpit dissentionum origo, & homines quod verum uisum est opinantur, nec ueritati postea cedunt, turpe putantes sua non potuisse tutari, quod sanè maximū vicium est. Annotabimus illud etiam Saluium Iulianum, quem edicti perpetui pleriq; faciunt authorem iuxta Aelii sententiā Spartiani proauum Didii Iuliani fuisse, qui duos menses adiectis aliquod diebus imperitauit Romæ, quem etiam

etiam Herodianus mollissimum hominē atq; effœminatissimum scribit, Imperium etiam a militibus emercatū asserens. Fuit & alter Saluius Iulianus eius, qui imperitavit tēporibus, quem iuris etiam fuisse peritum à quibusdam memoriæ mādatum est. Hæc habuimus Optime PRESVL, quæ in l. 2. de iuris origine proderemus, non illa quidem mimeruam redolentia quod nos quidem vix templi sumus ausi limina salutare, ne dum in ipsam ædē prorumpere. Optimo tibi tamē animo tradita; vnde quid ab hoc ingenio sit sperandum intolligas, nosq; vel ad laborē horteris, vel certē deterreas. Illud habeto si gratum tibi senserimus munus, non sit licet Phidix manibus elaboratum, maiora à nobis propediem expectāda, quorum non minima pars tuis titulis accesserit. Omnibus faustis, scelicibusq; auspiciis imploratīs te vale re, agere prospere, cuncta tibi ex sententia quæcunque optas euenire & volumus, & precamur, excursionibusq; paruis extremam manum imponimus, quæ quoniam exire larius incomptæ properant tuo certē numine protegentur.

F I N I S.

EE

ERRATA.

Pag.	Verfus.	Errata.	Correcta.
32	3	reliuquunt	relinquunt
27	20	mutuatur	mutuatur
35	24	quingualimum	quingualimum
46	3	coniecturæ	coniectura
61	20	ἑπτα	ἑπτα
73	26	quinque	septem
82	2	sciues	ciues
96	10	efficit	efficit
102	5	ingiuriam	iniuriam
108	13	suam	sua
121	23	in medium	in medium
123	24	Liuius	Licinius
124	25	peragendum	pergendum
146	14	cœperit	ceperit
157	23	eis	cis
161	18	claudemns	claudemus
190	5	obeunduarum	obeundarum.